

WANTOK

NIUSPEPA BILONG OL PAPUA NIUGINI STRET

Ernst & Young audited circulation 15,177

36 pes

Namba 884

Wik i stat long Fonde 13 Jun, 1991.

40 toea

Nupela wasman bilong Haus Palamen



• Nem bilong sekyuriti wokman ya bilong Haus Palamen em Jackson Selta bilong Tuffi long Popondetta. Em i bin wokabaut raun wantalm sekyuriti dok bilong em, Zues, husat i gat tupela na hap krismas tasol. Zues i wanpela bilong ol 8-pela dok nau i stap patrol raun na was long Haus Palamen long Mosbi. Poto: Rudolph Ayu.

Momis i aplai long kisim wok long Fiji

KONIO SENEKA i raltim

PROVINSAL Afeas minista, Pater John Momis i aplai pinis long kisim wok olsem Seketeri Jenerel wantaim opis bilong Saut Pasifik Forum Sekreteriet long Fiji.

Em bai resis wantaim 4-pela narapela man. Husat bilong ol i win bai stat wok long Suva, biktaun bilong Fiji long 1 Januери, 1992.

Opis bilong Pater Momis long Mosbi i no klia yet sapos minista bai kisim dispela wok o nogat.

Sapos Pater Momis i kisim dispela wok, em bai risain long wok olsem memba bilong nesenel palamen na go long Fiji bilong kisim dispela wok.

Wanpela opisa long opis bilong Forum Sekreteriet long Suva, biktaun bilong Fiji i tokim *Wantok* long asde olsem nem bilong Pater Momis na olpela presiden bilong Kiribati, Ieremiah Tabai i stap antap tru long lista. Dispela long wanem tupela man ya i bin mekim bikpela wok tru long sait bilong politik long kantri bilong ol yet.

Gavman bilong Papua Niguini i givim ful sapot long Pater Momis, tasol Provinsal Afeas minista yet i gat planti samting bilong tingim. Namba wan samting em long bikpela wok em i mekim long bringim gen ol sevis i go long Bogenvil Ailan.

Nupela Seketeri Jenerel bilong Forum Sekreteriet bai kisim opis long Suva long mun Januери bilong neks yia.

Pater Momis bai lusim kantri nau long apinun bilong go long Santo long Vanuatu. No gat man inap tokaut long as bilong limlimbur bilong Pater Momis, bikos dispela em i wokabaut bilong em yet.

Sapos ol i tok orait long aplikesen bilong Pater Momis long dispela nupela wok, em bai lusim tu wok bilong em olsem memba na minista long palamen.

UPNG studen straik yet - Gavman na bikman bilong yuni kibung tude

Olsem na long dispela kain mani, em bai wokim gen wanpela skul maski sapos em i no laikim.

Long narapela sait bilong *tied-aid*, Papua Niugini bai yusim mani bihainim laik bilong wanem kantri i givim helpim. Na kantri i no inap yusim mani long laik bilong em long wanem samting em i laik mekim long en.

i go moa long pes 4

INSA

• Pe bilong kopi i stap wankain yet...pes 3



• K4.5 milien bilong baim ol eks soldia...pes 3

• Westen Hailans holim vot i no gat bilip...pes 5



• SP Intasiti Kap long poto

• Mosbi Vipers laik winim taitel

• Nius bilong ol yut

PNG sindaun long dinau mani


BERNARD MALADINA i raltim

RIPOT bilong Wol Beng long 1991 i soim olsem Papua Niugini i ran nau long strong bilong dinau mani i kam long ovasis.

Na long taim em i kisim ol dispela mani long ovasis, dinau bilong en i wok long go antap moa yet.

Planti helpim mani em Papua Niugini i kisim i kam aninit long wanem samting em mipela i kolim long tok Inglis olsem *tied-aid*.

Dispela kain helpim i narakain liklik. Em i min olsem sapos kantri i askim long helpim mani bilong edukesen, em bai yusim dispela mani long wok bilong edukesen tasol. Na i no inap long kirapim wanpela helt o egrikalsa projek long en.



DAIHATSU STRONGPELA

DISPELA DELTA TRAK I GUTPELA LONG OL KAIN ROT BILONG YUMI. LUKIM DISPELA LONG ELA MOTORS NAU!



Daihatsu Dan

ELA MOTORS



PORT MORESBY 22400 - LAE 43305 - RABAU 52100 - MADANG 627100 - GOROKA 72104 - MT HAGEN 52100 - WEWAK 84270
POPONDETTA 79726 - KAVING 842132 - KIMBE 93515 - TABURAI 90900 - VANIMO 871204 - PONGERA 58203

ELA MOTORS I SAPOTIM YUN JUNG DO

MEMBA BE ONG BURNS PHILIP (PNG) LIMITED

EM 2817

PLIS



RIPOT

MOSBI: Plis ripot i tok tupela meri i bin dai long Hiritano haiwe taim ka bilong tupla i kapsait long rot.

Ol arapela 5-pela pasindia husat i stap long ka tu i kisim bikpela bagarap, na ol plisman i helpim ol i go long Mosbi haus sik. Dispela birua i bin kamap klostu long Veimauri viles long Sentrel provins. Dispela em long las Sande long 4 klok apinun.

Ripot i tok tupela meri husat i dai i sindaun ausait long beksait bilong ka taim birua i kamap. Ol plisman i no laik tokaut long nem bilong tupela. Ripot i tok tasol olsem krismas bilong tupela meri ya i stap namel long 25 na 45.

Ol plisman i holim pinis draiva bilong dispela ka, na i bin givim sampela askim long em. Ol bai i sasim em long bihain taim.

HAGEN: Tupela man i kisim bikpela bagarap na i stap nau long Hagen haus sik. Birua ya i kamap bikos man Saten Hailans i lusim bikpela mani long pilai laki. Em i kisim wanpela bikpela diwai na paitim man Goroka long het. Dispela i bagarapim tingting bilong ol arapela Goroka long bekim dispela pait.

Ol man Goroka i paitim wanpela man Sauten Hailans long diwai tu long bros bilong em. Tupela man wantaim i slip long Hagen haus sik.

Narapela pait tu i bin kamap long ol pipel bilong Goroka na Sauten Hailans long Sarere apinun. Dispela pait i bin kamap long Warakum setelmen klostu long Hagen taun.

Tasol ol plisman long Hagen i kamap hariap na stapim. Ol plisman i sutim tripela tia ges i go insait long setelmen. Dispela i pretim ol paitmani ranawe nambaut i go hait long bus.

LAE: Tupela man i bin dai taim wanpela ka i kapsait long Yalu bris ausait tasol long Lae siti. Dispela ka i bin stap long Nadzab na i laik go long Lae taim em i bungim dispela birua long las wiken. Draiva bilong ka i kisim bagarap na tupela pasindia bilong em i dai. Ol plisman i holim pinis draiva bilong ka na bai sasim em. Tupela man husat i dai em Benny Ipatre bilong Morobe na Michael Dua bilong Westen Hailans provins.

LAE: Ol plisman i wok long painimaut tu long wanpela meri em ol i ting i bin stilim K3,826 long kampani bilong em. Ol plisman i no sasim dispela meri yet, tasol taim olgeta wok i pinis, ol bai tokaut long sampela sas bilong em.

LAE: Long Lae siti yet las wiken, tripela man i bin pretim draiva bilong wanpela ka wantaim naip na ranawe long ka bilong em. Ol plisman i wok long painim yet ol dispela tripela man na dispela ka.

BULOLO: Wanpela yangpela man husat i no gat laisens bilong draivim ka i kapsaitim ka long wanpela maunten namel long Bulolo na Aseki rot na kilim wanpela man. Ripot i tok dispela yangpela man i no klia gut tu long pasin bilong kisim ka i go antap long maunten. Narapela pasindia bilong dispela ka i bin kisim bagarap tu long dispela birua. Man husat i dai em Apolo Yanganem husat i gat 17 krismas bilong lkawa viles long Bulolo. Draiva bilong dispela ka i stap nau long han bilong ol plisman.

WEWAK: Long Sepik timba, wanpela man i bin go insait long wanpela haus na pretim wanpela mama. Bihain em i bagarapim dispela mama husat i bin stap wanpis long haus. Polis ripot i tok dispela man i bin suvim mama ya i go insait long haus waswas na bagarapim em na bihain em i ranawe. Ol plisman i wok long painim yet dispela man.

Wanpela rot tasol long stretim hevi bilong graun - Narokobi

HARLYNE JOKU i raitim

NESENEL Lens Komisn bai traim long kamapim wanpela rot tasol long stretim ol hevi bilong graun long bihain taim.

Atoni Jenerel, Bernard Narokobi i tok i gat planti han bilong kot long harim hevi bilong graun na dispela i no klia long planti papa graun. Mista Narokobi i tok long bungim Nesenel Lens Komisn wantaim Lens Taitel Komisn na bihain wantaim Len Kot sistem. Em i tok dispela i ken kamapim gutpela helpim we ol papa graun i no ken i go i kam long kain kain opis long hevi bilong ol long graun. Em i tok sapos dispela senis i kamap bai i ken stretim planti hevi bilong graun i bin stap planti ya i kam nau.

Nesenel Lens Komisn i tok aut olsem nau yet i gat planti kot bilong graun i no stret yet. Planti bilong ol dispela hevi bilong graun i stap bipo long.

independens inap nau.

Ripot bilong Komisn i tok long taim em i stat long yia 1987, planti toktok bilong graun i kam bek long em long ol Lokel Len Kot. Dispela em bikos ol kain hevi olsem i gat planti man i papa long graun na kot i no inap hariap long oraitim graun long husat i papa. Sampela bilong ol dispela hevi i save stap olsem 10-pela krismas bihain.

Nesenel Lens Komisn long 1989, Lindsey Gideon i tok planti papa graun i kros pinis long kot i wok long westim taim long ol i kisim kompensesen long graun bilong ol.

Long dispela as na planti papa graun i laik kisim lo i go long han bilong yet na kamapim ol trabel. Sampela bilong ol kain hevi em, ol papa graun long Koiari i laik pasim Sogeri Nesenel Haikul na larowari Haikul bikos kompensesen bilong ol i wok long westim planti taim.

Hagen kefiu i kamapim bikpela senis

YAKAM KELO i raitim

KEFIU long Westen Hailans provins i kamapim gutpela wok nau long senisim provins i ran gut gen.

Ol Jas bilong Nesenel Kot long Hagen i gat planti sas i stap nau long harim na dispela i as bilong wok bilong kefiu. Kefiu i holim pasim pinis planti ol man bilong brukim lo na i gat planti sas i stap nau long ol Jas i harim.

Insait long provinsal gavman, oposisen wantaim gavman i wanbel long wok bilong kefiu insait long provins.

Ripot i tok wok bilong kefiu i stapim na daunim planti ol birua na hevi long kamap. Sampela bilong ol dispela hevi na birua nau i pundaun em; • birua long ka long rot; • pasin raskel; • pasin spak na pait.


Provinsal asempli i orait long holim kefiu wanpela taim long wan wan yia. Tasol sapos dispela wok bai yusim bikpela mani tumas orait, ol i kamap wantaim ol sampela rot bilong strongim wok bilong lo na oda long provins. Ol dispela rot em, • kisim moa plisman • stretim ol haus na arapela samting bilong ol plisman • apim pe bilong ol plisman.

Provinsal gavman bai toktok long ol dispela tingting bilong ol pas-taim na salim i go long nesenel gavman long toktok long en.

Provinsal gavman i laikim olsem sapos gavman i orait long dispela tingting bilong ol, orait em i mas salim dispela pawa i kam long provinsal gavman long karim aut.

Ripot i tok provinsal gavman i laik karim aut dispela pawa bikos hevi i save stap long provins na gavman i stap klostu long stretim. Ripot i tok sapos provinsal gavman i ken kisim dispela pawa, bai em inap long stapim na sevim planti manmeri long bungim birua.

Ripot i tok ol manmeri bilong Westen Hailans provins i wanbel pinis long wok bilong kefiu na i laik bai kefiu i go het. Ol i askim sapos kefiu i ken stap longpela taim liklik long provins.



• Nupela rikrut: Ol 5-pela yangpela ya bilong Sandaun provins nau i joinim plis fos. Ol i kisim dispela poto bihain long ol i flal i go long Mosbi.

Plisman i kukim 40 Plis lukautim Wewak Mobil haus long Gambagog

BIKPELA wok painimaut bai kamap bikos ol plisman i bin kukim 40 haus long Simbu.

Na tu wanpela strongpela raskol man i bin dai bikos ol plisman i bagarapim haus bilong ol pipel.

Sinia Distrik kot Mejistret Rick Giddings bai go pas long wok paintim aut ya.

Giddings i tok wok painimaut i stat pinis long dispela wik na bai i stap inap nek wik. Long mun 29 Me 1991 ol plisman long Simbu i bin kamapim wanpela spesel operesen long holim pasim ol biknem raskol.

Long wankain taim ol plisman i helhat na kukim 40 haus bilong ol pipel bilong Gambagog viles. Dispela birua i mekim planti man i no gat haus long slip long en. Long bekim pasin ol plisman i mekim ol pipel bilong Gambagog i holim pasim wanpela biknem raskol Palma Okuk na katim em wantaim tamiok long het bilong em. Bihain ol i kisim em i go long Kundiawa plis stesen.

Gavman i lus tingting long edukesen na helt

MANI gavman i putim kamap long 12-pela yia i go pinis long wok bilong edukesen na helt i go daun tru long dispela yia. Dispela tok em wanpela save man bilong gavman bilong Nu Silan i painim aut.

Long Jun las yia gavman bilong Papua Niugini i askim Mista Conrad Blyth, Profesa bilong Ekonomiks long Auckland Yunivesiti long mekim sampela wok painim aut long mani gavman bilong Papua Niugini yusim long 1990.

Wok painimaut bilong em i luksave olsem gavman i daunim mani bilong edukesen na helt i go daun long 3.5 pesen stat long yia 1978 na 1989. Sapos wanpela gavman i kisim 30 o 40 pesen mani na painim hat long developim kantri bilong em i soim stret olsem kantri bai i no inap go het long developmen.

Profesa Blyth i tok dispela em i sistem bilong gavman bilong Papua Niugini. Em i no sistem bilong wanpela politisen o wanpela politikel pati insait long kantri i kamapim dispela hevi.

i go moa long pes 10

PLIS i mekim bikpela wok lukaut long Mobil Wel Kampani bihain long tok pret i kamap olsem paia bai kukim Mobil long Wewak.

Provinsal Plis Komanda, John Wakon i tok plis bai holim was long dispela hap we Mobil Wel, Guinea Gas na Shell Kampani i stap long en. Mista Wakon i tok plis bai i holim strongpela was long long dispela hap bikos dispela tok pret em bikpela samting.

Mista Wakon i tok long san, ol plisman i raun i go i kam long hap bilong Mobil na lukaut long en taim ol wokman bilong kampani i go het long wok. Em i tok kampani tu i gat sekyuriti bilong em na i helpim plis tu long putim was.

Long nait taim ol plisman i save kam stap long banis bilong Mobil na wok long was i stap long nait wantaim ol arapela sekyuriti bilong kampani.

Mista Wakon i tok bai ol i go het yet long was inap olgeta samting i go orait long provins.

Em i tok long nau yet i gat hevi namel long ol pipel we ol i bin kukim pinis opis bilong provinsal gavman. Olsem na sapos dis-

pela hevi tu i pinis bai plisman i ken stapim was bilong em long Mobil Kampani.

Plis Komanda i tok em i no kisim tru ripot yet long husat man o grup i mekim dispela tok pret. Em i no kisim tu ripot long wanem as bilong dispela tok pret long kukim Mobil Kampani. I no gat gutpela na tru ripot bikos stori i wok long kamap long maus bilong kain kain manmeri na olgeta yet i wok long pulim toktok i go i kam.

Tasol Plis Komanda i tok i no inap long wanpela man i mekim kain samting olsem bikos dispela hevi bai i no inap liklik samting. Husat man i laik mekim paia bai pret tu long laip bilong em yet. Em i tok sapos paia i lait bai dispela man tu i pinis long paia.

Em i tok long de taim ol wokman bilong kampani i go het wantaim wok bilong ol na plis wantaim sekyuriti i putim was long ol i stap. Tasol plis bai no inap long slek long dispela pret bikos em i bikpela samting olsem na plis bai go het yet long was long Mobil Wel Kampani.

Stail memba bilong Goroka sekyuriti fos



• Long foto em ol stail memba bilong Goroka sekyuriti fos wantaim ol bunara na spia bilong ol. Ol i sanap was gut tru long bikpela stua bilong Collins & Leahy long taun. Foto: Sape Metta

OLGETA stua, opis na ol beng long Goroka i bin pas long Goroka long las wik Fonde.

Dispela i kamap bikos ol ausait pipel, i no ol studen, i bin wokabaut long rot na tokaut long holim bikpela protes na straik.

Ol plisman na sekyuriti opisa, aninit long lukaut bilong Provinsal Plis Komanda (PPC), Buckley larume i kapsait tu long ol strit bilong stapim dispela protes na straik. Liklik bagarap tasol i bin kamap taim ol man i brukim sampela stua long Wes Goroka na stilim ol samting.

Long dispela moning, bikpela lain manmeri

bilong ol ples klostu i bin kam bung long Goroka taun bilong stap insait long protes em ol studen i laik holim bikos ol i no amamas long pe bilong ol palamen memba, ol sinia pablik sevan na ol provinsal primia i go antap. Tasol i gutpela olsem ol studen i no bin kamap long taun, ol i stap tasol long koles.

Ol stail sekyuriti bilong ples tu i bin kam insait long taun wantaim ol bunara na spia bilong ol long was na banisim ol stua. Ol plisman i bin raun tu long olgeta liklik kona em ol i ting bai i gat trabel.

Pe bilong kopi long mun Janueri i kam i stap wankain yet

SAM VULUM i rattim

PE bilong kopi long mun Janueri i kam inap nau i wankain tasol olsem long dispela kain taim long las yia.

Kopl Industri Bod (CIB) ripot bilong mun Me i tokaut olsem i no gat wanpela senis i bin kamap long pe bilong kopi. Dispela i bihainim ol hevi nau i wok long kamap long wol maket.

Long mun Septemba las yia, pe bilong kopi em ol i save salim long faktori i go antap long 189.5 toea long wan wan kilogram. Dispela pe i bikpela liklik stat long 1988 i kam inap nau.

CIB i tok pe i pundaun gen i go long 120 toea long wan wan kilogram long pinis bilong mun Januar long dispela yia. Tasol long pinis bilong Februer i sampela senis i kamap. Pe bilong Y gret kopl i stap antap long 180 toea

long wanpela kilogram. Pe i stap olsem inap namel bilong mun Mas, maski pe i go daun long Nu Yok maket. Dispela i pundaun long 94 sens i go long 87.7 sens.

Pe bilong dral Arabika kopl long faktori i wankain olsem Y gret kopl. Dispela i stap maski planti faktori nau i laik balm moa grin kopl. Bikos long dispela CIB i tok long ripot bilong em olsem ol groa na ol faktori wantaim i kism gutpela helpim long dispela senis nau tasol pawa bilong maket i stap wantaim ol faktori.

Pe bilong dral kopi long faktori long stat bilong yia i stap olsem 105 toea long wanpela kilogram. Pe i stat long go antap namel long mun Mas na nau i stap namel long 110 toea na 112 toea.

Pe bilong Robasta kopi i stap daun bilo yet. Pe bilong Robasta long faktori i stap olsem 60 pesen aninit long pe em fakotri i kism taim em i salim kopl ovasis.

Red Cross abrusim K100,000 mak

INTANESANEL Red Cross Ogenaisesen i abrusimpinis K100,000 long salim ol marasin na arapela samting long helpim ol pipel bilong Bogenvil, tasol Papua Niugini i no givim bikpela han yet long helpim ol dispela pipel.

Ol Red Cross opisa i tokol bai i no inap suvim ol pipel bilong dispela kantri long givim han. Wok na save i stap long ol wan wan brata na susa

long helpim ol arapela brata na susa bilong yumi long Bogenvil.

Seketeri bilong Red Cross Sosaiti, Cosmas Konia i tok ol i bin salim pinis marasin na kaikai long Arawa. Bihain long em bai ol i salim long olgeta liklik helt senta we i mekim wok bilong lukautim ol sikman yet.

Tupela wokman bilong Intanesanel Red Cross Ogenaisesen i kamap pinis long Papua Niugini.

Gavana Jenerel holim pawa bilong ol protes

LO i tambuim ol protes mas na bikpela kibung inap Gavana Jenerel i tok orait long en bihain long askim bilong minista bilong Jastis.

Bihain long lo i gat pawa, Gavana Jenerel i mas tok save long wanem hap i tambu long ol protes na kibung bilong kamap long en, long wanem taim inap long wanem taim na wanem as tru bilong putim dispela tambu.

Dispela tok save i mas kamap long Nesenel Geset, ol niuspepa na redio long olgeta hap bilong kantri.

Loya bilong Legislativ Kaunsil, Jim Fraser i mekim dispela tok klia bihainim ol hevi em ol studen i kamapim long soim kros bilong ol long pe bilong ol memba na sinia pablik sevan i go antap.

Fraser i tok Ekting Gavana Jenerel na Spika bilong Nesenel Palamen, Dennis Young i sainim pinis dispela Ekt na bai kamap long Nesenel Geset long dispela wik. Dispela em rot Gavman i save bihainim taim em i kamapim ol nupela lo.

Kabinet oraitim K4.5 milien bilong baim ol eks soldia

KEBINET i oraitim pinis K4.5 milien bilong baim 456 eks-soldia husat i lusim ami namel long 1982 na 1987.

Na Dipatmen bilong Difens i stat pinis long baim ol dispela eks-soldia long dispela wik.

Ol wokman bilong Difens hetkwata i tok sampela ol eks-soldia i kamap pinis long kism pe na sampela i wok long kam yet. Na ol i bilip olsem olgeta eks-soldia bai kism pe bilong ol bihain long pinis bilong dispela wik.

Dispela i kamap bihain long longpela hatwok ol eks-soldia i mekim long kism olgeta pinis pe bilong ol. Hevi bilong ol i kamap long Nesenel Kot.

Na bihain long planti tok pait long kot namel long ol na Gavman, ol eks-soldia i winim kot.

Jastis Brown, husat i harim dispela kot bilong ol i tok ol eks-soldia i mas kism olgeta pinis pe bilong ol bihain long kot i autim tingting bilong en. Tingting bilong kot i kamap klia long las wik.

Em i tok ol eks-soldia nau i ken go long hetkwata bilong ami long Murray Bareks long Mosbi na kism pe bilong ol. Ol pikinini o wan famili bilong husat ol i dai pinis i ken makim ol long kism pe.

Tasol Jastis Brown i tok bihain long ol i kism pe bai ol wokman long hetkwata i luksave sapos dispela ol man tru i kism pe o nogat.

Em i tok mani nau em NEC i tok orait long en bai kam aut long Fainens na Plening Dipatmen. Fainens bai givim long Dipatmen bilong Difens na ol soldia i ken kism.

Jastis Brown i tok aut olsem husat ol eks-soldia i no amamas long we em i bihainim long wokim aut pe bilong ol i ken aplai i go long em.

Balus federesen laikim narapela grup i sekap long Air Niugini

PRAIM Minista Rabbie Namaliu i askim pinis minista bilong Sivil Aviesen na Nesenel Airlines Komisin long mekim wok painimaut i go insait long wok bilong Air Niugini.

Mista Namaliu i tokaut long dispela long 15 Me bihain long askim bilong PNG Airline Wokas Federesen. Federesen i laikim sampela wok painimaut i mas kamap long painim ol paul pasin i wok

long kamap long wok bilong Air Niugini.

Tasol wok painim aut nau bai i no inap long go het bihain long narapela pas gen bilong Federesen i go long Namaliu long 21 Me.

Long dispela pas, Federesen i tok em i no laikim minista na Airlines Komisin long mekim wok painimaut bikos ol tu i stap insait long wok bilong Air Niugini.

Namba tu seketeri bilong

Federesen, Richard Rangwinyen i tok dispela em i wanpela bikpela samting tru na ol i laikim narapela grup olgeta ausait long Air Niugini long mekim wok painimaut.

Rangwinyen i tok dispela grup bai i no inap long wok wansait. Grup bai wok stret na painimaut ol paul pasin i stap insait long wok bilong Air Niugini.

Insait long Me 21 pas i go

long Namaliu, Federesen i putim wantaim tu ol pepa i soim sampela ol paul pasin i kamap long Air Niugini. Ol kain samting olsem wok bilong menesmen, we bilong kism ol wokman na meri PNG yet, paulim ka na ol samting bilong Air Niugini.

Federesen i tok dispela em i wanpela as na Air Niugini i gat planti hevi nau long mani long mekim wok bilong en.

FRI BAIBEL KOS
YU KEN KISIM SKUL
LONG SALIM PAS
 Sallim nem na edres long: **WORLD BIBLE SCHOOL**, Dept. VD21,
 P.O. Box 9346, Austin, TX 78766 USA

TORO

PLANTI MAN TRU I WETI STAP...
 MI SANAP LONG PRAN... MI BAI PES MAN TRU LONG KALAP... HE HE HE!
 BUS STOP
 TORO TASOL I SANAP LONG PRAN STRET...

NAU BAS BILONG SO I KAM NA OLGETA I MUMUTIM I GO... TORO I GO PAS NA SANAP LONG DUA NA BLOKIM DUA I STAP...
 HEY!! YU GO INSAIT HARIAP...
 HA! HA! HA! STAP ISI TASOL! MI KISIM SI BILONG MI PASIN!
 BLARI GE!! TEKIM MAN YA I GO INSAIT HARIAP!

OL MAN I BELHAT NA PUSIM TORO I GO INSAIT... NAU OLGETA MUMUTIM I GO INSAIT...
 INO LAU!! ISI YA! SO BAI INO INAP RONAWA!! WHOOOEEEE!!
 PUSIM!! PUSIM!! PUSIM!!

OL I PUSIM TORO I GO YET NA PUSIM EM I KAMAUT LONG WINDUA...
 EM NAU! PUSIM EM I GO AUT LONG WINDUA! HE! HE! HE!
 OKE DRAVA! YUMI KEN GO NAU!
 TARANGU TORO SILUP KRUNGUT I STAP LONG ROT NA OL I TEK-OFF...

WANTOK

NIUSPEPA BILONG OL PAPUA NIUGINI STRET

PNB sindaun long dinau mani

RIPOT bilong Wol Beng i kamap pinis na soim ples klia rot em Papua Niugini i bihainim long en na wanem hap kantri i stap nau long en. Ripot bilong Beng i soim ples klia tru olsem laip bilong Papua Niugini i stap long han bilong mani em i kisim long ovasis.

Yumi olgeta i lukim ples klia nau olsem kantri i no ron gut. Olgeta rot bilong Papua Niugini i set antap long solwara bilong dinau. Sapos wanem ol lain i givim mani na tokim mipela long mekim samting bihainim laik bilong ol, mipela bai mekim tasol. Papua Niugini i laik kamap nau olsem wanpela kantri long Saut Afrika - mipela bai kamap olsem ol papet.

Toktok bilong papet i min olsem, wanem samting ol narapela i tokim mipela long mekim, mipela bai bihainim tasol. Wanem samting ol i tok no gat long en, mipela bai harim na lusim i stap. Dispela em lo bilong wanem samting mipela i kolim tied-aid.

Long dispela as nau, ol nesanel memba bilong Papua Niugini i no luksave gut na kirap apim olgeta han i go antap long taim bilong vot long apim pe. Ripot bilong Wol Beng i soim tu olsem kantri i no bin yusim gut mani bilong en. Sampela mani i kam long Wol Beng i go long ol narapela rot.

Dispela olgeta toktok na hevi i kam bung wantaim na sut long wanem samting ol yunivesiti studen i mekim nau. Ol studen bilong Goroka na Lae i go bek long skul. Tasol ol lain bilong UPNG long Mosbi i go het yet long straik.

Nupela kopi kopresen i bilong helpim ol Papua Niugini pipel

SAM VULUM I raitm

GAVMAN i no laikim nupela Kopi Industri Kopresen (CIC) long kamap olsem wanpela praivet ogensaisesen.

Ol memba inap paitim toktok long CIC long Me kibung bilong palamen, tasol kabinet i bin rausim gen long program bilong kibung.

Minista bilong Egrikalsa na Laipstok, Tom Pais i tok i gal sampela liklik spes insait long plen bilong CIC we i mekim isi long ol ovasis bisnis man na meri long kam insait na tekova long wok bilong kopi. Em i tok ol i laikim bai dispela nupela bodi i mas

helpim stret ol Papua Niugini manmeri.

Ripot bilong Kopi Industri Bod (CIB) i tok gavman i no laik lusim lukaut bilong en long ol wok bilong kopi i go long ol praivet kampani. Gavman i laikim CIC i mas kamap wanpela han bilong em olsem PTC, Elcom na ol narapela bodi.

Ripot i tokaut tu olsem ol nupela memba bilong CIB nau i tekova long wok bihain long minista i rausim ol olpela ol memba long las yia bai lukautim wok tu bilong CIC taim em i kamap.

Olsem na ol dispela siksipela memba i go het nau long lukautim

CIB taim gavman i traim long pasim ol spes insait long plen bilong CIC. Dispela tu bai givim inap taim long ol kopi asosiesen long makim mausman bilong ol i go long CIC.

Ripot i tok maski i bin gat planti komplek long wok bilong interim bod bilong CIB, ol bai go het long stretim ol wok bilong kamapim CIC. Interim bod bai lukluk gen long ol rot bilong bungim tripela kopi grup nau i stap i go insait long CIC. Ol dispela triplea bodi bai kam aninit long CIC em CIB, Kopi Developmen Ejensi (CDA) na Kopi Rises Institut.

"Mori Oi" bilong Galp provins autim namba wan tumbuna singsing prais

WANPELA wan pisin bilong Uritai viles long Galp provins i kam singsing long Mosbi So wantaim K1,500 tasol. Nau bai ol i go bek long ples wantaim K5,800 olgeta.

Dispela wan pisin ol i kolim

Uritai kalsa grup i bin putim kamap wanpela kain danis ol i kolim Aivolusu. Ol i bin singsing na danis bihainim wanpela stori tumbuna ol i kolim Mori Oi.

Dispela i brukim stret lewa

bilong ol sas bilong singsing tumbuna na ol i mumutim olgeta prais.

Ol sas i givim ol prais aninit long tripela seksen. Ol i kisim K300 long bilas bilong ol, K1,000 long kamap namba wan long ol narapela singsing bilong Sauten rijon na K1,500 long kamap namba wan long olgeta 21 singsing grup i danis long so. Dispela olgeta i go bung na kamapim K2,800.

Bihain ol i kisim K3,000 gen long Turisem Kopresen. Dispela ol i kisim aninit long helpim bilong kodineta bilong ol Sevese Mitase.

Mitase i tok em i amamas tru long grup bilong em. Em i tingting nau long yusim dispela mani long kisim grup bilong em i go raun na danis long ol narapela kantri. Tasol em i tok ol bai painim moa mani gen long sampela hap.

Dispela long wanem ol i mas go danis long 1988 Expo long Australia tasol ol i sot long mani. Em i tok grup nau i regista wantaim Nesanel Turis Kopresen.

Siman bilong grup, Wahe Malase i tok em i amamas tru long ol wokman bilong So. Em i tok dispela em i namba wan taim tru ol i kam danis na em i no save sapos ol bai kam gen long neks yia o no gat.

Provinsal minista bilong Kalsa na Turisim long Galp provinsal gavman na dipatmen seketeri i bin amamas tru long lukim ol pipel bilong ol i win. Dispela long wanem provinsal gavman i givim K1,500 long grup bilong kam long Mosbi.

Siaman na kodineta bilong ol singsing grup long So, Benedict Akiure i tok ol i amamas tru long Galp provinsal gavman. Dispela long wanem provins i save sapotim ol singsing grup i kamap long So long olgeta yia.

Akiure i tok em i laikim bai ol narapela provinsal gavman i bihainim wankain pasin. Em i tok long lukluk bilong ol, dispela So i namba wan tru. Long wanem olgeta singsing grup i kisim prais. Maski ol i no winim wanpela namba long singsing resis.


WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00



Kas bilong ol Kiwai: Ol Kiwai husat i hatim danis long Mosbi So Graun long Kwlns Betde wiken.

BIABIA BIABIA KAMAP OLSEM RIPOTA... NAU TELEPON I RING NA EM ANSARIM... PORO BILONG EM I RING NA GIAMANIM EM...



BIABIA I TING TRU NA EM SUT IGO LONG TRAVEL-LOD HOTEL NA LAIK PAINIMAUT... EM TINGTING LONG PROMOSEN BILONG EM... 'YU, SAVE..'



MERI I TOK NOGAT MAIKOL JAKSON I STAP LONG HIA... TASOL BIABIA I HATHAT LONG LUKIM EM...



MERI YA I BELHAT NA SINGAUTIM OL SEKIURITI GAD NA KAM LUKIM EM... OL I KAM NA HAN-LEK LONG BIABIA...



...NEKS DE BIABIA I RISAIN LONG WOK RIPOTA...

CWA givim tebol bilong katim man

DOMINIC KAKAS i raitim

BIKPELA haus bilong Mosbi bai kisim nupela tebol bilong katim man. Ol lain bilong Kantri Wimens Asosiesen (CWA) long Boroko bai givim dispela tebol.

Kos bilong tebol inap long K9,500 na ol lain bilong Kantri Wimens Asosiesen bai givim i go long han bilong ol lain long Mosbi Jenerel Haus sik (PMGH) tude, Fonde 13 Jun, 1991.

Wanpela mausmeri bilong PMGH i tok olsem haus sik i amamas tru long dispela gutpela helpim bilong CWA. Em i tok dispela tebol i nambawan tru na bai helpim planti pipel moa.

Dispela nupela tebol ol lain bilong CWA i givim i bringim namba bilong ol tebol bilong katim man long haus sik i go antap long 10-pela olgeta. Dispela

nupela tebol bilong katim man bai stap long nupela haus sik.

CWA i gat han long planti hap bilong kantri. Na CWA han bilong Boroko i bin givim pinis planti helpim long Mosbi haus sik.

Presiden bilong CWA long Boroko, Catherine Gibson i tok olsem dispela nupela tebol bilong katim man em ol i givim long haus sik i bikipela na winim tru ol arapela helpim em ol i bin givim bipo.

Long las tupela yia i

kam, CWA i bin givim planti samting bilong helpim ol wok long haus sik olsem:

- wanpela lektrik kad masin bilong ol autpesen;
- wanpela vidio masin bilong ol lain bilong katim man;
- wanpela televisen na vidio masin bilong jineoloji dipatmen;
- bedsit na ol karamap bilong pilo bilong wud 8;
- ol samting em kos bilong ol inap long K500 bilong helpim saikiatrik wud; na
- wanpela masin bilong wasim ol bebi i kamap pastaim long taim bilong mama i karim ol na ol klos bilong ol bebi.
- Misis Gibson i tok olsem asosiesen bai go het yet long helpim ol haus sik.



□ TUPELA man Sepik i raun long Madang taun i go na hangre nogut tru. Tupela i go kamap long wanpela stua na tokim meri stuakipa olsem, "Givim mipela tupela samting ya." Meri long stua kirap na askim, "Wanem samting." Wanpela i bekim, "Em ya samting bilong dok ya." Tupela i tok olsem bikos ol i sem long kolim nem. Kwiktaim stuakipa i kisim tingting na tok, "A, yutupela tok long sosis." Tupela wantaim kirap na bekim, "Em nau, yu kolim pinis."

Jeffrey Yang,
Bialla, W.N.B.P.

□ MAN Arowe i go lukim wanpela lektrik ben i pilal long ples i stap. Em i go sanap arere tru long ol ben memba na lukim ol pilal. Bihain em i go long haus na tokim kandre bilong em olsem, "Atus kandere. Long nait mi go long danis na mi lukim tripela man i sikarapim wala gita na wanpela man i paitim sospen pelet i go, i go, i go na pinisim stret antap long pralpan."

George Wandu,
Kimbe, W.N.B.P.

□ BOS bilong Ramu Suga givim siksti long motobai i kam na pasim arere long mekanik bilong Makham. Em laik sekap long wel nau na mekanik Makham kirap tokim em, "Kapsaitim motobai i go long wanpela sait." Bos i mekim olsem na Makham i tokim em, "Lukim, dispela baik bilong yu i no gat wel tru. Olsem na ensin tu i hat nogut tru. Yu go kisim likik wara na kapsaitim insait long ples bilong putim wel. Bihain kisim raba hos bilong wara na suvim i go long eksos paip bilong baik na motobai bilong yu bai kol olgeta." Tuhai i kapsait long pes bilong waitman ya na em i go askim narapela mekanik. Narapela mekanik i lap wantaim na tokim waitman ya, "Yu no save olsem Makham ya i wanpela man bilong pani na kusai nabaut?"

Herr Patrick K. Alfvonse,
Ramu Suga Limited.

□ BIKMAN Sepik i slip long haus tambaran long Ambunti na ol turis i go long balm kaving. Wanpela i kam lukim bikpela kaving i sanap klostu long ples bikman i slip na askim, "Who's carving is this?" Lapun i no wet, em kirap na bekim, "It's for somebody in the basis!"

Fata Wosebana.

Tupela yunivesiti kaunsil bai bung

KAUNSIK bilong yunivesiti long Mosbi (UPNG) na Yunitek long Lae bai bung tude bilong toktok long wanem samting bilong mekim long ol dispela skul. Ol studen i bin pasim dispela tupela yunivesiti inap long tupela wik nau, bikos ol i no amamas long tingting bilong apim pe bilong ol nesanel palamen memba.

Nesanel Eksekutiv Kaunsil (NEC) i bin tokim Edukesen minista Utula Samana long holim wanpela kibung bilong ol yunivesiti kaunsil na toktok long skul bilong ol studen.

Ol tisa bilong yunivesiti long Mosbi i bin holim wanpela kibung asde bilong toktok long tripela samting;

- givim mak long ol studen bihainim wok bilong ol long semesta;
- pasim skul olgeta long dispela yia stat nau; na
- las tingting i bilong statim skul gen tude.

Nupela taun atoriti laik klinim tru Wabag taun

DOMINIC KAKAS i raitim

NUPELA taun atoriti i kisim pawa nau long Enga provins na i laik rausim pipia long Wabag taun.

Nupela taun atoriti i kisim ples bihain long olpela taun atoriti i lusim opis bikos em i no lukautim mani gut.

Nupela atoriti nau i stap aninit long nupela bos, Steven Nepao i tokaut long plen bilong en long klinim Wabag taun.

Nau taun long Wabag i luk klin na ol wokman i mekim gutpela wok nau

long stretim ol ples.

Nepao i laik askim ol manmeri bilong Wabag long luksave long nupela atoriti na nupela plen bilong em. Em i tok sapos ol wokman bilong atoriti i holim ol manmeri long tromoi pipia, ol i no ken giaman long ol i no save long nupela senis. Bikos nau tok save i go pinis long niuspepa na ol pipel i mas save long dispela senis.

Atoriti i gat 18 memba we 5-pela i bilong wok. Ol arapela 13 memba i kam long wanwan ples long Wabag taun.

Apim pe bilong ol memba na Madang i no stret yet

PROVINSAL minista bilong Helt long Madang gavman, Gorogoro Kopara i no amamas long nesanel gavman i apim pe bilong ol.


Memba bilong Almami konstitusen, Kopara i tok nesanel palamen memba i tingting lus pinis long 4 milien pipel bilong Papua Niugini. Ol i kamapim planti hevi pinis long ol wok bisnis long hap bilong bus na taun. Dispela i mekim na planti wok i no save kamap gut.

Ol gavman sevis olsem rot, haus sik, wara saplai, skul na ol arapela moa i no stret yet long planti hap bilong provins. Planti yangpela manmeri i lusim skul tasol i no gat wok na stap nating.

Kopara i tok dispela kain mani inap long go long ol dispela wok bilong helpim ol pipel.

Planti taim nesanel gavman i tok i no gat mani bilong mekim olgeta wok. Nau dispela K2 milien bai lus nating long baim ol minista na memba bilong nesanel gavman.

Em i tok sapos nesanel gavman i gat mani orait, em i no ken helpim tasol ol liklik lain politisen olsem ol nesanel memba na minista.



Baim meri: Ol pipel bilong ples Yako long Vanimo i bungim mani bilong baim meri. Poto Felix Ramram.

Ol yangpela bilong Not Kos eria kisim spak brus

PLANTI yangpela manki insait long Not Kos eria bilong Madang provins i wok long kisim spak brus.

Wanpela opisa Michael Bagatau, i bin mekim wok kempen long ol pipel long pasin bilong lukautim ol samting long bus na diwai. Em i painimaut long dispela hevi na i lokaut long en.

Michael Bagatau i tok ol manmeri long dispela komyuniti i mas traim long stapim dis-

pela hevi long go het bikos em i wok long kamap bikpela nau. Em i luksave olsem planti yangpela manki i wok long kisim ol dispela spak brus na smokim.

Ol i bin painimaut olsem wanpela man long Liksal asples klostu long Mugil Katolik misin i save givim dispela spak brus long ol yangpela. Em i save salim na ol yangpela manki i save baim insait long Not Kos.

Westen Hailans holim vot i no gat bilip

OPOSISEN i tokaut long muvim vot i no gat bilip long Westen Hailans provinsal gavman long tude, Fonde, 13 Jun, 1991.

Dispela vot i no gat bilip i egensim Deputi Primia, Yuants Kaman long namba tu provinsal asembli kibung.

Provinsal memba bilong Bukabena ilektoret, Kerowa Yaga i bin tokaut long dispela vot i no gat bilip egensim deputi primia long Tunde, 11 Jun, 1991. Ol toktok we i sut egensim Kaman long dispela vot i no gat bilip em;

- Kaman i no mekim gut wok bilong em olsem deputi primia;
- Planti taim em i save mekim ol ausait wok bilong em yet na i no save tingim ol wok bilong opis;
- Westifim planti mani na taim bilong

opis; na

• Em i gat bikpela dinau yet (K40,000) long bagarapim tripela ka bilong gavman long las yia, 1990.

Oposisen i gat 10-pela memba na olgeta i tok orait pinis long holim dispela vot i no gat bilip tude. Sapos dispela vot i kamap tru na Kaman i lus, provinsal minista bilong Edukesen, Yok Yombi bai kamap olsem deputi primia.

Ripot i tok sampela gavman memba yet wantaim ol lain bilong Oposisen i bin painimaut long ol dispela asua bilong deputi primia na tokaut long en. Ol i lukim olsem Kaman i brukim planti lo bilong provins na kantri pinis, olsem na em i mas lusim sia bilong deputi primia.

Papua Niugini Nesanel Ileksen, Me-Jun, 1992

Nem bilong ol olpela na nupela kendidet bai kamap bilong resis long ol sia long olgeta ilektoret. Dispela em i bikpela samting olsem na olgeta man na meri bilong Papua Niugini i mas save gut tru long olgeta samting bilong mekim long taim bilong ileksen.

Sapos yu laikim helpim, go lukim ol Distrik Menesa, na ol Distrik Opisa-In-Sas (DOIC).

Askim ol long wok bilong ileksen em yu no klia long en.

Tingim gut, ol gutpela lida i kamap long stretpela vot

TASOL HUSAT I KEN VOT?

Ol Papua Niugini man na meri husat i givim nem tasol long 1992 ilektorel rol bai tromoi vot. Na dispela i min olsem olgeta sitisen husat em krismas bilong ol i winim 18 yia na i bin stap insait long wanpela ilektoret moa

long 6-pela mun na mama i bin karim em pastaim long 27 Jun, 1974 bai tromoi vot.

Sapos yu winim olgeta dispela toktok na i no givim nem yet, pulimapim wanpela fom long Provinsal Ilektorel Opis, Distrik Menesa o Opisa-In-Sas long hap bilong yu.


Tingim ... lo i tok olsem olgeta Papua Niugini man na meri i mas givim nem bilong vot.

OL NUPELA LAIN BILONG VOT

Sapos mama i bin karim yu pastaim o long 27 Jun, 1974, yu mas givim nem bilong vot. Yu i no inap vot long neks yia sapos nem bilong yu i no stap long ileksen rol.

Go long Provinsal Ilektorel Opis i stap klostu long hap bilong yu na pulimapim wanpela fom bilong vot nau!

Tingim gut, givim nem nau! Olsem bai yu gen vot long 1992 ileksen.



Authorised by
Reuben Kaiulo,
Electoral
Commissioner Papua
New Guinea

TU MINIT TINGTING SKEL BILONG YU I STRET O NOGAT?

"Em i holim wanpela skel long han bilong em." (Rev 6:5)



DISPELA hap tok i kam long buk Revelesen, em nau ol i kolim "Kamapim Tok Hait", we i gat tok long wanpela man i sindaun long blakpela hos na i holim wanpela skel na i raun nabaut na skelim ol pipel na ples.

Skelim samting em i min painimautim hevi long en. Skelim samting em i min olsem: painim narapela samting i gat wankain hevi olsem samting yumi holim pinis. Tasol, sore, long taim yumi save tok long skelim man o meri, yumi save ting long daunim em na poinim em. Yumi save lus tingting long arasait, em gutpela sait bilong em.

Jisas i strong long autim gutpela sait. Em yet i tok, yumi no inap rausim hap pipia long ai bilong narapela man/meri sapos

ai bilong yumi yet i pas long wanpela hap plang. Jisas i tok amamas long meri i bin tromaom wan toea long koleksen long haus lotu. Em i givim gutpela tok long stilman i hangamap wantaim em long diwai kros. Long stori bilong bikpela kot long las de, Jisas bai i skelim tupela kain pasin bilong olgeta man-meri i sanap long kot.

Mi ting nau long stori bilong wanpela mama i laik skulim liklik boi bilong em long pasin bilong skelim gut ol arapela pipel. Liklik boi ya i bin komplem oltaim long wanpela wanpilai bilong em, nem bilong em Jeri. Boi ya i no laikim planti pasin Jeri i save mekim. Olsem na mama i tokim em olsem: "Pastaim yumi wokim wanpela liklik skel." Tupela i wokim wanpela pinis na nau

mama i skruim tok i go olsem, "Nau yu kolim wanpela samting nogut Jeri i bin wokim." Kolim pinis, nau mama i kisim wanpela liklik blok diwai na i putim antap long wanpela han bilong skel, na kwiktai tru em i go daun. Nau mama i tok gen olsem, "Orait dispela liklik blok diwai i makim rong bilong Jeri."

Kwiktai tumas liklik boi i wok long kolim sampela moa rong bilong Jeri bai skel i go daun moa. Tasol mama i stopim em na i tok, "Wet pastaim. Nau yu mas kolim wanpela gutpela samting Jeri i save mekim. Em i lo bilong dispela pilai. Ating Jeri i save larim yu i yusim wilwil bilong em, laka?"

Boi ya i tok save olsem, "Yes, Jeri i bin larim mi i yusim wilwil planti taim." Olsem na nau

mama i kisim tripela o fopela liklik blok diwai na i putim antap long arasait bilong skel. Nau dispela sait i go daun olgeta.

Na mama i skruim dispela pasin i go. Olgeta taim boi ya i poinim wanpela rong bilong Jeri, mama i pulim em long kolim planti gutpela pasin bilong Jeri. Olsem na sait bilong skel i soim ol gutpela pasin bilong Jeri i go daun planti taim na i winim sait i soim ol rong bilong em. Boi ya i lukim dispela, na em i luksave nau long skul mama i laik givim long em. Em tasol liklik stori bilong mi.

Wanpela man i bin tok olsem: I gat planti gutpela samting i stap insait long bel bilong ol man nogut. Na i gat planti samting nogut i stap insait long bel bilong ol gutpela man. Olsem na

mobeta yumi no daunim nem bilong narapela man. Dispela i daunim nem bilong yumi yet.

Na narapela man i gat dispela aidia: Olgeta taim em i bungim wanpela poroman bilong em, em i save tokim em stret, "Mi save long wanpela gutpela samting bilong yu." Na dispela tok i save mekim olgeta man i laik bungim em. Long wanem, dispela liklik tok bilong em i save amamasim olgeta man o meri i harim em. Planti taim tumas yumi wan wan i save wari olsem: nogut dispela man o meri i save long ol asua bilong mi. Orait, nau dispela man o meri i kamap na i smail na i sekan wantaim yumi na i tokaut olsem: Olabo! Em i nambawan we bilong skelim pipel.

Good Shepherd Lutheran sios kisim nupela pasto pinis

Sassoya peris gat pater bilong ples yet

ANTON SAKARAI i rattim

GOOD Shepherd Lutheran Sios long Mosbi i gat nupela wasman nau. Dispela man em Pasto Kenneth W. Dugan bilong Rapid Siti long Saut Dakota, Amerika.

Pasto Dugan i marit na i gat 6-pela pikinini, tripela man na tripela meri. Las meri long famili, Vicki LeBaux i kam wantaim papa na mama long Mosbi. Tripela arapela, tupela man na wanpela meri i stap long Boise long Idaho, wanpela man i stap wok wantaim USA kosgad long Washington, na narapela pikinini meri bilong tupela i stap skul long Fullerton Yuni-versiti long Kalofonia.

Pasto Dugan i gat 68 krismas na meri bilong em i winim 45 krismas nau.

Tasol Papua Niugini i no nupela ples long Pasto Dugan. Em i bin kisim odinesen bilong mekim wok wantaim Lutheran Sios long 1952. Odinesen bilong Pasto Dugan i bin kamap long DesMaines long Iowa, Amerika.

Pastaim long dispela, Pasto Dugan

i bin stap long ami bilong Amerika olsem wanpela praiwet ensinia wantaim Ami Kombat yunit. Long 1944, em i bin kam wok long Good Enough Ailan na bihain long Wes Irian long dispela yia yet. Long 1945, em i go na stap wok long Filipin Ailan.

Senis na gutpela tingting i bin kamap long Pasto Dugan na em i senisim laip long taim em i go stap long Wes Irian.

"Mi bin toktok wantaim ol pipel long rot ol i bihainim long kisim Jisas. Na dispela i sutim tingting na kirapim bel bilong mi long wok misineri. Mi luksave ples klia olsem God i singautim mi long mekim wok bilong sios," Pasto Dugan i tok.

Em i skruim toktok moa olsem, "Nau mi painim dispela wok i gat moa mining long laip bilong mi. Bikos mi wok long gutpela sait bilong helpim ol pipel.

"Na mi amamas tu long stori na autim Gutnius bilong Jisas Kraiss."

"NA olgeta tok mi givim yu, em yu mas autim. Yu no ken pret long ol, long wanem, mi stap wantaim yu na bai mi lukautim yu." (Jer 1: 7-8).

SEN Patrick Peris bilong Sassoya insait long Maprik Dineri bilong Wewak Daiosis long Is Sepik provins bai holim bikpela bung tru long de bilong tingim Santu Patrick. Dispela bung bai kamap long 17 na 21 Jun, 1991 long taim dikon Otto Separi i kisim odinesen bilong kamap olsem pater bilong Katolik Sios.

Liklik hap toktok bilong Baibel i stap antap em kain gutpela toktok em dikon Otto Separy bai kisim long ol pipel long peris bilong em long Sassoya, ol superia bilong em na ol arapela wokman na meri bilong sios.

Em bai kisim blesing bilong kamap pater long Wirui.

Sassoya Peris i bin kamap long 1968. Na long dispela taim, wanpela pater bilong ol lain SVD, Pater August Knorr husat i bin wok na winim 20 yia pinis long Ulupu i kisim wok olsem peris pris bilong Sassoya. Em i stap wok inap 2 na hap yia nau, na i stap wok klostu long 42 yia long Is Sepik provins.

Pater Knorr bai ritaia long 30 Jun olsem na narapela man i mas kisim ples bilong em. Na dispela



• Otto Sapery...bal kamap pater bilong Sassoya peris long Is Sepik provins.

man em Dikon Otto Separy.

Dikon Otto i tok, "Mi amamas tru long wok wantaim Pater Knorr. Em i bin stap olsem papa bilong mi. Em i bin helpim mi gut tru long taim mi stap long seminari long sait bilong mani, gutpela tingting na toktok long kristen pasin na bilip. Na long taim mi go holide, haus bilong em i save kamap olsem haus bilong mi.

"Mi save laikim tu kain pasin bilong em long wokim ol samting long peris na wok bung wantaim ol pipel. Bikpela de bilong mi bai makim tu wanpela de bilong wari bikos mipela olgeta bai lusim Pater Knorr," Dikon Otto i tok.

Dikon Otto i bin go skul long maina seminari long Sen Johns Seminari long Kairiru Ailan long 1980 na pinisim skul long 1983. Long 1984, em i go stap long Erave long wokim spirituel yia bilong em.

Long 1985 i go inap long 1987, Dikon Otto i lusim Erave na i go skul long Mesa Seminari long Bomana. Long dispela taim, em i tok, "Driman bilong kamap pater i no klia gut. Mi save stap wantaim tingting bilong: 'Traim tasol'. Tasol taim mi lusim seminari na go long wok ausait, dispela tingting na rot bilong kamap pater i kamap ples klia."

Dikon Otto i skruim toktok moa olsem Papua Niugini i wok long sot nau long ol pater. Planti i lapun pinis olsem Pater Knorr na ol bai ritaia nau. Olsem na mipela ol yangpela Katolik i mas sanap strong long bilip na helpim ol na bringim toktok bilong Jisas Kraiss i go long ol pipel bilong mi.

Mama i bin karim Otto Separy long Tangori viles namba wan long Sassoya, Kubalia sab distrik long 5 Ogas, 1957. Em i go skul long Sassoya Praimeri Skul long 1964 i go inap long 1971. Bihain long dispela, em i go na wokim ol ekstensen stadi na pinisim gret 9, 10 na 11 long Sen Jons Seminari.

Long 1988, Dikon Otto wantaim narapela 11-pela man i pinisim pastorel yia bilong ol na kisim Odinesen bilong kamap Dikon long Sen Mary's haus lotu long 18 Novemba, 1990. Asbisop Peter Kurongku bilong Mosbi Daiosis i bin go pas.

Taim bilong waswas na amamas long nambis long Vanimo

PLANTI ples long hap bilong Noten rijon i bin kisim taim long las mun bikos i no gat ren.

Na sampela bilong ol lain husat i kisim taim stret em ol liklik pikinini. Bikos ol i save pilai i go hat nogut tru na i no gat ples bilong kolim skin. Tasol planti bilong ol dispela ples i laki bikos i gat ol liklik han wara o barek wara i stap klostu.

Na long ol ples klostu long nambis, ol pikinini yet i ken painim tingting bilong go kalap long solwara o go long ol han wara em i save kam na go olgeta long solwara.


Tasol planti pikinini i no save laikim tingting bilong go kalap long solwara bikos nogut tait i pulim ol o bikpela solwara i wilwilim ol. Na Vanimo em wanpela bilong ol dispela kain hap. Ples we solwara i save bruk bikpela.



• No gat ren long las mun olsem na dispela ol pikinini bilong Dasih setelmen long Vanimo, Sandaun provins i painim wara na go waswas long maus bilong Wara Kongkong long Vanimo nambis. Foto: Felix Ramram.

MIL VIM

Isuzu bas bilong mi!



PUTIM OL WINSKRIN K295.00

PUTIM OL BREKSU K147.50

PUTIM KLATS PLET, BERING,
NA PRESA PLET K351.50

WIL BERING, OL SIL
NA WIL K420.00

PUTIM OL KING PIN K216.50

FUL SEVIS NA SEKAP
LONG WEL NA FILTA K128.50

TOK SAVE LONG KOS BILONG
WOK, OL PATS NA OL
NARAPELA SAMTING FREE

OL PRAIS I KARAMAPIM KOS
BILONG WOK, OL PATS NA OL
NARAPELA SAMTING.

**Hariap! Ofa bai
stap inap mun
Julai tasol**

*Lusim mipela
PMV bilong yu!*



NEW GUINEA MOTORS

PLIS RIPOT

KIMBE: Ol plisman i wok long painim yet 7-pela man husat i bin stilim K12,000 bilong ol wokman bilong Togulo welpam plantasin long Wes Nu Briten provins. Polis ripot i tok helikopta i bin kisim dispela mani i go pundaun stret na laik givim long han bilong pe masta taim ol dispela 7-pela man i kam ausait long bus na pretim ol woka. Bihain ol i ranawe wantaim mani. Nu Briten Welpam Plantasin Developmen kampani i bin baim dispela helikopta bilong bringim pe bilong 500 wokman na meri bilong Togulo welpam plantasin. Dispela birua i bin kamap long 10 klok moning long las wik Fraide.

WEWAK: Foapela man i bin pasim menesa bilong wanpela kampani long sia na stilim K6,000. Bihain ol i ranawe na lusim dispela man i pas i stap long sia. Polis ripot i tok olsem dispela man wanpela tasol i bin stap long opis taim ol dispela 4-pela man i kamap long em. Ol i karim wanpela sotgan na tripela bikpela naip. Ripot i tok dispela menesa i no bin pasim dua bilong opis taim birua ya i kamap. Ol 4-pela man ya i kisim dispela mani na ranawe long ka bilong menesa yet. Ol plisman i save gut long dispela 4-pela man na ol bai holim ol klostu.

WABAG: Ol plisman i holim pinis 4-pela man husat i bin stilim K58,000 bilong ol wokman na meri bilong Bromley & Manton long las wik. Ol lain i save lukautim mani bilong kampani i laik bringim dispela mani i go long beng taim ol raskol i kamap, pretim ol na ranawe wantaim mani ya. Ol plisman i painim hariap i go na kisim K7,000 bilong dispela mani. Narapela bikpela hap i stap hait yet. Ripot i tok ol plisman long Wabag i kirapim bikpela wok painimaut tru bilong holim ol kain lain olsem.

LAE: BP sevis stesin long Eriku i bin lusim planti samting tru las wiken. Kos bilong ol samting em i bin lus i stap long mak bilong K1,890. Ol plisman i wok long painimaut yet long husat ol lain i bin go insait na stilim ol dispela samting.

MADANG: Ripot bilong ol plisman i tok bikpela pret i kamap nau namel long ol pipel bilong Not Kos eria. Long wanem planti yangpela man na meri i wok long kisim spak brus na dispela i bagarapim tru laip na sindaun bilong ol pinis. Michael Bagatau i bin go long Bunu viles bilong mekim sampela wok na bungim dispela hevi. Ol bikman bilong ples i no amamas bikos spak brus i bagarapim tru sindaun na laip bilong planti yangpela man na meri. Na nau, ol i no inap sindaun na wok gut wantaim papa na mama long ples. Na ol i gat bikpela bilip olsem wanpela man long ples klostu i wok long salim spak brus long ol yangpela man na meri ya.

Bos bilong Angliken bai kam long Papua Niugini

BOS bilong Angliken Sios long Inglen, Asbisop George Carey bai kam lukluk raun long Papua Niugini long 3 Ogas 1991.

Wokabaut bilong Asbisop Carey i bihainim askim bilong Angliken Sios bilong Papua Niugini long stap insait long wanpela selebresen bilong amamasim namba wan taim ol Angliken misineri i bin kam long Papua Niugini 100 yia i go pinis.

Asbisop Carey wantaim meri bilong em bai lukluk raun long ol Angliken komyuniti long Hagen, Simbai long Madang provins, Rabaul na Popondetta pastaim long em i go long Dogura long Milen Be provins long dispela selebresen.

Selebresen bai kamap long 17 Ogas bilong makim namba wan taim Reveren Copland King na Reveren McLaren King i kam long PNG. Gavman bilong Papua Niugini bai givim wankain sevis long Asbisop Carey olsem em i save mekim long ol narapela bikman bilong ol ovasis kantri.

Long wankain taim ol Angliken komyuniti long olgeta hap bilong kantri nau i redi.

Gutpela solwara bilong painim pis long Sandaun

FELIX RAMRAM i raitim

OL man bilong kisim pis i skul tupela wik long wok bilong painim na lukautim pis long Sandaun provins.

Ol fama bilong pis i bin stap insait long tupela wik kos long lainim rot bilong lukautim na painim pis long wara na solwara. Ol i lainim tu rot bilong kisim dinau long beng bilong kirapim wok bisnis wantaim pis.

Samting olsem 30 pis fama i bin pinisim dispela skul long Fraide 31 Me.

Provinsal minista bilong Pramerai Industri, Augustine Auto i kamap long taim bilong pasim dispela kos. Em i tokim ol 30 man ya long go bek long hap bilong ol na skulim ol arapela long dispela wok ol i lainim.

Auto i tok strong olsem ol i mas go het nau long wok bisnis wantaim pis. Ol i mas yusim tu dispela save long lainim ol arapela.

Em Auto i tok gavman bilong Yalu/Enda i makim pinis K100,000 bilong praimerai industri na i skelim K22,000 long baset bilong Fiseries.

Auto i tokaut tu olsem taim ol Wes Irian refuji i bin stap long provins, ol i save salim planti pis long maket. Tasol dispela i pundaun taim ol i go bek long ples bilong ol. Olsem na em i askim ol lokal pipel long strongim dispela wok bilong painim pis.

Ol man husat i kamap long dispela skul i autim tu bel hevi bilong ol long ol Wes Irian pipel husat i save yusim solwara bilong Sandaun long painim pis. Ol i askim minista long stapim dispela bai ol pipel yet i ken go het long bisnis bilong painim pis.



Ol Saten Hailans kukim ples - Dispela ol pipel bilong Saten Hallans i hatim singsing tumbuna long wanpela bikpela bung bilong ol las wik. Bung i bin kamap long tok welkam long sampela bikman husat i go raun long ples bilong ol. Foto: Issac Soka.

Simbu baya laik senisim registresen pe bilong ol kopi

LONG namba wan taim tru insait long 18 yia em kopi bisnis i stap long kantri, Gavmanbai sapatim wok bilong Kopi Stebilaisesen Skim.

Gavman bai putim K2,050 antap long wan wan tan long Y gret kopi em Papua Niugini i salim i go long ovasis. Dispela sapat i kamap olsem wanpela dinau bilong kofi industri i go long Gavman. Industri bai bekim mani wantaim liklik win mani tasol. Na industri bai bekim dispela dispela mani taim pe bilong kopi i orait gen.

Long wankain taim tu ol baya bilong kopi long Simbu provins i laikim provinsal gavman long senisim dispela pe bilong registresen em i kamapim. Pe bilong registresen i antap tru na dispela i save kostim wan wan baiya namel long K200 na K5,000.

Ol papa graun bilong Watut eria laikim timba royelti mani

OL PAPA bilong graun em Bulolo Fores Prodak kampani i wok long en long Morobe provins i askim nau kampani long baim gut ol royelti mani bilong ol.

Ol papa graun bilong Watut eria i bin bungim ol bos bilong kampani long las wik Tunde na toktok long dispela. Ol i tokaut tu long pasim ol wok sapos i no gat gutpela bekim.

Ol lain bilong Malki wan pinis i laikim kampani i givim 75 pesen royelti mani olsem ol i save kisim bipo. Bikos nau ol i kisim tasol 25 pesen na ol i no klia long dispela

senis. Toktok bilong dispela hevi i go pinis long Bulolo Fores Prodak tasol kampani i no mekim wanpela samting yet.

Wanpela mausman bilong kampani, Ham Masing i tok kampani i save salim stret mani i go long Fores dipatmen long olgeta mun. Na dipatmen bai baim ol papa graun.

Em i skruim toktok moa olsem Bulolo Fores Prodak kampani i laik stretim dispela hevi hariap na kamapim gutpela wok bung wantaim ol pipel olsem long bipo.

i go moa long pes 10

MR BOSMAN BILONG STOA

I gat **FRI** Hubba Bubba Bag bilong yu!




taim yu baim **5 PELA BOKIS** long wanpela long dispela prodak long

RABIRAD NIUGINI PTY. LTD.

Long olgeta brans

Long mun Jun 3rd - Julai 12th tasol!



GLENANE, NOTEN AILAN: Ol bagarap bilong bom: Dispela poto i soim baksait bilong opis bilong Ulsta Difens Rejimen (UDR) bes long Glenane. Wanpela bikpela bom stret i bin pairap na kilim tripela soldia. Na nau, bikpela singaut i stap bilong kisim moa soldia.

Lo bilong graun na haus long Afrika bai senis nau

GAVMAN bilong Saut Afrika bai skelim graun i go bek long ol blakman bilong kisim na yusim.

Long kibung bilong palamen, moa long 142 lida i bin vot long dispela tingting bilong ol blakman na meri i baim haus na graun wankain olsem ol waitman na meri long hap.

Ripot i tok dispela bikpela senis long haus na graun bai bringim bikpela amamas tru long ol blakman na meri bilong Afrika bihain long 40 yia olgeta. Bai i gat nupela lo i kamap tu bilong baim graun we i bin stap

long 1936 yet i kam inap nau.

Tasol bikpela tok kros na strongpela bekim i bin kamap long dispela tingting. Sampela lain i sapatim yet ol waitman na meri husat i baim ol graun long bipo na i holim i stap.

Ol ripot i tok dispela em i wanpela rot bilong brukim bikpela pasin nogut bilong tilim ol blakman na meri long ol waitman na meri. Oposisen grup long palamen i bin amamas na sapatim tru dispela tingting bilong graun na ol haus. Bikos ol i bin wet longpela taim tru bilong lukim dispela

kain samting long kamap.

Presiden bilong Saut Afrika, F.W. de Klerk bai raun long hap ol blakman na meri i stap long en long Kenya long dispela wiken. Em bai bungim presiden Daniel Arap Moi na toktok long dispela nupela senis. Tupela bai toktok na painim rot tu bilong daunim ol dispela hevi long wok politik em i bin pasim dispela senis long kamap bipo.

Ol ripot i tok dispela bikpela senis inap bungim ol waitman na meri na ol blakman na meri long baim graun,

Ami bilong Isrel mekimsave tru long ol Siria na Lebanon

AMI bilong Isrel i bin tromoi bom long ol rebel paitman bilong Palestain long Sauten Lebanon na kilim 15 man. Na narapela 62 rebel paitman i bin kisim bagarap long Tunde 4 Jun, 1991.

Ami bilong Isrel i bin mekim olsem bikos Isrel i tok Siria na Lebanon i wok long larim ol rebel paitman i bagarapim sindaun bilong sampela lain Isrel pipel long wanpela hap graun em i kolim olsem "sekyuriti graun".

Dispela hap graun i stap insait long mak bilong Lebanon. Tasol ol Isrel i kisim dispela hap graun olsem sekyuriti bilong pasim ol rebel paitman long bagarapim Isrel.

Ripot i kam long Isrel i tok Siria na Lebanon i wok long kamap wantaim kain kain tok orait namel long ol yet, tasol long wankain taim, dispela i wok long givim spes na taim long ol rebel paitman long bagarapim gutpela sindaun bilong ol pipel bilong Isrel long dispela hap sekyuriti graun.

Difens minista bilong Isrel i tokaut tu olsem dispela i no nupela samting. Tupela kantri ya i bin mekim dispela kain samting bipo yet bilong traim na bagarapim tasol gutpela sindaun bilong ol pipel bilong Isrel.

Tasol lida bilong Palestain, Yasser Arafat i tok wanem samting Isrel i mekim i laik bagarapim tasol gutpela tok orait na wok bung wantaim namel long Lebanon na Siria.

Em i skruim toktok moa olsem dispela kain pasin bai bagarapim gutpela sindaun bilong ol pipel long Midel Is. Em i tok tingting bilong stretim toktok na sindaun wantaim bai i no inap kamap sapos woa balus na ka i ron long olgeta kona na pretim ol manmeri na pikinini nabaut.

Ripot bilong ol ami bilong Isrel i tok ami bilong Lebanon na Hejollah i wok long bung planti taim Siria na Lebanon i laik sainim tok orait.



ITIOPIA: Ol i bung long Addis Ababa: wanpela rebel paitman bilong Addis Ababa i sanap was ausait long olpela haus bilong presiden. Na long poto, em i sanap was long wanpela laion tasol em i stap ausait long haus bilong presiden. Dispela samting bilong bipo.



ITIOPIA: Wanpela rebel paitman i holim tupela hanbom em i painim long wanpela ples bilong putim ol katres na bom long Addis Ababa. Pipels Revolusineri Demokratik Fran bilong Itiopia, wanpela rebel grup husat i tekova long siti las wik, i sutim toktok long ol lain bilong dikteta Mengistu Haile Mariam long bomim dispela hap. Ol rebel paitman i raunim pinis dispela olpela ami opisa.



INDIA: Ol plisman i gat bikpela bilip olsem dispela meri long lephan wantaim aiglas i bin kilim praim minista bilong India, Rajiv Ghandi bihain tasol long em i bungim em. Wanpela bom i bin pairap na kilim Ghandi.

Ol liklik bisnisman bilong lalibu



• Long poto, Issac Soka i wok long traim painim wanpela basket we i gutpela moa na grisim al bilong em bilong baim. Dispela ol basket wantaim ol bilum i stap long salt bilong rot long Kumbeme viles long lalibu, Saten Hailans provins.

OL pipel bilong lalibu long Imboggu, Lova Mendi na Nipa eria nau i save wokim kain kain kala kala basket na arapela samting bilong

salim long ol turis na ol pipel bilong eria yet. Ol dispela liklik bisnisman na meri i save wokim ol kain samting olsem ol basket, plet

bilong putim ol sospen kopi wantaim ol kap wantaim suga na susu, krib bilong bebi long slip na ol kopi tebol na ol bilum hat.

Dispela em i wanpela gutpela rot bilong wokim bisnis na kisim liklik mani bilong baim ol arapela samting bilong stua em ol pipel i laikim.

Ol pablik sevan bai lusim 6 pesen pe long olgeta fotnait

OLGETA pablik sevan na ol wokman na meri bilong woda, polis na difens fos bai baim 6 pesen long olgeta fotnait i go long wanpela supaenuesen fan bilong ol.

Dispela i kam aninit long nupela Stet Sevis na Stetuori Atoritis Ekt. Lo i tok olsem 6 pesen bilong mani em olgeta pablik sevan i kisim long olgeta fotnait bai go long fan.

Menesing Dairekta bilong Pablik Opisa Supaenuesen Fan, Ereman Ragi i bin tokaut long wanpela edvertaimen long pepa las wik olsem olgeta wokman na meri i mas sekap wantaim bos bilong ol olsem dipatmen o opis i rausim 6 pesen mani bilong go long fan.

Dispela nupela lo i bin stat long 1 Januari, 1991. Na i sut long ol kain lain olsem ol sitisen opisa, ol memba na wokman na meri bilong Nesenel Pablik Sevis, Palamentri Sevis, Nesenel Judisel Stav Sevis, Tisa Sevis, ol lain bilong Plis Fos na CIS. Dispela lo i karamapim tu ol marit meri na wokman na meri husat i stap

wok sotpela taim tasol na i winim pinis tripela mun.

Siameri bilong Lo Refom Komisin, Josepha Kanawi i tok dispela lo i no bihainim konstitusen bilong kantri. Bikos em i no givim sans long ol woka long autim tingting na laik bilong ol yet long putim mani long fan o no gat. Dispela lo i tok olgeta pablik sevan woka i mas givim mani.

Presiden bilong Pablik Employis Asosiesen (PEA), Napoleon Liosi i autim tu wankain tingting olsem Josepha. Em i tok ol pablik sevan yet i mas autim laik bilong ol long givim mani long fan o no gat olsem PEA Supaenuesen Fan em ol i bin statim long 1988.

Jenerel seketeri bilong Papua Niugini Tisa Asosiesen, Moses Taian i tok asosiesen bai bringim askim i go long ol lain husat i lukautim wok bilong kirapim dispela nupela fan olsem bai ol pablik sevan i ken memba long laik bilong ol. Tisa asosiesen i laikim wankain samting, olsem long PEA Supaenuesen Fan.

Ol Watut laikim timba royelti mani

i kam long pes 8

Royelti kuskus bilong dipatmen long Bulolo, Kof Javetave i tok olgeta samting i go pinis long het opis long Mosbi bilong stretim. Olsem bai ol papa graun i ken kisim stret royelti mani bilong ol. Em i tok han bilong Fores dipatmen long Bulolo i bin salim ol pepa i go long hetkwata long

las yia tasol i no gat bekim i kam bek yet.

Fores dipatmen i save baim ol royelti mani bihain long olgeta 4-pela mun. Mak bilong mani i save stap long K50,000. Tasol dispela mak i save senis bihainim namba bilong ol diwai em kampani i katim.

Nesenel yut konprens bilong Luteran sios bai kamap long Westen Hailans

ELIZABETH SOLOMON
i raitim

NESENEL yut konprens bilong Luteran sios bai kamap long Ruti viles long Hagen, Westen Hailans provins.

Dispela konprens bai stat long neks wik Mande, 17 Jun na pinis long 23 Jun, 1991. Het tok bilong nesenel Luteran yut konprens em "I have heard the cry of my people."

Long Tok Pisin, em i tanim olsem: "Mi bin harim singaut bilong ol pipel bilong mi".

Dispela bikpela konprens bai sut moa long ol hevi na toktok bilong graun, ol bus, wara na ol animal bilong bikbus. Na ol yut bai lukluk tu long kain hevi ol i save painim na wanem rot bilong bihainim na daunim ol dispela hevi.

Nesenel yut kodineta bilong Luteran sios, Albert Tokave i tok het tok "I have heard the cry of my people" i kamap bihainim het tok bilong namba 8 Asembli kibung bilong Luteran Wol Fed-

eresen em i bin kamap long Brasil las yia. Ol i kisim dispela het tok bilong konprens bikos em i sut stret long kain hevi em Papua Niugini i painim tude.

Em i tok bikpela singaut i kamap nau long olgeta kona bilong kantri. Na planti bilong ol dispela singaut i kam long ol yut. Olsem na insait long dispela konprens, ol bai traim luksave gut na skelim ol dispela singaut.

Asisten bisop, Reveren Ray Rasowe bai opim dispela konprens. Na man bilong givim toktok bihainim het tok em Reveren

Dokta Wesley Kigasung.

Insait long dispela konprens, Tokave i tok 12-pela distrik yut lida bai autim tu ol ripot bilong ol long yia. Narapela bikpela toktok bilong konprens bai sut tu long ol yangpela skul dropout husat i no gat sans bilong helpim ol yet. Na wanem samting sios inap mekim aninit long 5-yia yut progrem bilong en long helpim ol yut.

Tokave i tok long planti yia nau, Sios (ELCPNG) i no bin lukluk na toktok tumas long hevi bilong ol yut wantaim bus, graun, wara na ol animal bilong bikbus. Olsem na

ol i laik kirapim nau wanpela envairomen aweanes kempen bilong skulim ol yut long bus na graun wantaim wara na wanem samting dispela i min long laip bilong ol pipel. Na tu wanem kain hevi em inap bringim sapos ol i no lukautim gut envairomen bilong ol.

Em i tok, "Sios na gavman bai kisim bikpela salens bilong lukluk na skelim gen ol lo na tingting bilong ol long wok bilong edukesen na bisnis."

Samting olsem 400 yut bilong 12-pela distrik bilong Luteran sios bai kamap long dispela konprens.

Plis asosiesen i sapotim tingting bilong pasim bia

PRESIDEN bilong Polis Asosiesen, Suprintenten Aloysius Evisaisa i tokaut olsem asosiesen i sapotim tru tingting bilong Nesenel Kapitel Distrik Komisin long pasim bia long siti.

Dispela bai helpim ol arapela man na meri long bihainim stret lo bilong taim tambu na helpim tu ol plisman long mekim stret wok bilong ol long dispela taim.

Tasol em i laikim dispela lo long go daun taim ol samting long siti i kamap orait gen bihain long tok save bilong Metropolitan Plis Komanda.

Ol gavman ka bilong Sandaun sot long bensin

OL KA long dipatmen bilong Trensport na Woks long Sandaun provins i no gat bensin bilong ron inap long tupela wik olgeta.

Na ol draiva bilong ol dispela ka i save yusim poket mani bilong ol yet long baim bensin long Vanimo Trading kampani. Long wanem dipatmen i bin gat K12,000 dinau i stap wantaim Mobil Oil kampani, na em i no inap kisim bensin long ol sevis stesin bilong Mobil Oil.

Planti draiva bilong ol gavman ka i no bin war bel long dispela tupela wik. Bikos ol i luk olsem ol teksi na PMV draiva.

Olgeta ka bilong gavman i no bin kisim bensin long Mobil Oil inap taim dipatmen i givim K15,220.41 long Mobil Oil.

Nesenel yut sevis i kisim nupela nem gen

DOMINIC KAKAS i raitim

NESENEL Gad skim i gat nupela nem gen. Ol i kolim nau olsem Nesenel Sevis Corp. Dispela i bihainim tok orait bilong kabinet.

Nupela opis bilong Intaria ministra i mekim dispela senis bilong helpim ol pipel i luksave moa long dispela wok.

Long taim em i bin stat i kam, dispela skim i no bin kisim strongpela sapot. Tasol insait long las kibung bilong ol Hailans primia, ol i vot na givim sapot bilong ol long dispela skim.

Na sapot i wok long kam tu long ol yut na sios grup long olgeta kona bilong kantri. I no longtaim i go pinis, ol meri na yut grup long Hagen na ol yut bilong Morobe i laikim tingting bilong dispela corp.

Siaman bilong Nesenel Sevis Corp Task Fos, Ian Glanville i tok, "I luk olsem i gat bikpela senis nau long tingting na sapot bilong ol

pipel. Dispela skim i wok long kisim moa sapot nau."

Tasol ol primia bilong Papua na Niugini Ailan rijon i no wanbel long tinting bilong sevis corp.

Na Glanville i tok dispela i no nupela samting. Bikos ol primia na pipel bilong ol dispela hap i no kisim stret tok save bilong dispela nesenel yut sevis. Em i tok long grup, ol primia bilong Niugini ailan i egensim corp, tasol i gat wan wan husat i givim sapot bilong ol.

Ol yangpela man husat em krismas bilong ol i stap namel long 15 na 19 yia bai wok long corp. Ol bai kisim K50 long olgeta mun na bihain long wanpela yia, ol bai kisim K1,000.

Ol bai kisim tu ol meri husat em krismas bilong ol i stap namel long 18 na 19 yia. Ol meri bai mekim olsem long laik bilong ol yet. Mak bilong ol meri long man em 7-pela man long wanpela meri.

Glanville i tok wok bilong

statim skul bilong ol yangpela bai stat long gret 9 na 10.

Tasol dispela bai kamap wantaim tok orait bilong ol papa na mama.

Gavman i lus tingting ...

i kam long pes 2

Dispela pasin bai stap long taim long helpim gavman bilong Papua Niugini long luksave long wanem samting i stapim gavman i go isi long developmen bilong em.

Ripot bilong Profesa Blyth i sutim tok i go long gavman bikos em i no bin putim moa long mani long edukesen na helt dipatmen. Edukesen na helt em i as tru bilong ekonomik developmen bilong olgeta kantri. Sapos gavman i no putim moa mani long helt na edukesen em i no inap long kamapim wanpela gutpela developmen insait long kantri.

Baset bilong helt i stap

Skul bilong progrem bai kamap tupela de long olgeta wik. Na bihain long haikul, ol dispela lain studen bai go wok long sevis corp inap long wanpela yia.

wankain yet tasol baset bilong edukesen i go daun tru. Dispela i kamapim bikpela hevi stret long developmen.

Baset long Lo na Oda i go daun tru stat long 1980. Ripot i soim tupela bikpela samting we i stapim Papua Niugini long go het long developmen.

Papua Niugini i sot long ol gutpela wokman na gavman i no strong long bringim sevis bilong helt na edukesen i go aut long ol pipel. Nau yet gavman i tingting long lukluk long yusim sistem bilong Australia we i gutpela long Papua Niugini.

Palamen oraitim 13 bikpela projek bilong Pablik Woks

FRANCIS ULIAU I raitim

Nupela taun bai kirap long Porgera

LONG las kibung bilong en, nesanel palamen i bin oraitim 13 bikpela projek em Pablik Woks Komiti i tokaut long en.

Wanpela bilong ol dispela bikpela projek em long nupela taun bilong Porgera long Paiyam insait long Enga provins.

Ol bai brukim dispela taun i go long bisnis eria, haus slip bilong ol wokman na meri na ples bilong ol bikpela faktori na kain samting olsem long stap.

Nupela Paiyam taun bai kisim tu wanpela haikul, intanesenel skul na helt senta.

Siaman bilong Pablik Woks Komiti na memba bilong Gailala, Andrew Ruddaka i tok olgeta wok bilong sekap na wokim ol rot bai stat long dispela yia inap long kos bilong K1.5 milion. Na kos bilong ol narapela rot gen, wara saplai na pawa bilong stat neks yia bai

stap long mak bilong K1.5 milion. Dispela i bringim kos bilong statim Paiyam projek i go antap long K3 milion.

Em i tok long ol i makim taim bilong projek long pinis long 1993 inap long kos bilong K4.4 milion olgeta.

Bihainim yet olgeta wok bilong dispela projek, nesanel gavman bai sanapim tu wanpela plis stesin long Mulitaka, wanpela bes kem long Porgera na putim wanpela Mobail Skwat yunit long Laiagam. Dispela ol hap projek bai kos K1 milion namel long 1991 na 1992.

Wok bilong stretim na wokim gut Porgera helt senta bai kosim nesanel gavman K3 milion namel long nau na 1994. Dispela helt senta i wanpela bilong ol olupela haus sik tru insait long kantri. Gavman bai sanapim tu sampela

haus long main.

Ruddaka i tok kos bilong olgeta wok long Porgera Gol Main bai kamap samting olsem K8.9 milion.

Long narapela samting, em i tok tu olsem wok bilong 70 kilomita Porgera Tari rot aninit long Nesanel Rot Program bai kosim gavman samting olsem K18 milion.

Siaman i tok nesanel palamen i bin givim tok orait tu bilong stretim na wokim Jacksons intanesenel ples balus long Mosbi i go bikpela inap long kos bilong K3.450 milion insait long tupela yia.

Aninit long Sivil Eviesen projek ripot namba 51, 52, na 53, Ruddaka i tok ol bai stretim tu ol haus na opis bilong ol Nesanel Weta Sevis woka long kos bilong K1.815 milion inap long yia 1995.

Long wankain ripot yet bilong stretim ol ples balus long kantri, em bai kosim gavman K14.175 milion inap long yia 1995.

Dispela ol bikpela wok projek i laik senisim tu samting olsem 100 klinik na ed pos na sanapim ol timba na haus kapa. Dispela bai kosim nesanel gavman na Esian Developmen Beng K2.4 milion insait long tripela yia.

Bikpela wok bai kamap tu long Pot Mosbi Insevis Koles, Lae Teknikal Koles na Edministrativ Koles bilong redim ol haus slip bilong ol lain husat bai kam long pilai long 1991 SP Gems long mun Septemba. Kos bilong olgeta dispela samting em K2.5 milion.

Narapela bikpela projek gen em long 6-pela nupela haikul we toktok bilong ol i bin kamap long 1986. Tasol no gat wanpela samting i kamap bikos i no gat mani.

Dispela ol haikul bai stap long Salamaua long Morobe, Transgogol long Madang, Drekkir long Is Sepik, Onamuga, Asaro long Isten Hailans na Kompam wantaim Kikori long Galp provins. Wok bai kamap tu long stretim Palmamal long Is Nu Briten provins. Kos bilong ol dispela haikul inap long mak bilong K12.8 milion.

Wok bai kamap tu long stretim sampela olupela haus sik long kantri. Dispela em ol haus sik long Daru (K502,000), Goroka (K290,000), Vanimo (K178,000), Kerema (K140,000) na Popondetta bai kosim K107,000. Dispela ol haus sik projek bai pinis long yia 1995.

Ruddaka i tokaut tu olsem kos bilong dispela olgeta projek insait long narapela 5-pela yia bai kamap klostu long mak bilong K100 milion olgeta.

Kondom kampim bikpela pani long So

OL lain bilong Nesanel Kapitel Distrik tieta grup i bin tromoi kondom long ol pipel long Mosbi So las wiken.

Ol i mekim dispela olsem kempen na skul ol i laik autim insait long wanpela drama pilai bilong ol long sik nogut ya, AIDS. Dispela skul i kam aninit long wok bilong helt long Papua Niugini na sik AIDS.

Insait long dispela pilai, wanpela yangpela man bilong ples i go long taun. Sampela krismas em i kam bek long bokis bilong man i dai. Ol pipel long ples i ting olsem em i dai long posin na ol i sutim toktok na kros i go i kam. Tasol bihain wanpela dokta i tokaut long

of olsem dispela man i dai long sik AIDS. Na i no gat marasin bilong stretim dispela sik.

Na long drama, dokta i autim wanpela kondom o gumi long bokis na soim long ol pipel bilong ples. Bihain em i brukim dispela bokis olgeta na tromoi kondom long ol manmeri na pikinini husat i kam bung long lukim dispela drama pilai las wiken.

Tasol planti bikpela man na meri i no tasim o kisim dispela ol gumi o kondom. Bikos ol i sem long ol arapela i sanap klostu. Ol liklik manki i kisim dispela na winim olsem balun na tromoi nabaut.

Sampela bikpela man i painim narapela rot


bilong kisim ol kondom ya. Ol i go klostu long ol liklik manki na tokim ol isi tasol long givim ol gumi ya. Na ol liklik manki i kisim na suvim isi tasol i go insait long poket bilong ol bikpela man.

Bikpela pani na tok pilai i bin kamap tu long ol kondom ya.

Planti pikinini i ting olsem ol balun na ol i winim na karim raun nabaut. Tasol ol papa na mama i luksave na paitim han bilong ol pikinini na tromoi ol kondom i go.

Helt brens bilong STD klinik i bin givim ol dispela kondom long ol lain bilong NCD tieta grup bilong yusim long drama na tilim long ol man na meri long taim bilong Mosbi So las wiken.

Pasin bilong helpim wanpela na narapela



Joe Frank i bilong Hanuabada i sindaun gut tru malolo i stap na lukuk long Tony Pesiana bilong Samarai i taitim bun long masin bilong Word Publishing kampani long stretim ol saln bilong Wantok, Times na Weekend Sport Niuspepa long las wik. Dispela em kaln pasin bilong givim helpim long narapela pren.

Kavieng haus sik les long Saina dokta meri

WANPELA ovasis dokta meri i no wok stret olsem medikel opisa long Nu Ailan provins.

Dipatmen bilong Nu Ailan i askim dispela meri long lusim nau dispela wok na go bek long Saina. Wok painimaut i bin kamap bihain long dispela meri i soim ples klia olsem em i no save gut long rit na rait long tok Inglis.

Ol dokta long haus sik i tok dispela meri Saina i no save long wok bilong em, na i save givim planti wok moa long ol arapela medikel opisa.

Dispela meri i bin kisim tok orait bilong wok olsem wanpela klas wan medikel opisa inap long 24 mun. Bikos em i save long sampela politisian na bikman nambaut.

Dispela 24 mun wok i kam aninit long lo bilong Dipatmen bilong Pesenel Menesmen. Ripot i tok dispela Saina meri i bin go skul long Tailan, wantaim tupela arapela man Papua Niugini. Na bihain long skul bilong ol long wok dokta, dispela meri i bihainim tupela i kam long Mosbi.

Ripot i tok tu olsem dispela meri i prenim sampela bikman long kantri, na ol i givim wok long em bilong go stap long Nu Ailan provins.

Tupela mun i go pinis, dispela meri i bin lusim wok. Tasol em i wok long kisim pe yet.

Planti wokman na meri long Kavieng haus sik i no laikim dispela meri long stap na wok moa. Ol i laikim olsem meri ya i mas go bek long kantri bilong em.

Tasol gavman opis bilong Saina long PNG i no inap senisim pas pot bilong dispela meri. Bikos em i ranawe long Saina, na i kam long PNG.

Moa wokman bilong Lae kam wok wantaim Kumaigai Gumi long Mosbi

YAKAM KELO I raitim

MOA wokman bilong Lae i kamap pinis long Mosbi bilong wok wantaim kontrak kampani, Kumaigai Gumi long Waigani.

Dispela ol man i bin stap wok long bikpela stadium bilong SP Gems long Lae. Na taim ol bikpela wok bilong Lae stadium i pinis long mun Epril, moa long 150 man i lusim Lae na kam wok long Mosbi.

Wanpela wokman bilong kampani, Yaling Dera bilong Mumeng long Morobe provins i tok sampela man husat i bin kamap long Kumaigai Gumi long Lae i go wok long opis na planti i wok olsem ol leba.

Dera i tok Kumaigai Gumi i bin winim kontrak bilong wokim PTC Haus long Mosbi. Olsem na em yet i lusim Lae na kam bilong wok long Mosbi long mun Desemba, 1990.

Dera i gat tripela pikinini man, na em i save painim hat long lukautim ol. Olsem na em i mas wok bilong painim mani bilong lukautim famili

bilong em.

"Mi gat bikpela bilip bilong wok gen wantaim Kumaigai Gumi long Mosbi bikos ol bos bilong mi long Lae i kam stap long hia. Olsem na mi kam," em i tok.

Dispela man Mumeng i tok planti wokman bilong Lae i kam long Mosbi i kisim wok bikos ol bos i save laikim wok bilong ol. Olsem na ol i pulap nau i stap wantaim Kumaigai Gumi long Mosbi.

Dispela kampani i winim tu planti arapela kontrak bilong wokim ol haus na opis long Mosbi. Olsem na dispela ol wokman bai stap inap taim kampani i pinis na go bek long kantri Japan.

Dera i wok olsem stuaman bilong lukautim ol oda na saplai. Em i wari long lusim tripela pikinini na mama long Lae tasol i no gat narapela rot moa, papa tasol i mas wok na lukautim ol.

Moa pipel i kisim pepa bilong lukautim kakaruk

ELIZABETH SOLOMON I raitim

SAMTING olsem 35 pipel i bin greduet wantaim setifiket bihain long ol i stap insait long wanpela kos bilong lukautim kakaruk.


Dispela kos i bin kamap long Situm ausait tasol long Lae, na i bin stat long las wik Tunde 4 Jun na pinis long Fonde, 6 Jun, 1991.

Man husat i bin go pas long dispela kos na yut opisa, David Sila i tok kos i bilong helpim na skulim ol yut bilong ples na taun long gutpela pasin

bilong bosim na lukautim ol kakaruk, pato na ol arapela pisin bilong kaikai. Na long pasin bilong lukautim na bihain salim ol dispela pisin bilong kisim mani.

Em i tok dispela em i namba tu taim bilong kain kos olsem long kamap. Na i sut long givim helpim long ol bikpela man na meri long sampela rot bilong kirapim ol liklik bisnis bilong stretim sindaun bilong ol wantaim famili taim ol i marit.

Morobe yut opis i bin lukautim na ranim dispela kos.



OL PAS SPESEL



Ol haiksul meri save paul tumas

Giaman long go long skul na paul wantaim boi pren

Dia Edita,
Mi wanpela manki bilong Kompam eria long Enga provins. Mi laik toktok long bikhet pasin ol yangpela haiksul meri i save mekim. Ol i save giaman-im ol papa na mama bilong ol stret.
Moning taim tru bai ol i kirap na wasim pes. Bihain supim long yunifom na go sanap long basi stap i stap.
Taim ol i lukim boi pren bilong ol i kisim ka i kam, ol i no save tingting moa long skul. Haiksul meri rausim yunifom pinis na paul wantaim boi pren

bilong em long sampela kona.
Bihain ol i lukim taim olsem 3 klok apinun (3.00pm) bai hariap tru ol i go kamap long haus. Papa mama i lukim bai ting olsem ol i skul gut na kam bek.

Dispela kain pasin na planti haiksul meri i no save kisim gutpela save. Na tu sampela bai i bel hariap, na karim pikinini i nogat papa long en.

Ol papa na mama i save tromoi bikpela mani nating long skul fi bilong ol.

**Amos Tarlok
KIMBE**

Noken tok ples long pablik ples



Dia Edita,
Mi wanpela bol Komplam bilong Enga provins. Mi stap nau long Kimbe, Wes Nu Briten provins. Mi laik toktok long wanpela pasin ol manmeri bilong ples Hubal i save mekim.

Olgeta taim mipela i save go wetim PMV ka arere long rot. Na ol i save pulap na tok ples tasol.

Ol i no save malolo long tok ples. Ol i save toktok harlap harlap na mipela i no save harim liklik wan-

pela samting.

Mekim na mipela tu i save paul ya. Taim ol i tok long daka tasol bal mipela i harim liklik.

Mi no kros long tok ples bilong ol. Tasol i gutpela olsem ol i mas isi liklik. Bikos i no gutpela long tok ples long pablik ples. Dispela i ken givim bel hevi long ol manmeri bilong narapela hap.

**Amos Tarlok
KIMBE**

Maski paul long nait

Dia Edita,
Mi laik toktok long pasin bilong ol yangpela manmeri long paul nambaut we ol i no marit yet. Dispela pasin i kamap bikpela nau long Okuk haiwe long Simbu provins.

Tude planti yangpela man i save go painim disko danis long nait. Na taim i gat pait, sampela man bai i go karim sampela meri i go long bus na bagarapim ol.

Long planti ripot, hevi bai i go long man o ol man husat i bagarapim meri. Na ol papa na mama bai kisim trabel man i go long kot.

**Petes Benaso Gibson
KUNDIAWA**

Wel pam yunien i mekim wanem nau?

Dia Edita,
Mi wanpela manki Gunigi long Is Sepik provins. Mi stap nau long Kapiura plantesis long Kimbe, Wes Nu Briten provins. Mi laik autim bel hevi bilong mi i go long ol eksekutyut bilong Nu Briten Palm Oil Development (NBPOD) Wokas Yunien.

Dispela wokas yunien i bin stat long Septemba, 1990. Na i wok long dispela taim i kam inap nau. Dispela em moa long 8-pela mun olgeta nau.

Tasol yunien ino mekim wanpela samting liklik long wari bilong ol woka i go long kampani.

Yupela ol eksekutyut i mas apim soken bilong yupela. Toktok wantaim ol wokman na save long wari bilong

ol. Na bringim i go long bos bilong ol kampani.

Mipela ol woka i gat planti hevi wantaim kampani bilong mipela. Tasol yunien i no helpim mipela yet.

Yunien i gat moa long 1 000 memba nau. Na olsem wanem long sampela woka em kampani i pinisim ol long 1990. Dispela yia tu sampela kampani i pinisim sampela woka husat i memba wantaim yunien.

Em bai i olsem wanem nau? Inap long yupela ol eksekutyut bilong yunien i pait long sindaun na wok bilong mipela o nogat?

**Gerard Kuaru
KIMBE**

Ol plisman bilong PNG islek

Dia Edita,

Mi wanpela manki bilong Sauten Hailans provins. Mi laik tok olsem ol plisman bilong kantri i no save mekim gutpela wok.

Wanpela taim mi bin go long Kimbe. Orait sampela plisman i sasim mi long baim K50 fain. Bikos taia bilong ka mi draivim i "smut". Mi harim tok bilong ol na baim K50 fain.

Tasol sapos yu lukluk gut, planti plis ka em taia bilong ol tu i smut. Tasol

ol plisman i no save mekim wanpela samting long dispela.

Ol bai givim sisti raun nambaut long ol dispela gavman ka, na sasim ol arapela draiva.

Dispela kain pasin i no gutpela tumas. Mipela olgeta pipel bilong dispela kantri i mas bihainim lo bilong kantri. Maski sapos yu wanpela loman olsem plisman.

**Blirop Hapa
MENDI**

Nogat gutpela sevis long Luteran sip

Dia Edita,

Mi wanpela manki Finsafen long Morobe provins, tasol nau mi stap long Bialla long Wes Nu Briten provins. Mi laik toktok long wanpela sip bilong Luteran Shiping kampani, em i save wok pasindia i go olsem long Is na Wes Nu Briten provins.

Dispela hap i no klostu long Lae. Olsem na ol boskru bilong sip ya i mas lukluk gut, na givim gutpela sevis long ol manmeri na pikinini antap long sip.

Bikpela samting em kaikai na wara

bilong dring, wantaim ples slip.

Planti taim ol pasindia i save dring wara long ples bilong waswas. Dispela i no gutpela tumas.

Na tu ol pasindia i save kisim bagarap long kaikai.

Mi askim nau ol bikman bilong Luteran Shiping kampani long lukluk i go insait long dispela. Bikos em i sip bilong misin, na mipela ol pipel i mas kisim gutpela sevis.

Mipela i no ol pik na dok bilong yupela.

**Glendy Lige
BIALLA**

Maski holimnambaut Skul na no gat wok

Dia Edita,

Mi wanpela manki Wampit long Morobe provins. Mi laik autim bel kros bilong mi long wanpela pasin mi save lukim.

Taim mipela i save wetim Luteran Shiping long kisim mipela i go long Finsafen long skul, mipela i save wet long pasindia rum na wetim sip. Taim sip i kamap, ol manmeri i save pas pas stret long go insait.

Long dispela taim mi save lukim planti yangpela man i save giaman na putim han i go insait long bilum bilong ol manmeri, na kisim mani bilong ol.

Sampela taim bai ol i giaman go pas klostu wantaim ol yangpela meri, na holim susu na as bilong ol.

Mi lukim dispela pasin na i no gutpela tru long a bilong mi.

Samuel Elisa LAE

Dia Edita

Mi laik autim wari bilong mi long pasin bilong skul, tasol i no gat wok long mekim.

Long ples ol papamama bilong mipela i hatwok tru long painim mani long baim skul fi bilong ol manki long gret 6. Taim ol i winim tes na go long haikul, papamama i baim skul fi olsem K300. Dispela i kamapim bikpela hatwok tru long ol tran-gu papamama bilong ples.

Taim ol pikinini i pinis long skul ol i painim olsem i no gat wok long mekim, na bekim mani na hatwok bilong papamama bilong ol.

Dispela pasin i no gutpela tru. Bikos taim ol manki i pilim wari long dispela, ol i save tingting long painim mani long givim papamama bilong ol.

Em tasol na husat i laik bekim em laik tasol.

Loti Lama MENDI

Ol plisman i slek

Dia Edita,

Mi wanpela manki Banz na nau mi stap long Mosbi siti.

Mi laik autim bel hevi bilong mi long ol pasin mi save lukim long ol plisman long siti.

Taim bikpela pait i save kamap bai ol i no inap long kam insait na stapim hariap. Ol bai i giaman na kaikai buai, pulim smok o kisim ka na raun long narapela sait i stap. Na bihain bai ol i kam insait taim ol trabelman i lukim ol na ranawe.

Dispela pasin i no gutpela tru long ai bilong mi stret.

Olsem na mi askim ol plisman sapos yupela i no laik mekim kain wok orait lusim plis fos na go bek long ples.

Em tasol na husat i laik bekim em laik tasol.

**P. K. Kati
BANZ**

Toksava i kam long Edita, Tok pilai bilong yu bai i kamap long pepa sapos yu raitim trupela nem na adres bilong yu. Na tu no ken raitim longpel storl.

Mani save paul long op opis

Dia Edita,

Mi wanpela manki Morobe, tasol nau mi stap long Rabaul taun long Is Nu Briten provins. Mi laik sapatim pas bilong brata S

pepa bilong Fonde 11 Epril, 1991.

Em i tok long ol wokman bilong pos opis i save paulim samting bilong ol pablik long pos opis.

Dispela tok i tru. Bikos taim mi stap long ples, wanpela pas bilong mi i kam. Man i salim pas long mi i raitim namba bilong mani long pas ya, tasol i nogat mani i stap long pas ya.

Olsem na mi save olsem i no gat wanpela man moa, tasol ol wokman bilong pos opis tasol.

Emi tasol na husat i laik bekim em laik tasol.

**Ekase Klava
RABAUL**

Tok Save i go long ol man i save salim pas long Wantok Sapos yu no putim nem tru bilong yu long pas mipela i no inap prinim leta bilong yu.

Ol meri i as bilong marit

Dia Edita,

Mi wanpela manki Sepik na nau mi stap long Kimbe taun long Wes Nu Briten provins.

Mi laik komplem long pasin mi save lukim long planti maritman na maritmeri. Ol i save brukim marit na raun nambaut gen olsem ol singel man na meri.

Planti trabel long marit i bruk i save kamap long ol meri yet. Ol man i save lusim ol wantaim ol pikinini bilong ol bikos ol i no save laik stap isi taim ol marit.

Ol i save tingim ol olupela boi pren bilong ol na mekim gris tok wantaim

ol gen. Ol i save lukim ol na wari planti long ol.

Dispela kain tingting tasol i mekim na planti man i no marit gut wantaim ol meri bilong ol.

Ol i save lusim ol bikos ol i save sem taim ol arapela manmeri i tokim ol long pasin bilong meri bilong ol.

Olsem na ol meri i mas tingting gut olsem sapos yu marit, laip bilong yu wantaim ol olupela boi pren bilong yu i pinis.

Em tasol na husat i laik bekim em laik tasol.

**Jackson Kasindu
KIMBE**

"Ol bos boi i no save sori long mipela"

Dia Edita,

Mi wanpela manki bilong Yangkok eria insait long Wes Sepik provins. Nau yet mi wok long SBLC Reforestesen long Kimbe, Wes Nu Briten na stap long hap. Mi gat liklik wari long wanem samting ol bs boi i save mekim long mipela ol wokman bilong reforestesen. Olsem na mi laik autim nau.

Mi bilip planti wokman olsem mi bai i sapatim dispela pas, sapos ol i lukim. Taim mipela i save go long wok, ol bos boi i no save larim mipela i malolo liklik. Nogat tru. Ol i save pusim mipela tumas long wok. Maski taim bilong bikpela ren na win, ol i no save marimari na larim mipela i malolo pastaim. Ol bos boi i gat strongpela het stret. Na i

save sanap bihain olgeta taim long mipela. Sampela bos boi i save marimari liklik. Ol i save larim ol wokman bilong ol i malolo liklik, kisim win na bihain wok. Mi lukim olsem dispela kain pasin i no gutpela tru. Bikos mipela olgeta em pikinini bilong man. Mipela i no ain o masin bai

mipela i wok tasol. Mipela i mas malolo liklik na bihain wok. Mi laik askim nau ol bikman bilong Leba Dipatmen long lukluk i go insait long wok bilong mipela ol wokman long ol plantasin olsem reforestesen. Em tasol komplem bilong mi.

**Peter Kuni
KIMBE**

Gavman mas skelim gut lo Kurni ken singim Wes Irian singsing

Dia Edita,

Mi wanpela manki Simbu. Mi stap nau long Popondeta long Oro provins. Mi laik autim tingting bilong mi long toktok mi harim long Redio Hagen. Redio Hagen i tok long gavman bai i karimaut lo bilong kilim man i dai. Mi ting i moa gutpela gavman i mas kilim ol man husat i kilim narapela man i dai. Tasol gavman i no ken kilim ol man husat i save planim na smokim spak brus. Dispela i no wankain long trabel bilong man i kilim man i dai. Man husat i kisim spak brus i ken kisim taim long kalabus tasol. Narapela toktok bilong kilim man husat i save bagarapim ol meri i no gutpela tumas long mi. Sampela taim ol pamuk meri i ken giaman long kot, olsem ol i marit meri na man i pusim em. Dispela i no gutpela tumas. Bikos nau yet planti pamuk meri i save laik painim man husat i gat mani.

**Mondu Kavie
POPONDETA**

Dia Edita,

Mi wanpela manki Vanimo. Mi laik bekim pas bilong brata Romawa Komin bilong Goroka em i bin kamap long *Wantok Niuspepa* bilong Fonde 31 Januari. Komplen bilong Romawa i tok long David Kurni i no ken singim sing sing bilong ol Wes Irian long Indonesia. Brata, mi laik tok klia long yu nau olsem David Kurni i bilong Biag Ailan long Irian Jaya, na em i gat rait long singim ol tokples singsing bilong em. David Kurni i bin stap long Vanimo longpela taim, na planti manmeri long Vanimo i save gut long em. Sapos yu bin harim ol kaset bilong "Exodus bilong Vanimo" "The Shad-

ow of Darkness," bai yu lukim nem bilong David Kurni i stap wantaim ol lain ya. Olsem na mi laik tok olsem David Kurni i gat rait long singim ol singsing bilong Irian Jaya, bikos em i tokples bilong em. Ol lain olsem Fred Mambrasa na Isaac Mambrampa i ken singim ol sing sing bilong Irian Jaya tu, bikos ol tu i bilong dispela hap stret, tasol ol i stap long PNG longtaim yet, olsem sitisen bilong PNG. Em tasol na yu husat brata o susa i laik bekim em laik tasol.

**Gideon S. Salyu
VANIMO**

Sanapim telepon sevis long Kompiam

Dia Edita,

Mi wanpela manki bilong Keoikai Kompiam eria long Wabeg, Enga provins. Tasol nau mi wok na stap long SBLC Reforestesen Dipatmen long Wes Nu Briten provins. Mipela ol pipel bilong Kompiam distrik i askim nau provinsal na nesenel gavman long putim wanpela publik telepon long taun bilong mipela. Bikos planti taim, mipela i save painim hat long toktok wantaim ol pikinini, brata susa o famili bilong mipela i stap long ol ausait taun. Na tu sapos taim wanpela famili memba i laik dai, mipela i ken yusim

telepon long ringim hariap ol bikpela haus sik long helpim. Long dispela as na mipela i askim nau ol provinsal na nesenel memba bilong mipela long lukluk long dispela developmen. Telepon em wanpela bikpela sevis mipela i laikim tru. Mi bilip ol pipel bilong Kompiam distrik bai i sapatim dispela askim bilong mi. Olsem na mi bai i amamas long lukim wanpela bekim bilong tupela gavman long dispela askim.

**Aluma Tipakim
KIMBE**

Stretim ol rot long Is Sepik

Dia Edita,

Mi laik askim ol memba bilong mipela long Is Sepik provins long lukluk insait long provins bilong ol na stretim nau. Nau yet ol rot insait long Wewak taun i go long Maprik, na ol arapela ples tu i no gutpela tru long ka i ran. Ples i go nogut olgeta olsem i nogat papa bilong em long lukim na stretim. Sapos yupela ol memba bilong Is Sepik nau i stap long nesenel palamen i stap laip yet orait, lukluk long provins bilong yu na stretim nau. Em tasol na husat i laik bekim em laik tasol.

**Mayllas Illeha
POPONDETA**

Ol trabel man mas kisim mekim save



Dia Edita,

Mi wanpela man bilong Koroba eria insait long Sauten Hailans provins, tasol nau mi stap long Mosbi siti. Mi laik askim gavman long mekim strongpela lo bilong kalabusim ol man husat i save mekim trabel. Planti trabel man em mi lukim ol i save baim plis stesin tasol na go bek long haus. Ol dispela man i save mekim trabel. Olsem na i gutpela long salim ol i go stret long haus kalabus. Na long haus kalabus, ol CIS opisa i mas givim strongpela mekimsave long ol. Ol man husat i stilim mani, brukim

stua o haus long stil, kilim narapela man, na bagarapim meri i mas kisim taim long han bilong lo. Long sait bilong kilim man, man husat i mekim dispela trabel na kot i painimaut i mas indai long kalabus. Mi min olsem em i mas kalabus i go inap em i dai "laip kalabus". Ating sapos gavman i strongim lo bilong em, ol manmeri bai i lukim na pret. Na dispela bai i helpim long daunim hevi bilong lo na oda insait long kantri. Em tasol na husat i laik bekim dispela pas i welkam tasol.

**Piwal Wakupa
MOSBI**

Gavman mas painim nupela rot

Dia Edita,

Mi laik autim tingting bilong mi long dispela toktok bilong kilim man husat i kilim narapela man, em sampela nesenel memba long palamen i laik mekim tok orait olsem "dead penalty" lo. Long tingting bilong mi, mi ting olsem gavman i mas painim narapela rot bilong daunim hevi bilong lo na oda. Bikos sapos dispela lo i kamap, em bai i no inap tru long stapim dispela bikhet pasin. Mi lukim olsem sapos dispela lo i kamap, em bai i kamapim hevi bilong lo na oda. Na tu bai i gat planti moa indai i kamap. Olsem na mi laik tok strong olsem ol nesenel memba i no ken tok orait long dispela nupela lo. Mipela i mas toktok strong long painim ol nupela rot.

Chriss B. Komboko

Stretim publik toilet long Kimbe

Dia Edita,

Mi wanpela manki Wabeg long Enga provins, tasol nau mi stap long Kimbe taun long Wes Nu Briten provins. Mi laik autim komplem bilong mi olsem, taim mi stap long Kimbe taun mi lukim i gat bikpela hevi tru long publik toilet bilong Kimbe taun. Taun kaunsil i mas stretim toilet, bikos dispela kain pasin tasol i mekim na ol man i save pekpek nabaut long rot. Dispela i ken

kamapim bikpela sik long ol publik olgeta. I no mi wanpela i mekim dispela komplem. Planti manmeri i bin rait pinis long *Wantok Niuspepa* long dispela hevi, tasol nogat wanpela samting i kamap yet. Olsem na mipela bai i komplem yet. Em tasol na husat i laik sapat em laik tasol.

**Amos Tariok
KIMBE**

Raitim pas long gutpela as

Dia Edita,

Mi laik mekim dispela toktok i go long olgeta manmeri husat i save raitim pas i go long *Wantok Niuspepa*. Yumi i mas traime long raitim ol pas i gutpela na i gat mining long en. Yumi no ken raitim ol bilong mekim ol komplem nating tasol long ol manmeri i lukim. Mi laikim yumi olgeta i mas bungim tingting wantaim na raitim ol gutpela pas we i sut long laip bilong yumi nau. Wanem kain hevi na senis gavman i wok long bringim i kam. Yumi mas raitim na askim sapos dispela senis i gutpela o i no gutpela long kantri. Nogut bai gavman i mekim samting long laik na save bilong em tasol, na yumi bai i paul long wok bilong gavman. Olsem na mi laikim olsem yumi i mas rait long *Wantok Niuspepa*, na autim tingting bilong yumi long ol samting bai i givim helpim long yumi. Em tasol na husat i laik bekim em laik tasol.

**Reuben Warakorl
BIALLA**

Ol PMV sasim bikpela mani tumas

Dia Edita,

Mi laik komplem long fi bilong bas long Kapiuga na Kimbe we boskru i save sasim mipela long K4. Mipela ol pasindia i save baim K3. Tasol ol boskru bilong bas i save kirap na sasim mipela long baim K1 moa. Dispela tupela ples i no longwe tumas. Tasol ol bas i save sasim bikpela mani tumas long mipela ol pasindia.

**Amos Tariok Keyas
KIMBE**



**Nem: Thomas Mekeo
Krismas: 20
Edres: Bagla People's Home
Box 477
Mt Hagen, WHP.**

Hobis: Pllal soka, basketbal, gita, tok pllal wantaim ol pren na bungim narapela pes. Mi laik mekim penpren wantaim ol meri bilong olgeta hap bilong kantri.

**NEM: Chris Richard.
KRISMAS: 18.
EDRES: C/- Pius Sinkil,
Dov Air Service, PO Box 125,
Vanimo, WSP.**

Mi wanpela manki Waraston long Sandaun provins. Mi laik mekim pren wantaim man o meri long olgeta hap bilong Papua Niugini. Tasol bikpela laik bilong mi tru long mekim pren wantaim ol meri long ol arapela provins. Hia em ol samting we mi save mekim: Pilai gems nabaut, raitim pas long pren, lukim TV na ritim *Post Courier*, *Wantok na Times Niuspepa*.

**NEM: Susan Enoch.
KRISMAS: 15
EDRES: C/-PO Box 284,
Kimbe, WNPB.**

Samting we mi save laik mekim: Raitim pas long ol pren, Ritim baibel buk na singsing ol lotu slingsing, pllal basketbal na soka, lukim TV na bungim ol nupela pren. Mi bai amamas long mekim pren wantaim ol manmeri long ol ples olsem Kerema, Daru, Is Sepik, Rabaul, Morobe na ol arapela provins. Na tu mi promis long bekim olgeta pas i kam long nem bilong mi.

Ku mas lukautim PMV!

Husat i brukim dispela lo bai lusim laisens, siaman bilong transport i tok.

...e i go pinis long long ol PMV bas
...ng klinim na stretim olgeta
...ol pastaim long ol pilai bilong
...fik Gems i stat long mun
...insal Len Transpot

Nupela lo bilong stapim
bilong ol PMV i bin stap
mun yet
"M
ma-



GLAS BILONG WINDUA EM

K240.00

OL TIE ROD ENDS EM
K25.00

OL KLATS PLET EM

K77.00

OL KING PIN KIT EM

K104.00

OL BREK SU KIT EM

K73.00

OL SAMTING BILONG WOKIM ENSIN EM

K1,368.00

OL YUNIVESEL JOIN EM

K37.00

OL FILTA KIT EM

K61.00

NA TU OL PISTON, LAINA, OL RING, OL GASKET LONG SET,
OL BIKPELA BEARING, OL BIKPELA END BEARING...

SEKAP NAU LONG OL PRAIS BILONG MIPELA EM I WIN TRU!

HARIAP NAU!



NEW GUINEA MOTORS

NO GAT PLANTI I STAP!



9th SOUTH PACIFIC GAMES
PAPUA NEW GUINEA 1991

PNG
1991

CAMBRIDGE
A MAJOR SPONSOR

Kangal bilong Nobonob kamapim kokonas

BIPO tru, wanpela lapun man i gat planti tumbuna meri na wanpela man tasol. Nem bilong liklik boi ya em Roing Roing.

Em i gat planti kaskas long skin bilong em. Ol dispela pikinini i stap long ples Nunzen long wanpela maunten ol i kolim Wimalau long Madang provins.

Ol i stap i go na tumbuna bilong ol i dai. Na wanpela taim, bikpela singsing i kamap long wanpela ples na, olgeta susa i bilas na i go long singsing.

Ol susa bilong dispela yangpela boi i tokim em long stap long haus na kukim kaikai. Tudak nau na tumbuna bilong yangpela boi ya i kamap long em na rausim olgeta kaskas long skin bilong em. Dispela boi i kamap gutpela na i smatpela manki stret. Tumbuna bilong em i bilasim em pinis na tokim em long bihainim ol susa i go long singsing.

Boi nogut sanapim kangal pinis na spit i go long singsing. Ai bilong olgeta manmeri i op long lukim yangpela boi ya bikos bilas bilong em i winim tru ol arapela. Ol yangpela meri i pundaun stret long em. Planti i wok long wetim tasol moning long lukim gut pes bilong dispela yangpela man. Tasol long biknait yet, em i lus long singsing na i go bek long haus bilong em.

Em i bagarap stret long slip taim em i kamap long haus. Na skin bilong em i pulap gen long kaskas. Singsing i pinis long moning na ol susa bilong dispela yangpela man i spit nating i go long haus. Ol i hangre nogut tru tasol taim ol i kamap, ol i lukim brata bilong ol i no kukim kaikai. Ol i kirap na krosim em nogut tru.

Long namba tu nait, singsing i kamap gen na ol susa i go. Ol i tokim Roing Roing long stap na kukim kaikai. Roing Roing i no harim toktok bilong ol. Taim ol i brukim bun i stap, boi nogut i kamap na singsing wantaim ol gen.

Long dispela taim, planti meri i pait long em. Roing



Roing i stap i go klostu tulait na wokabout isi tasol i go long haus. Olgeta yangpela meri i painim em gen. Tasol ol susa bilong em i lukim mak bilong lek long graun na bihainim Roing Roing i kam kamap long haus. Hangre tu i bagarapim ol stret.

Long haus ol i lukim Roing Roing i slip indai i stap. Ol i kirapim em na askim em long wanem samting i bin kamap. Ol i tok, "Olgeta taim yu save kusai long mipela na kam singsing tu." Ol i tok olsem pinis na kirap paitim em

nogut tru. Long dispela taim, olgeta kaskas bilong Roing Roing i pinis na em i kamap naispela manki moa.

Sampela mun i go pinis na singsing i kamap gen long ples. Orait Roing Roing wantaim ol susa bilong em i bilas na wokabout i go. Ol i go kamap long ples bilong singsing na ol susa wantaim brata bilong ol i givim stret i stap.

Long dispela taim nau, olgeta meri i luksave long em na bihain tasol long singsing, olgeta i bihainim em i go kamap long haus. Roing Roing i lukim olsem na spit nating i go insait long haus. Em i go kamap na sindaun singsing bilong wari na sori. Tumbuna bilong em i harim na flai olsem wanpela blak bokis i kam.

Long dispela taim yet, bikpela paia i kamap na kukim Roing Roing insait long haus. Kangal bilong em i stap yet long het bilong em taim em i pundaun i kam antap stret long han bilong ol susa bilong em. Kwiktaim tasol bikpela susa i kisim kangal bilong Roing Roing na putim long het bilong em. Bikpela susa i mekim olsem na tok save long ol arapela susa olsem em bai go long Madang. Long dispela taim tu, pes bilong em i senis na kamap olsem bilong man.

Orait em i lusim ol na wokabout i go kamap long Nobonob na ples i tudak pinis. Na em i lukim wanpela man sindaun i stap long rot. Dispela man i luk wanpela stret olsem brata bilong em Roing Roing. Na em i askim dispela man, "Brata, inap mi slip wantaim yu orait tumora bai mi wokabout gen?"

Em nau man ya i kisim em na tupela i go long haus bilong em. Ol i kaikai pinis na man Nobonob i mekim wanpela bet bilong tupela long slip. Dispela man i no luksave olsem em i kisim meri i go long haus bilong em.

Tupela i slip na long biknait, dispela man i laik tanim. Em i tromoi han i go na pas stret long susu bilong meri. Boi

kirap tasol na ron i go tokim mama bilong em long wanem samting i kamap long haus bilong em.

Long moning, mama i kam long haus boi na lukim wanpela naispela meri stret i slip i stap. Stori i bruk long Nobonob na olgeta manmeri i kam lukim dispela meri. Bihain ol i askim em long maritim man ya.

Meri ya i stori long wanem samting i bin kamap long em i kam inap nau. Meri ya i maritim dispela man na planim kangal bilong brata bilong em long graun.

I no longtaim na meri ya i karim wanpela pikinini. Long wankain taim yet, wanpela naispela diwai stret i kamap long ples we dispela meri i planim kangal bilong brata bilong em. Dispela diwai i gro i go bikpela na pikinini bilong man Nobonob wantaim meri ya tu i kamap bikpela. I no longtaim na dispela diwai i stat karim pikinini.

Wanpela taim nau, mama wantaim papa i go long gaden na pikinini i stap wantaim tumbuna meri bilong em. Tupela i stap i go na pikinini i hangre. Lapun meri i kirap tasol i go na kisim wanpela pikinini bilong dispela diwai na brukim. Insait long dispela pikinini diwai, planti gutpela wara stret i pulap. Lapun i traime na wara bilong dispela pikinini diwai i swit olsem na em i givim long dispela liklik boi. Bihain tupela i kaikai tu pikinini bilong diwai.

Taim papa na mama bilong dispela liklik boi i kamap long haus, lapun meri i stori long ol long wanem samting i bin kamap long san. Papa bilong ol i harim olsem na kirap stori long olgeta lain bilong ples Nobonob long dispela nupela diwai. Olgeta manmeri i kam kisim wan wan na karim i go planim long hap bilong ol. Em nau stori bilong kekonas i bruk na i go nabaut long olgeta hap bilong Madang.

T.M.T Nunzen, Sialum, Finsafen, Morobe provins.



□ PLANTI manmeri i pulim longpela lain ausait long haus piksa bilong baim tiket bilong lukim kung fu muvi. Ol i suvim suvim ol yet nabaut na wanpela ToBaras i sanap fran long patpela meri Simbu. Taim ol man long baksait i suvim ol lain long fran, susu bilong dispela patpela meri bai kam pas stret long baksait bilong ToBaras ya. Tingting bilong ToBaras i paul na em kirap na laik tromoi han long holim susu bilong meri Simbu long baksait. Nogat, long wankain taim yet, dispela meri Simbu i muv long sait na ToBaras i holim stret trausis bilong wanpela Goroka. Goroka kirapim givim hatwan stret long baksait long het bilong ToBaras ya. Boi Tolai i kisim taim na les long lukim muvi.

Kenny Alfvonse, Ramu Suga Limited.

□ KANAGE na pren bilong em Wings i go long bus long nait. Wings pekpek pinis na painim ples bilong rabim as. Em lukim tasol lek bilong Kanage long lait bilong mun na ting olsem hap diwai. Bol go tasol na givim stret antap long lek bilong pren bilong em.

Scuffa & Glexo, 14th Street, Wewak, E.S.P.

□ WANPELA soldia boi i askim laik long wanpela meri. Meri kirap na tokim soldia ya, "Kain pasin bilong yupela, pinisim olgeta gras i go na larim liklik ailan tasol i stap. Man, yu no sem!"

Glexo & Scuffa, 14th Street, Wewak, E.S.P.

□ MERI Simbu maketing bual i stap na pekpek i kilim em. Susa ya kirap na ron i go long pablik toilet. Em tingim ol bual na wok long talim bun na hariap wantaim. Tuhat i bagarapim em na em i wok long brukim tu ol toilet pepa bilong kilim pes bilong em. Meri Simbu i wok long mekim olsem tasol i go na abrus long kisim pepa na rausim tuhat, em putim han long as pekpek na rabim olgeta pekpek long pes bilong em.

Albert Naro, Wewak, E.S.P.

□ MAMA bilong Jamil givim K1 hul mani na tokim em long go baim tinpis. Tinpis em 75 toea. Jamil i baim tinpis na stuakipa i givim em 25 toea senis. Boi go bek long haus na givim tinpis long mama bilong em. Mama kirap na askim em, "Na senis bilong mi we?" Jamil i bekim, "Wanem senis? Yu tok long baim tinpis long hul mani ya na mi go baim i kam. Yu no tokim mi long kisim senis i kam. Dispela muruk mani (20 toea) wantaim trausel mani (5 toea) mi holim ya em stuakipa i givim long mi. Na em i no tokim mi long kam givim yu."

Albert Naro, Wewak, E.S.P.

□ KANAGE na tambu bilong em i lusim Goroka na go holide long Madang. Holide pinis na tupela laik go bek. Tupela i rausim wanpela katen bla long Redscar Trading na putim long balus. Tupela i givim wanpela long pallot na ol tripela i kilim skin i go. Ol i wok long givim singsing bilong Holli Maea, Solwara Meri na pallot i no lukluk long rot. Klaut i pasim ples na ol i kalap nogut long lukim bikpela maunten i sanap long fran bilong ol. Isi tasol pallot bilong balus i opim dua, putim brek, krungutim maunten long lek na sakim balus i go antap long maunten na ol i go. Kanage i lukim olsem na laik aplm nem bilong pallot na em i tok, "Pallot, mi no save lukim wanpela man i mekim olsem bipo. Ating yu flns manki stret."

Los Kay, Kristen Press, Madang.

LAIPPLAIN

Wanem sik i stap na nus i save pas oltaim

Dia Lalplain, Nus bilong mi i pas oltaim. Na dispela i save mekim mi pilim les na skin i no gat strong. Long sampela taim, het bilong mi i save pen strong tru na mi pilim ai i raun na mi laik pundaun.

Mi bin go lukim planti dokta pinis tasol ol i tokim mi olsem skin na bodi bilong mi i orait na mi no gat sik.

Long dispela, mi no ting em i bikpela samting tumas bilong wari long en. Long wanem olgeta lain famili bilong mi i stap na mi gat planti poro. Sapos dispela kain ol hevi mi painim long bodi i no kamap bikos nus bilong mi i pas, wanem narapela sik i stap em i ken

kamapim kain ol hevi olsem long bodi na skin?

STUFFED UP

Dia Pren, Wanpela dokta i tok olsem sapos nus bilong yu i pas, yu bai painim hat long pulim win long taim bilong pilai o wok hat. Tasol dispela i no inap bagarapim skin na givim yu bikpela hevi long bodi.

Ating taim yu go lukim ol dokta long haus sik na klinik, ol i bin sutim wanpela lait i go insait long nus na tesim ol narapela samting long bodi bilong yu. Moa long wanpela dokta i bin tokim yu pinis olsem yu no gat sik, na i gutpela long harim ol dispela toktok. Na traime long painimaut

narapela as bilong ol dispela hevi em yu i wok long painim.

Planti yangpela man na meri i save painim ol dispela kain hevi bilong pilim olsem ai i raun na yu laik pundaun, no gat strong, het i pen na pilim narapela kain olgeta. Dispela kain hevi i ken kamap sapos yu gat hevi bilong yu yet. Dispela em ol kain wari olsem ol studen i tingting planti long wanpela eksem na ol narapela samting i ken bringim ol dispela hevi.

Ol narapela kain hevi we i ken bringim ol dispela samting em olsem hevi namel long yu na gel/boi pren bilong yu, wantaim famili na ol arapela wanwok, ol hevi we i

kamap long planti wok o planti amamas tumas. Dispela ol kain samting i ken mekim man i pilim olsem em i laikim moa yet, i givap long olgeta samting na bai bel hat na pairap klostu klostu.

Dispela kain pasin bilong man i suvim gen narapela hap bilong bodi long mekim kain kain samting. Kain samting olsem klok bilong bodi bai wok hariap tru winim mak bilong en, ol macol bilong nek i ken tait olgeta na mekim man/meri i painim hat long pulim win, o wankain ol samting olsem i kamap long yu.

Nem ol dokta i givim long dispela kain sik olsem bilong yu long tok Inglis em "depres-

sion". Ol lain husat i stap long dispela hevi i save painim hat tru long stretim o daunim wanpela narapela liklik hevi em i laik kamap o i kamap long ol. Sapos skin na bodi bilong yu i gutpela na yu fit, ating yu i no inap wari tumas long dispela hevi bilong nus i pas. I gat sampela marasin i stap bilong helpim man/meri i daunim hevi bilong depression. Na ol spekul o praiwet dokta tasol inap odaim dispela marasin.

Pastaim long yu go na painim moa save-man bilong skelim hevi bilong yu, i mobeta yu yet i traime dispela samting. Mekim sampela samting olgeta taim, na dispela bai inap helpim yu.



Pacific Gold MUSIC

NAMBawan 24 TRACK REKODING STUDIO INSAIT LONG PACIFIC

Tiria brukim rekot long bungim ol tok ples- Isok i bihainim

FRANCIS ULIAU
i raitim


INO olgeta musikman na meri i ken raitim na singim ol singsing long kain kain tok ples. Wan wan lain tasol inap mekim olsem.

Wanpela bilong ol dispela kain musikman em Alfred Tiria bilong Rainau viles, bihainim rot i go olsem long nupela Tokua ples balus long Kokopo, Is Nu Briten provins. Ples bilong Alfred i stap klostu tasol long kem bilong ol soldia bilong Papua Niugini Difens Fos.

Insait long namba wan kaset bilong Alfred we em i bin katim long Pacific Gold studio long mun Me, 1990 long Rabaul aninit long nem "TIRIA of Rabaul", ol singsing bilong Alfred i kamap long tok ples Kuanua, Baining, Nu Ailan na Tok Pisin.

Wanpela mausman bilong Pacific Gold studio long Rabaul, Nelson Amos i tok Alfred i bin katim dispela kaset wantaim helpim bilong tupela wantok bilong em yet. Dispela tupela man em Lawrence Tata husat i pilaim kibot na Thomas Wala husat i skrapim bes gita.

Amos i skruim toktok moa olsem dispela ol tripela i save pilai long ol string ben na lektrik ben raun long ples yet. Tasol Alfred Tiria nau i



Francis Isok bilong Sawom long Is Sepik provins. Hap memba bilong Young Kumans lektrik ben bilong Dagua.

gat bikpela laik long katim namba tu kaset bilong em.

"Tupela wik i go pinis bihain tasol long namba wan kaset bilong em i kam ausait na stap long ol stua, Alfred i bin kamap long studio na toktok long katim narapela kaset gen.

"Tasol mipela i senisim Alfred na tokim em long wet liklik pastaim. Bikos nogut tupela kaset bilong em wantaim i stap long ol stua na resis namel long ol yet. Na dispela i no gutpela," Amos i tok.

Tripela singsing bilong Alfred long dispela kaset i bihainim ol narapela tok ples. Long Sait A, namba tri singsing LULU i kamap long tok ples Nu Ailan. Namba 4 singsing THERESIA long wankain sait yet i kamap long Tok Pisin, tok ples Nu Ailan na hap tok ples Baining tu

wantaim. Dispela singsing i gutpela tru na bai helpim long salim ol kaset bilong Alfred Tiria.

Long Sait B i gat wanpela singsing tasol i stap long narapela tok ples. Dispela em namba wan kaset bilong SANDU. Singsing ya i kamap long hap tok ples bilong Baining. Na olgeta arapela singsing nau long kaset i kamap long tok ples Kuanua.

Planti bilong ol singsing insait long kaset bilong Tiria of Rabaul i bihainim kain stail na kik bilong Tolai musik.

Tupela arapela singsing em i meknais narakain liklik insait long dispela kaset em las singsing long Sait A, A VARTAKUN na namba tri singsing long Sait B, YOKO. Dispela tupela singsing i kamapim gutpela isi musik bilong sindaun na harim tasol i stap.

Ol musikman na meri i gat kain kain stail na laik bilong autim stori.

Na musik bilong ol i gutpela moa.

"Narapela kaset em mi laik glasim long dispela wik i bilong wanpela boi Sawom, Wes Kos rot long hap bilong Dagua insait long Is Sepik provins. Dispela man em Francis Isok.

Planti lain long ol ples i stap long Wes Kos na long Aitape insait long Sandaun provins i no inap paul long dispela man. Bikos Francis i save raun na pilai oltaim wantaim ol lain bilong Young Kumans lektrik ben bilong Dagua yet.

Long mun Oktoba, 1989, tupela man i bin kamap long Pacific Gold studio long Rabaul bilong katim namba wan kaset bilong Young Kumans. Dispela tupela man em Francis Isok na Jeffrey Amuol bilong Dagua long Is Sepik provins. Kaset bilong tupela i bin kamap na pinis hariap tru long planti stua long Noten rijon.

Na long mun Septemba, 1990, Francis yet i kamap gen na katim namba wan kaset bilong em yet.

Amos long studio i tok, "Long dispela taim tupela memba bilong Young Kumans i kamap katim kaset, Lino Tiriman na Alfred Darby bilong studio yet i bin helpim ol. Lino i pilaim dram na Alfred i

oilaim sampela lid, ritem na bes gita."

Na long dispela namba wan kaset aninit long nem: "Isok of Wewak", Francis i no autim kain stail na musik bilong Sepik tasol. Nogat. Em ikisim tupela singsing bilong ol arapela provins na putim wantaim. Dispela tupela singsing i stap long Sait A bilong kaset.

Namba wan singsing ZE LUK HO i kam long hap bilong Karkar long Madang. Na i stap long tok ples Karkar yet. Narapela singsing we i stap long narapela tok ples em namba 4 singsing, RINAG HEY. Dispela singsing i stap long tok ples Markham.

Francis yet i raitim na singim olgeta singsing long kaset. Na Donald Lessy wantaim Lino Tiriman bilong Pacific Gold studio i helpim long pilaim ol gita, kibot na ol dram.

Planti singsing bilong Francis Isok insait long kaset i gutpela tru bilong harim. Dispela em ol singsing we ol yangpela na liklik manki i save singim na pilai long nambis, o kuap sindaun antap long diwai na singim long bikpela san.


Wanpela bilong ol dispela singsing we planti man na meri bilong Is Sepik na Sandaun provins i save long en

em namba tu singsing long Sait A, MUN I LAIT Dispela singsing i kamap long Tok Pisin na i stori long wanem samting em ol yangpela man na meri i save mekim long taim bilong gutpela mun long nambis bilong Dagua na Wes Kos. Wanem samting ol i mekim, papa na mama i no save.

Narapela gutpela

singsing bilong helpim kik na swit bilong dispela kaset em namba tri long Sait A, EMEIDA. Planti yangpela man i laikim pinis dispela singsing na i wok long baim nau kaset bilong Isok of Wewak long olgeta about.

Olgeta dispela singsing bilong Francis long Sait A, i karim wankain swit na kik.



Alfred Tiria bilong Kokopo i laik go bek na katim narapela kaset gen.

THURSDAY 13TH JUNE, 1991		FRIDAY 14TH JUNE, 1991		SUNDAY 16TH JUNE, 1991		TUESDAY 18TH JUNE, 1991		WEDNESDAY 19TH JUNE, 1991	
6.00 TEST PATTERN AND MUSIC	6.00 TEST PATTERN AND MUSIC (G)	10.30 CHARLIE'S ANGELS (PGR)	10.30 CHARLIE'S ANGELS (PGR)	8.00 TEST PATTERN AND MUSIC	6.27 STATION OPEN	6.00 TEST PATTERN AND MUSIC	6.00 TEST PATTERN AND MUSIC	6.00 TEST PATTERN AND MUSIC	6.00 TEST PATTERN AND MUSIC
6.27 STATION OPEN	6.27 STATION OPEN (G)	11.30 EMTV NEWS (REPLAY)	11.30 EMTV NEWS (REPLAY)	10.55 STATION OPEN	6.30 TIN WORLD NEWS	6.27 STATION OPEN	6.30 TIN WORLD NEWS (G)	6.27 STATION OPEN	6.30 TIN WORLD NEWS (G)
6.30 ITN WORLD NEWS	6.30 ITN WORLD NEWS (G)	11.57 MEDIATION	11.57 MEDIATION	11.00 WIDE WORLD OF SPORT	7.00 TODAY SHOW	6.30 ITN WORLD NEWS	7.00 TODAY SHOW (G)	6.30 ITN WORLD NEWS	7.00 TODAY SHOW (G)
7.00 TODAY SHOW (G)	7.00 TODAY SHOW (G)	12.00 STATION CLOSE	12.00 STATION CLOSE	1.00 BUSINESS SUNDAY	9.00 STATION CLOSE	9.00 STATION CLOSE	9.00 STATION CLOSE	9.00 STATION CLOSE	9.00 STATION CLOSE
9.00 STATION CLOSE	9.00 STATION CLOSE (G)	SATURDAY 15TH JUNE, MUSIC	SATURDAY 15TH JUNE, MUSIC	1.42 STATION RE-OPEN	1.42 STATION RE-OPEN	1.42 STATION RE-OPEN	1.42 STATION RE-OPEN	1.42 STATION RE-OPEN	1.42 STATION RE-OPEN
1.42 STATION RE-OPEN	1.42 STATION RE-OPEN (G)	1.00 WIDE WORLD OF SPORTS	1.00 WIDE WORLD OF SPORTS (G)	1.45 MIDDAY WITH RAY MARTIN (PGR)	1.45 MIDDAY WITH RAY MARTIN (PGR)	1.45 MIDDAY WITH RAY MARTIN (PGR)	1.45 MIDDAY WITH RAY MARTIN (PGR)	1.45 MIDDAY WITH RAY MARTIN (PGR)	1.45 MIDDAY WITH RAY MARTIN (PGR)
1.45 MIDDAY WITH RAY MARTIN (PGR)	1.45 MIDDAY WITH RAY MARTIN (PGR)	5.00 LAVERNE & SHIRLEY	5.00 LAVERNE & SHIRLEY (G)	3.00 SESAME STREET (G)	3.00 SESAME STREET (G)	3.00 SESAME STREET (G)	3.00 SESAME STREET (G)	3.00 SESAME STREET (G)	3.00 SESAME STREET (G)
3.00 SESAME STREET (G)	3.00 SESAME STREET (G)	5.27 EMTV TOKSAVE (G)	5.27 EMTV TOKSAVE (G)	4.00 THUNDER THE BARBARIAN (G)	4.00 THUNDER THE BARBARIAN (G)	4.00 THUNDER THE BARBARIAN (G)	4.00 THUNDER THE BARBARIAN (G)	4.00 THUNDER THE BARBARIAN (G)	4.00 THUNDER THE BARBARIAN (G)
4.00 KIDS KONA	4.00 KIDS KONA (G)	5.29 NATIONAL EMTV NEWS BREAK	5.29 NATIONAL EMTV NEWS BREAK (G)	4.30 TEENAGE MUTANT NINJA TURTLES "Case of the killer pizzas"	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)
4.30 TEENAGE MUTANT NINJA TURTLES (G)	4.30 TEENAGE MUTANT NINJA TURTLES (G)	5.30 GILLETTE (G)	5.30 GILLETTE (G)	5.00 THE FLINTSTONES	5.00 THE FLINTSTONES (G)	5.00 THE FLINTSTONES (G)	5.00 THE FLINTSTONES (G)	5.00 THE FLINTSTONES (G)	5.00 THE FLINTSTONES (G)
5.00 THE FLINTSTONES	5.00 THE FLINTSTONES (G)	6.00 NATIONAL EMTV NEWS	6.00 NATIONAL EMTV NEWS (G)	5.27 EMTV TOKSAVE	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)	5.27 EMTV TOKSAVE (G)
5.27 EMTV TOKSAVE (G)	5.27 EMTV TOKSAVE (G)	6.30 A CURRENT AFFAIR	6.30 A CURRENT AFFAIR (G)	5.29 NATIONAL EMTV NEWS BREAK	5.29 NATIONAL EMTV NEWS BREAK (G)	5.29 NATIONAL EMTV NEWS BREAK (G)	5.29 NATIONAL EMTV NEWS BREAK (G)	5.29 NATIONAL EMTV NEWS BREAK (G)	5.29 NATIONAL EMTV NEWS BREAK (G)
5.29 NATIONAL EMTV NEWS BREAK (G)	5.29 NATIONAL EMTV NEWS BREAK (G)	6.00 NATIONAL EMTV NEWS	6.00 NATIONAL EMTV NEWS (G)	5.30 HOME AND AWAY	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)	5.30 HOME AND AWAY (G)
5.30 HOME AND AWAY (G)	5.30 HOME AND AWAY (G)	6.30 A CURRENT AFFAIR	6.30 A CURRENT AFFAIR (G)	6.00 NATIONAL EMTV NEWS	6.00 NATIONAL EMTV NEWS (G)	6.00 NATIONAL EMTV NEWS (G)	6.00 NATIONAL EMTV NEWS (G)	6.00 NATIONAL EMTV NEWS (G)	6.00 NATIONAL EMTV NEWS (G)
6.00 NATIONAL EMTV NEWS (G)	6.00 NATIONAL EMTV NEWS (G)	6.30 NEIGHBOURS (G)	6.30 NEIGHBOURS (G)	6.30 A CURRENT AFFAIR	6.30 A CURRENT AFFAIR (G)	6.30 A CURRENT AFFAIR (G)	6.30 A CURRENT AFFAIR (G)	6.30 A CURRENT AFFAIR (G)	6.30 A CURRENT AFFAIR (G)
6.30 A CURRENT AFFAIR (G)	6.30 A CURRENT AFFAIR (G)	7.25 EMTV NEWS UPDATE (G)	7.25 EMTV NEWS UPDATE (G)	7.00 NEIGHBOURS	7.00 NEIGHBOURS (G)	7.00 NEIGHBOURS (G)	7.00 NEIGHBOURS (G)	7.00 NEIGHBOURS (G)	7.00 NEIGHBOURS (G)
7.00 NEIGHBOURS (G)	7.00 NEIGHBOURS (G)	7.30 FAMILY TIES (G)	7.30 FAMILY TIES (G)	7.25 EMTV NEWS UPDATE	7.25 EMTV NEWS UPDATE (G)	7.25 EMTV NEWS UPDATE (G)	7.25 EMTV NEWS UPDATE (G)	7.25 EMTV NEWS UPDATE (G)	7.25 EMTV NEWS UPDATE (G)
7.25 EMTV NEWS UPDATE (G)	7.25 EMTV NEWS UPDATE (G)	8.22 EMTV TOKSAVE	8.22 EMTV TOKSAVE (G)	7.30 THE YOUNG DOCTORS	7.30 THE YOUNG DOCTORS (G)	7.30 THE YOUNG DOCTORS (G)	7.30 THE YOUNG DOCTORS (G)	7.30 THE YOUNG DOCTORS (G)	7.30 THE YOUNG DOCTORS (G)
7.30 THE YOUNG DOCTORS (G)	7.30 THE YOUNG DOCTORS (G)	8.25 EMTV NEWS UPDATE	8.25 EMTV NEWS UPDATE (G)	8.22 EMTV TOKSAVE	8.22 EMTV TOKSAVE (G)	8.22 EMTV TOKSAVE (G)	8.22 EMTV TOKSAVE (G)	8.22 EMTV TOKSAVE (G)	8.22 EMTV TOKSAVE (G)
8.22 EMTV NEWS UPDATE (G)	8.22 EMTV NEWS UPDATE (G)	8.30 HAWAII 5-0: "Most Likely to Murder"	8.30 HAWAII 5-0: (PGR)	8.25 PNG WINFIELD LEAGUE 1991	8.25 PNG WINFIELD LEAGUE (G)	8.25 PNG WINFIELD LEAGUE (G)	8.25 PNG WINFIELD LEAGUE (G)	8.25 PNG WINFIELD LEAGUE (G)	8.25 PNG WINFIELD LEAGUE (G)
8.25 EMTV NEWS UPDATE (G)	8.25 EMTV NEWS UPDATE (G)	9.29 EMTV NEWS MAGAZINE	9.29 EMTV NEWS MAGAZINE (G)	8.35 THE EQUALIZER (PGR)	8.35 THE EQUALIZER (PGR)	8.35 THE EQUALIZER (PGR)	8.35 THE EQUALIZER (PGR)	8.35 THE EQUALIZER (PGR)	8.35 THE EQUALIZER (PGR)
8.30 21-JUMP STREET (PGR) "Chapel Of Love"	8.30 21-JUMP STREET (PGR)	9.30 SPORTS ACTION	9.30 SPORTS ACTION (G)	9.29 EMTV NEWS UPDATE	9.29 EMTV NEWS UPDATE (G)	9.29 EMTV NEWS UPDATE (G)	9.29 EMTV NEWS UPDATE (G)	9.29 EMTV NEWS UPDATE (G)	9.29 EMTV NEWS UPDATE (G)
8.30 21-JUMP STREET (PGR)	8.30 21-JUMP STREET (PGR)	10.30 CHARLIE'S ANGELS: "Diamond in the rough" (PGR)	10.30 CHARLIE'S ANGELS: (PGR)	9.34 EMTV NEWS MAGAZINE	9.34 EMTV NEWS MAGAZINE (G)	9.34 EMTV NEWS MAGAZINE (G)	9.34 EMTV NEWS MAGAZINE (G)	9.34 EMTV NEWS MAGAZINE (G)	9.34 EMTV NEWS MAGAZINE (G)
9.29 EMTV NEWS MAGAZINE (G)	9.29 EMTV NEWS MAGAZINE (G)	11.30 EMTV NEWS (REPLAY)	11.30 EMTV NEWS (REPLAY)	9.35 BEYOND 2000 (PGR)	9.35 BEYOND 2000 (PGR)	9.35 BEYOND 2000 (PGR)	9.35 BEYOND 2000 (PGR)	9.35 BEYOND 2000 (PGR)	9.35 BEYOND 2000 (PGR)
9.30 SPORTS ACTION (G)	9.30 SPORTS ACTION (G)	11.57 MEDITATION WITH PASTOR WALO ARNI	11.57 MEDITATION WITH PASTOR WALO ARNI (G)	10.34 EMTV NEWS MAGAZINE	10.34 EMTV NEWS MAGAZINE (G)	10.34 EMTV NEWS MAGAZINE (G)	10.34 EMTV NEWS MAGAZINE (G)	10.34 EMTV NEWS MAGAZINE (G)	10.34 EMTV NEWS MAGAZINE (G)
10.30 CHARLIE'S ANGELS: "Diamond in the rough" (PGR)	10.30 CHARLIE'S ANGELS: (PGR)	12.00 STATION CLOSE	12.00 STATION CLOSE	10.35 CHARLIE'S ANGELS: (PGR)	10.35 CHARLIE'S ANGELS: (PGR)	10.35 CHARLIE'S ANGELS: (PGR)	10.35 CHARLIE'S ANGELS: (PGR)	10.35 CHARLIE'S ANGELS: (PGR)	10.35 CHARLIE'S ANGELS: (PGR)
10.30 CHARLIE'S ANGELS: (PGR)	10.30 CHARLIE'S ANGELS: (PGR)	12.00 STATION CLOSE	12.00 STATION CLOSE	11.35 EMTV NEWS (REPLAY)	11.35 EMTV NEWS (REPLAY)	11.35 EMTV NEWS (REPLAY)	11.35 EMTV NEWS (REPLAY)	11.35 EMTV NEWS (REPLAY)	11.35 EMTV NEWS (REPLAY)
11.30 EMTV NEWS (REPLAY)	11.30 EMTV NEWS (REPLAY)	12.00 STATION CLOSE	12.00 STATION CLOSE	12.02 MEDITATION WITH PASTOR WALO ARNI	12.02 MEDITATION WITH PASTOR WALO ARNI (G)	12.02 MEDITATION WITH PASTOR WALO ARNI (G)	12.02 MEDITATION WITH PASTOR WALO ARNI (G)	12.02 MEDITATION WITH PASTOR WALO ARNI (G)	12.02 MEDITATION WITH PASTOR WALO ARNI (G)
11.57 MEDITATION WITH PASTOR WALO ARNI (G)	11.57 MEDITATION WITH PASTOR WALO ARNI (G)	12.00 STATION CLOSE	12.00 STATION CLOSE	12.02 MEDITATION WITH PASTOR WALO ARNI	12.02 MEDITATION WITH PASTOR WALO ARNI (G)	12.02 MEDITATION WITH PASTOR WALO ARNI (G)	12.02 MEDITATION WITH PASTOR WALO ARNI (G)	12.02 MEDITATION WITH PASTOR WALO ARNI (G)	12.02 MEDITATION WITH PASTOR WALO ARNI (G)
12.00 STATION CLOSE	12.00 STATION CLOSE								

G - General Exhibition Required PGR - Parental Guidance Required AO - Adults Only

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

MIRI AIORI long Ext 203
JOHNATHAN BONEPE long Ext 215
KOSINTO FOSAGU long Ext 216



PANGU PATI BETDE

24 ANIVESARI-13 JUN, 1967.

1. Pangu Pati kamapim namba wan gavman long 26 Epril, 1973 wantaim sapot bilong sampela liklik pati, aninit long lida bilong Palamen, na Sil Minista M. Somare, nau Rt. Hon Michael Somare, GCMG, CH.

1975 (15 Ogas, 1975) -Konstituen Asembli i kamap aninit long go pas bilong Sir Michael Somare i tok orait long Nesenel Konstitusen o Mama lo bilong kantri.

2. 1973-1975 (6 Septemba, 1975) -Papua Niugini i kisim independens, na Sir Michael Somare i kamap namba wan Praim Minista.

1975-1977 -Jenerel Ileksen i kamap, na Pangu Pati i go pas long gavman wantaim sapot bilong People's Progress Pati (PPP), na Nesenel Pati.

1977-1980 (11 Mas, 1980) -Pangu Pati i go pas long gavman wantaim sapot bilong United Pati na Melanesian Alliance.

1980-1982 (2 Ogas, 1982) -Lida bilong Oposisen

2 Ogas, 1982-25 Novemba, 1985 - Pangu Pati Gavman Pati Lida

26 Novemba, 1985-4 Julai, 1988 -Risain olsem lida bilong pati.

4 Julai, 1987-13 Jun, 1991 -Pangu Pati i go pas long gavman gen wantaim go pas bilong Praim Minista Rabbie Namaliu, CMG.

Taim pati i bin kamap long 1967, Pati i bin go strong na strong moa. Pati i gat nem long mekim planti senis o developmen i kamap long Papua Niugini.

Pangu Pati wantaim sapot bilong ol arapela politikel pati long gavman na opisisen wantaim i gat gupela wok em i kamapim, na sampela samting em i no kamapim o mekim. Tasol bikpela samting em Pangu Pati i makim stretpela taim na paif strong long kisim independens bilong Papua Niugini.

Pangu Pati i tenkim planti 1,000 pipel bilong dispela kantri long sapot bilong ol. Bikos ol i givim strong-pela vot bilong long 1967 yet i kam inap nau. Bikpela sapot i kam tu long ol arapela manmeri long 24 yia i go pinis.

Pati bai i sanap strong long wok stret (honesty), paif long rait na sindaun bilong ol pipel (humanity) na hat wok.

Olsem wanpela bilong ol memba husat i bin go pas long kamapim dispela pati, mipela i laik tokim ol pipel na sapota bilong mipela long Papua Niugini olsem Pangu Pati em i wanpela pati bilong ol Papua Niugini pipel stret.

Mipela i gat rekot long tok olsem. Bikos ol pipel i votim mipela long 4-pela taim pinis. Mipela i soim olsem mipela i ken go pas olsem lida long wok mipela i bin mekim.

Pangu Pati i sanap long, Wanpela Pipel, Wanpela Fleg, Wanpela Kantri, na bai i paif strong long developmen ol pipel bilong Papua Niugini i laikim i go long yia 2000, na i go moa.

Bikpela tok amamas i go long lida bilong pati long Nesenel Palamen, Nesenel Presiden, ol Vais Presiden, na nesenel eksekutyutiv bilong Pangu Pati long dispela 24 Anivesari (13 Jun, 1991).

Hepi Betde Pangu. Mipela olgeta i amamasim yupela na ol sapota insait long kantri long gupela wok bilong yupela long bihain taim

Hon. Sir Michael Somare GCMG. CH
Foren Minista bilong Papua Niugini.

PABLIK NOTIS

Toksave i go long olgeta memba bilong Palamen Wing, Nesenel Eksekutyutiv na ol provinsal presiden bilong Pangu Pati long bikpela kibung em bai i kamap long Mosbi long Tunde 13 Jun, 1991. Toksave i go olsem dispela kibung em de bilong em i senis pinis i go long narapela taim. As bilong dispela senis em long ol pepa wok. Toksave bilong wanem taim dispela kibung bai i kamap, bai i kamap long bihain taim. Mi olsem lida bilong pati long Haus Palamen, i laik tok sori long dispela senis. Sapos yupela i laik save moa long dispela senis, orait ringim Timothy Pohau o Brian Martins long Telepon Namba 25-3620. RABBIE L NAMALIU CMG MP Praim Minista na Lida bilong Pangu Pati long Haus Palamen

24 ANIVESARI BILONG PANGU PATI 13 JUN, 1991

Bikpela tok amamas i go long lida bilong PANGU PATI long Palamen

Nesenel Presiden, Vais Presiden na Nesenel Eksekutyutiv long 24 Krismas bilong yupela.

Mipela i amamas long yupela olgeta sapota long kantri, na amamasim wok bilong pati long bihain taim.

Foren Minista na Papa bilong Papua Niugini

Rt. Hon Sir Michael Somare GCMG. CH

I GO LONG OL PIPEL BILONG IS SEPIK

Bikpela tok amamas na tenkyu i go long ol pipel bilong Is Sepik. Dispela em long sapotim Pangu Pati long las 24 yia, taim pati i kamap long 13 Jun, 1967 i kam inap nau.

Bikpela tok amamas i go long yupela olgeta long 24 Anivesari bilong Pangu Pati.

Rt. Hon Sir Michael Somare GCMG. CH

24 ANIVESARI BILONG PANGU PATI 13 JUN, 1991

Bikpela tok amamas i go long ol Pangu Brëns long Papua Niugini.

Bikpela tok amamas i go long yupela olgeta long Hepi 24 Betde Anivesari, na tok amamas long lukautim wok bilong pati long ol yia i kam bihain.

Rt. Hon Sir Michael Somare, GCMG. CH
Foren Minista
Memba bilong Is Sepik

Siaman na Bod ov Dairekta bilong Damai Pty Ltd

Bikpela tok amamas i go long lida bilong Pangu Pati long Palamen, na ol Memba bilong Palamen Wing, na ol Eksekutyutiv Memba bilong olgeta Brëns bilong Pangu Pati long Papua Niugini.

Bikpela tok amamas long 24 Anivesari 13 Jun, 1991.

Bikpela tok amamas long wok bilong yupela wantaim pati long ol yia i kam bihain.

Rt. Hon Sir Michael Somare, GCMG. CH
Foren Minista
Memba bilong Is Sepik

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, telepon 25 2500 na askim long

MIRI AJORI long Ext 203
JOHNATHAN BONEPE long Ext 215
KOSINTO FOSAGU long Ext 216**TOKTOK I KAM LONG
LIDA BILONG PANGU
PATI LONG PALAMEN,
PRAIM MINISTA
RABBIE NAMALIU**

Mi amamas long tokaut long kantri na ol sapota bilong Pangu Pati, olsem praim minista bilong yupela, na pati lida long palamen, mi amamas long mekim dispela toktok long makim 24 krismas bilong Pangu Pati.

Pangu Pati i bin kamap long 1967 long Mosbi. Dispela em long taim kantri i stap aninit long lukaut bilong Australia gavman. Ol pipel husat i kamapim ol namba wan politikel pati em mipela i save kolim ol olsem ol papa bilong pati. Papa bilong Pangu Pati em Sir Micheal T Somare, namba wan praim minista na papa bilong dispela kantri.

Sir Micheal i go pas long kisim Selp Gavman long 1973, na bihain kisim independens long 1975.

Tude Pangu Pati i kamap strong bihain long 15 na hap yia. Pati i bin go pas long olgeta gavman long 1975 i kam inap nau. Long las gavman tasol em i stap long oposisen, bikos sampela memba i ranawe.

Nau yet long Nesenel Palamen, Pati i stap gen long gavman bihain long vot i nogat bilip long Julai, 1988.

Mi bin kisim wok olsem het bilong pati long Palamen bihain long 1987 ileksen. Dispela em bihain long sotpela taim olsem lida bilong oposisen long 1988. Bihain mi winim ileksen long floa bilong Nesenel Palamen olsem Praim Minista. Mi kisim sia bilong praim minista bihain long vot i nogat bilip long Julai, 1988.

Dispela em namba wan taim bilong mi long wok olsem lida bilong Nesenel Palamen, na Praim Minista bilong Papua Niugini. Na bihain long wanem ol samting i kamap long 1992 ileksen, wantaim tok orait bilong ol Pati Memba, mi bilip long go pas gen long gavman bihain long ileksen.

Pangu Pati i bin bungim planti bikpela senis, na developmen long histori bilong Papua Niugini. Na mi amamas olsem lida bilong pati long palamen long stap insait long ol dispela senis, we i bringim developmen long Papua Niugini.

Pangu i strong yet. Na long 1992 ileksen em bai i kamap strong moa na gutpela. Pangu Pati bai i amamas tu long lukim pinis bilong bikpela Somare Haus Faundesens. Dispela bai i givim moa opis spes long ol bisnis wantaim indastri na gavman long mekim wok bilong ol.

Na tu bai i gat bikpela senis long pe bilong yusim ol arapela opis na baim insait long Mosbi. Pangu Pati bai i lukim olsem ol gavman bilong bihain taim i mas lukautim mama lo na rait bilong ol pipel bilong Papua Niugini.

Em bai i welkamim ol ovasis kampani long kam wok long Papua Niugini, aninit long tok orait bilong wok bung (partnership).

Pangu Pati bai i sekim olsem ol pipel bilong em i mas kaikai gut, i kisim gutpela helt sevis, wantaim skul na trening bilong ol yangpela pipel long wok insait long kantri long komes, bisnis na gavman.

Olgeta dispela senis i no inap long kamap hariap. Na tu mas i gat mani, na gutpela gavman wantaim stretpela plen o polisi. Na tu ol stretpela senis long lo bai karim kantri i go het long yia 2000.

Pangu Pati i bilip yet olsem mipela i ken mekim sampela senis sapos olgeta i wok bung wantaim. Long pinisim toktok, mi laik amamasim Pangu Pati long 24 krismas bilong em.

**RABBIE NAMALIU CMG MP
PRAIM MINISTA NA
LIDA BILONG PANGU PATI LONG PALAMEN.**



**MINISTA BILONG
TRED NA INDASTRI**

**TOKTOK I KAM LONG
JOHN R GIHENO MP
DEPUTI PALAMEN
LIDA BILONG PANGU**

Pangu Pati i go pas nau long gavman em planti liklik pati i sapotim. Olsem deputi lida bilong Pangu Pati long Palamen, mi makim maus bilong ol pati sapota long ol Hailans provins na i laik salim amamas toktok bilong Hepi 24 Betde i go long ol eksekutiv na papa bilong Pangu Pati long Papua Niugini.

Yupela i givim mipela sapot na strong long sanap, wok bung wantaim long developim kantri bilong mipela. Bikpela tenkyu bilong mipela i go long ol memba bilong Bully Beef Klap bilong 1967. Ol dispela lain i kamapim Pangu Pati.

Mipela i gat bikpela rispek long yupela. Bikos long lukluk bilong yupela, na yupela i bringim politikel na sosio ekonomik developmen i kam long han bilong Papua Niugini.

Pangu Pangu bai i groa bikpela moa wantaim spit bilong ol developmen em i kamap nau long Papua Niugini. Na bilip olsem pasin bilong wok bung bai i stap yet, long givim mipela sapot na strong long tude na bihain taim.

Pangu Pati aninit long lukaut bilong Sir Michael Thomas Somare long bipo, na nau Praim Minista Rabbie Namaliu bai i kamapim ol gutpela plen o polisi bilong Papua Niugini long go het long yia 2000.

Mi askim God papa long blesim Pangu Pati long ol yia i kam bihain.

Hepi 24 Betde ...

**John R Giheno MP
MINISTA BILONG TRED NA INDASTRI NA
DEPUTI LIDA BILONG PANGU PATI**

PABLIK NOTIS

Toksave i go long olgeta memba bilong Palamen Wing, Nesenel Eksekutiv na ol provin-sal presiden bilong Pangu Pati long bikpela kibung em bai i kamap long Mosbi long Tunde 13 Jun, 1991.

Toksave i go olsem dispela kibung em de bilong em i senis pinis i go long narapela taim.

As bilong dispela senis em long ol pepa wok. Toksave bilong wanem taim dispela kibung bai i kamap, bai i kamap long bihain taim.

Mi olsem lida bilong pati long Haus Palamen, i laik tok sori long dispela senis.

Sapos yupela i laik save moa long dispela senis, orait ringim Timothy Pohau o Brian Martins long Telepon Namba 25-3620.

RABBIE L NAMALIU CMG MP

Praim Minista na
Lida bilong Pangu Pati long Haus Palamen

**24 KRISMAS BILONG PANGU PATI
JUN 13, 1991.****BIKPELA TOK
AMAMAS I GO LONG!!!**

Ol man husat i kamapim Pangu Pati
Nesenel Presiden na

Ol nesenel eksekutiv bilong pati long 24 Betde Anivesari bilong yupela.

Long makim maus bilong ol Memba long Palamen Wing, mi laik salim tok amamas i go long yupela, na ol sapota long gutpela wok bilong pati long bihain taim.

**RABBIE L NAMALIU CMG MP
PRAIM MINISTA NA
LIDA BILONG PANGU LONG PALAMEN**

PANGU PATI INC.**I GO LONG OL PIPEL BILONG
PAPUA NIUGINI**

Gutpela tok amamas i go long olgeta long Hepi 24 Betde Anivesari, na tu long gutpela wok bilong pati long bihain taim.

**JOHN R GIHENO MP
MINISTA BILONG TRED NA INDASTRI NA
DEPUTI LIDA BILONG PANGU**

**JACK GENIA MP
MINISTA BILONG FORES NA
DEPUTI LIDA BILONG PANGU LONG PALAMEN**

**24 ANIVESARI BILONG PANGU PATI
JUN 13, 1991.**

Bikpela tok amamas i go long olgeta Pangu Pati brens insait long Papua Niugini.

Gutpela tok amamas i go long yupela olgeta long Hepi 24 Anivesari, na gutpela wok bilong pati long ol yia i kam bihain.

BIKPELA AMAMAS LONG YUPELA OLGETA!!!

**RABBIE L NAMALIU CMG MP
PRAIM MINISTA NA
LIDA BILONG PANGU PATI LONG PALAMEN**



SOFBAL

Bomana sofbal i paia gen

BOMANA op sisen sofbal resis long dispela wiken bai gat ol strongpela na gutpela gem namel long ol meri na pikinini bilong ol plisman long Bomana sofbal graun.

Bomana sofbal resis i stap nau long namba 7 raun, na em bai i pilai namba 8 raun bilong em long dispela Sande.

Ogenaisa bilong Bomana sofbal resis, Andrew Moe i tok resis i wok long kirap strong na go bikpela long Bomana.

Mista Moe i tok em i luksave olsem namba bilong ol tim long resis i wok long kamap planti. Na dispela i soim bikpela laik na tingting bilong ol meri long pilai sofbal.

Mista Moe i tok planti pilaia bilong Bomana Sofbal Asosiesen i wok long kamapim gutpela pilai nau, na stail bilong ol i senis moa.

Andrew Moe i wok klostu wantaim McGregor 3 bikos em i tim bilong ol yangpela meri tasol husat krismas bilong ol i stap long 13 na 17. Andrew Moe i tok em i wanpela strongpela sapota bilong sofbal, na i laik lukim ol yangpela i groa wantaim sofbal.

McGregor 3 i stap namba 2 long

poin lata nau, na em i wok long kamap strong nau long resis.

Andrew Moe i tok long dispela wiken bai ol yangpela bilong em bai i bungim McGregor 1 long bikpela gem bilong Daimon 2.

Em i tok bai dispela gem bai i strongpela na ol meri McGregor 3 bai pilai strong long holim ples bilong ol long namba 2 posisen.

Tasol McGregor 1 bai i no inap long givim isi win i go long McGregor 3 bikos em i stap pinis long namba wan ples. Na em i gat save long autim tiket bilong ol arapela klap i stap aninit long en.

Andrew Moe i tok long las yia i kam, Bomana sofbal resis i wok long pilai long winim Moe Kap, em yet i bin baim. Em i tok Plis Komisiona, Ila Geno i baim tu narapela Kap bilong ol meri long pilai long en.

Nau yet Bomana sofbal resis i gat tupela Kap long pilai long en tasol ol i laikim sampela moa liklik Kap bilong givim olsem wan wan prais long wanwan pilaia.


Andrew Moe i wok long painim yet ol sponsa bilong givim helpim long ol dispela liklik Kap tropi bilong ol pilaia.



• Dispela em ol hambak meri bilong Rabaul stret. Ating pawa bilong ol Ino strong tumas na ol i lus. Poto Misako Elemiah.



• Pilaia ya i givim sisti i go pundaun long hom bes narakain stret ya. Em stall bilong stall fiva ya. Poto Misako Elemiah.



• Ol kas meri bilong Lae husat i winim taitel i amamas na soim bikpela tropi bilong ol.

BOMANA WIMENS SOFBAL LATA 1991 SISEN PROPRA RESIS

Tim	GP	W	D	L	PF	PA	PTS
McGrager 1	7	7	-	-	112	22	14
McGrager 3	7	6	-	1	110	27	12
McGrager 2	7	6	-	1	98	36	12
Bomana Staffs	7	5	-	2	75	87	10
* McGrager 4	6	4	-	2	77	28	8
Gordons 1	7	4	-	3	71	42	8
Dog Unit	7	4	-	3	73	48	8
* C.I.S	6	3	-	3	30	47	6
Kila 1	7	3	-	4	50	55	6
Bomana 1	7	2	-	5	35	49	4
Bomana 2	7	1	-	6	25	67	2
Bomana 3	7	1	-	6	30	72	2
* Gordons 2	6	1	-	5	30	70	2
* Kila 2	6	-	-	-	24	85	0

Note: Score not given in
- Games not play

BOMANA WIMENS SOFBAL ASOSIESEN

SANDE 16 JUN, 1991.

DAIMON 1:

12.00pm Bomana 4 vs Kila 2
1.30pm Bomana 2 vs Kila 1
3.00pm Dok Yunit vs McGregor 4
4.30pm Bomana 1 vs CIS

DAIMON 2:

1.00pm McGregor 2 vs Gordons 1
2.30pm Bomana 3 vs Gordons 2
4.00pm McGregor 1 vs McGregor 3



BENSON and HEDGES

WEWAK SOKA ASOSIESEN PRIMIA SOKA DRO-RAUN 2

SANDE 16 JUN, 1991

1.00pm Wewak Utd vs Sunam
2.20pm Passam vs Medics
4.00pm Guria vs Tarakum
BYE: Wullet

SARERE 29 JUN, 1991.

1.00pm Wullet vs Passam
2.20pm Wewak Utd vs Tarakum
4.00pm Medics vs Guria
BYE: Sunam

SARERE 30 JUN, 1991.

1.00pm Wewak Utd vs Guria
2.20pm Sunam vs Passam
4.00pm Wullet vs Medics
BYE: Tarakum

SANDE 7 JULAI, 1991.

1.00pm Tarakum vs Passam
2.20pm Wullet vs Sunam
4.00pm Medics vs Wewak Utd
BYE: Guria

SANDE 17 JULAI, 1991.

1.00pm Medics vs Sunam
2.20pm Tarakum vs Wullet
4.00pm Guria vs Passam

BYE: Wewak Utd



Madang Futbol Asosiesen Raun Wan Poins Lata

Primia Divisen Lata 12/06/91

Divisen	Games			Goals			Poins
	Played	Win	Dro	Lus	For	Against	
Momase	7	5	2	0	8	2	12
Mimlon	7	4	2	1	12	5	10
Watabag	7	3	3	1	12	7	9
Adguria	7	3	2	2	13	9	8
Madang Blues	7	2	3	2	12	9	7
KPI	7	2	2	3	7	7	6
PX	7	2	0	5	8	16	4
Gala	7	0	0	7	4	20	0

Primia Risev Lata 12/06/91

Mimlon	7	5	2	0	14	3	12
Momase	7	4	2	1	8	3	10
Watabag	7	4	1	1	7	5	9
KPI	7	2	3	2	12	6	7
Madang Blues	7	2	2	3	11	10	6
PX	7	2	1	4	5	10	5
Adguria	7	2	0	5	5	9	4
Gala	7	0	1	6	1	15	1

Wimens Divisen Lata 12/06/91

Momase	7	2	5	1	8	6	9
Waskia	6	2	4	0	9	4	8
Watabag	6	2	4	0	9	2	8
Adguria	7	2	4	1	8	6	8
Panafun	7	3	1	3	5	2	7
Madang Blues	6	2	3	1	5	2	7
Spiders	7	2	1	4	3	12	5
Mimlon	6	1	3	4	4	8	4
PX (MTC)	3	2	0	1	4	4	4
Diwai	7	0	3	4	2	8	3

Namba Wan Divisen 12/06/91

Panafun	9	7	2	0	16	5	16
Spiders	9	6	1	2	16	11	13
Paramed	9	5	1	3	15	8	11
Kurti Andra	9	4	2	3	20	9	10
Safico	9	4	1	4	15	14	9
Waskia	9	4	1	4	13	9	8
DWI	9	3	1	5	13	19	7
PTC	9	2	3	4	12	15	7
Tarangau	9	3	1	5	5	11	7
Nomads	9	0	1	8	10	26	1

Anda 19 Divisen 12/06/91

Momase	15	10	3	2	21	6	23
PTC	15	8	6	1	18	8	22
Madang Blues	15	8	4	3	25	9	20
Adguria	15	8	2	5	25	19	18
Diwai	15	7	3	5	14	11	17
Waskia	15	5	6	4	18	14	16
PX	15	7	1	7	14	14	15
Panafun	15	7	1	7	10	13	15
Watabag	15	5	4	6	12	12	14
Spiders	15	6	1	8	11	16	13
KPI	15	5	3	7	9	16	13
Tarangau	15	5	3	7	10	14	13
Mimlon	15	3	6	6	10	20	12
Safico	15	5	0	10	16	13	10
Kurti Andra	15	3	2	10	8	24	8
Nomads	15	1	2	12	3	28	4

Momase tonamen bai kisim K10,000

YAKAM KELO I raltim

MOMASE Rijinel tonamen bai i kisim K10,000 helpim bilong 4-pela provinsal gavman.

Dispela tonamen em Wewak Soka Asosiesen bai i lukautim long Wewak taun long mun Oktoba, 1991. Na dispela mani i bilong mekim wok rere bilong tonamen.

Ol provinsal gavman husat i tok orait pinis long putim mani wantaim em Morobe, Madang, Is Sepik na Sandaun provinsal gavman.

Primia bilong ol provinsal gavman ya i bin mekim dispela tok

orait long kibung bilong ol Momase primia. Dispela kibung i bin kamap long Lae long Me, 1991.

Seketeri bilong LFA, Philip Awak i tok asosiesen bilong em i bin luksave long dispela bung, na i tingting long askim long kain helpim olsem.

Philip i tok LFA i amamas tru long bekim bilong 4-pela primia. Na i tok em i gutpela olsem ol provinsal gavman i sapatim ol rijinel tonamen.

LFA yet i nogat inap mani bilong lukautim ol im bilong makim Lae ong ol kain tonamen olsem.

Olsem na helpim bilong ol 4-pela provinsal gavman long dispela tonamen i bikpela helpim tru long ol 4-pela provins insait long Momase risen, Philip i

tok. Kosa bilong Lae, Richard Nagai i makim tim bilong em pinis long pilai insait long dispela tonamen.

Richard i tok tim bilong Lae i go insait long trening nau. Na ol

bai i holim wanpela trening kem tu wantaim nesanel tim bilong PNG long Lae, olsem trening bilong ol.

Morobe provins bai i gat tupela tim long dispela tonamen. Wanpela tim bai i makim LFA, na narapela bai i

makim Morobe Kantri.

Madang, Wewak, na Vanimo bai i gat taun tim long dispela tonamen. Save i no stap yet sapos ol bai i kamap tu wantaim wanpela kantri tim o nogat.



Willie Enosi bilong Guria Mosbi wantaim stail bilong em long las wik gem namel long Morobe Yunaitet long Mosbi soka resis.

Wantok laikim helpim

Wantok Niuspepa bai i amamas long helpim bilong yupela ol provinsal soka asosiesen long salim ripot wantaim blek na wait poto bilong ol gem i kam long putim long pepa.

Yupela i ken salim tasol ripot na poto long dispela adres:

Spot Edita,
Wantok Niuspepa,
P.O. Box 1982,
BOROKO-NCDC.
Toksava i kam long Edita.

Olsem wanem long namba wan na tu divisen

PAPUA Niugini Futbol Asosiesen (PNGFA) i mas kamapim nupela soka resis bilong ol liklik divisen insait long olgeta asosiesen long kantri.

Het kosa bilong Mosbi, Kolis Pombuai i tokaut long dispela tingting bikos olgeta divisen aninit long primia i no save stap insait long ol bikpela tonamen.

Pombuai i tok olgeta tonamen PNGFA i save kamap em bilong ol pilaia long primia divisen tasol.

Long tonamen bilong nesanel klap sempionsip, wanpela top tim tasol long primia divisen i save go. Long nesanel taitel sempionsip, ol top pilaia long primia, na ol lain husat i gat nem long kantri i save makim asosiesen bilong ol.

Pombuai i tok dispela em i no gutpela long ol tim husat i stap long namba wan natu divisen.

Ol i no save kisim wanpela gutpela sans long wanpela tonamen. Dispela i no gutpela. Bikos em i daunim tingting bilong ol liklik divisen, long kamapim ol gutpela pilaia long bihain.

Ol bai i wok hat tasol

ong kamap long primia divisen, na kisim ol dispela sans.

Pombuai i tok dispela tonamen bilong liklik divisen i ken kirapim bel bilong olgela pilaia long bihain. Em i tok top tim bilong namba wan namba tu divisen long wanpela asosiesen i ken pilai egensim ol arapela top tim bilong liklik divisen long ol arapela senta.

Lig sempionsip bilong ol liklik tonamen bai i mekim ol liklik divisen i pilim olsem PNGFA i luksave long ol tu na i no ol top divisen tasol. Ol liklik divisen i gat moa pilaia long winim namba bilong ol tim long prima.

Olgeta pilaia i save baim K1 i go long PNGFA long asosiesen bilong ol. Tasol ol i no save kisim bekim bilong dispela mani long sampela kain helpim.

Olsem na sapos PNGFA i ken kamapim dispela tonamen bilong ol bai i gutpela long ol liklik divisen aninit long primia divisen, Pombuai i tok.

Long dispela taim yet, olgeta namba wan divisen long olgeta asosiesen i save pait long go insait long primia divisen. Tasol

planti bilong ol dispela tim i mas gat strong, na save long ol sampela bikpela tonamen

pastaim bipo em i go insait long primia divisen. Sapos em i gat dispela strong, bai em

i ken pilaim strongpela na gutpela gem long ol arapela primia divisen tim taim em i bungim ol

Soka bai painim spona we sapos....

PLANTI manmeri i mas lukim pinia tok tok bilong Minista bilong Spot, Miata Bendum husat i tok, oi spona i mas givim moa helpim i go long oi spot we i no save kirapim pait o trabel.

Diapela stori i kamap long Poo Gourlar long Trinde 12 Jun 1991. Em i tok, oi spona i mas givim helpim long oi swima, oi rana, oi bowling, na oi spot husat i winim medal i kam long kantri. Na bikpela samting tu em oi i no save kirapim birua o trabel insait long spot bilong oi.

Em i makim stat soka na ragbi lig olsem mama bilong oi pait we i save gat trabel oltaim. Na halt tok o singaut bilong em olsem, "oi spona i no ken helpim tumas spot we planti trabel i save kamap."

SOKA BAI PAINIM SPONSA WE?

Ragbi Lig, ailing oi bai i orait liklik long painim narapela spona sapos wanpela spona

glvap long helpim oi. Tasol long soka, sapos Benson na Hedges i givap, wanem kamapin tru bai wokabaut i kam wantaim man long han na givim soka? Ating bai i nogat moa.

Diapela em i soim olsem, oi bikman bilong soka i hatwok tru long painim Benson na Hedges long kamap wantaim wok spona. Na i no planti man i save bikhet. Nogat. Em atng tupela o 7-pele tasol i save kirapim trabel, na i laik bagarapim oigeta gutpela hatwok bilong oi bikman.

Tok i go long oi man i save bikhet o palrap tumas olsem oi "emti dram..." yupela kirap painim spona bilong soka, sapos Benson na Hedges i givap.

BIKPELA KIK LONG WIKEN

Insait long Mosbi soka, bai gat wanpela gutpela gem tru long dispela wiken. Long lae

raun, planti manmeri i bin kam lukim Yuni i kik egenaim Guria. Diapela em i bilong sekap sapos win bilong Yuni long gren lainal long lae yia em i tru o i glaman win.



Nau long wiken, em i narapela kain stori. Tupela tim i stap long namba wan spot long primia divisaen soka bai i traim bun. Yuni na GFC bai i traim soim oigeta manmeri olsem husat tru bai i sanap long pinis bilong pilal olsem.. em i top tim.

GFC

Long stat bilong elsen, GFC i bin gurta liklik, na i no kik gut tumas. Nau, oigeta yanpela bai bilong em na oi lapun wantaim i

plinsim nem GFC na karim raun i stap. Oigeta wiken oi i save sibgautim oi arapela tim long traim skalim strong... tasol oigeta tim i kam inap nau i stap kalkal das yet.

Abel liata long mak, Peter Punahu, Polin na lapun Julius long beklaen pai klism oigeta spia bilong Yuni. Oi lowat bilong Yuni bai i traim sut, tasol diapela tripela man inap klism oigeta spia na tromol i go bek long oi Yuni yet.

Oke, long midfil GFC i gat tupela gutpela yangpela pilala Noel Willis na Polin Kamamon. Noel bai traim trik trik na setim oi lowat bilong em. O nogat em bai i traim setim Polin Kamamon long traim skoa atuasit olsem 30 o 40 mata mak. Polin Kamamon em olsem mi tok pinis, sapos kipa bilong Yuni ho redi, sori tumas umben bai palrap. Diapela em i mak bilong yangpela Kanamon.

Na long sait sait na fowat GFC

bai i strong tru long Raymond, Leslie na Paul Lindsay. Oi diapela man i save fia i go daun long winga na krosim bai i kam insait gen. Wanpela long oi em Kanamon husat bai redi tasol long traim mak bilong Yuni.

YUNI


MI klism ripot olsem Yuni kem i gat tupela bikpela sua. Planti oi pilala bilong em i stap long trening skwat long Lae. Namba itu, em i gat sampela oi pilala i gat bagarap.

Olsem na Joe Turia, Noel Vari na Robert Popat bai i mas traim strong tru long sindaun long stadi rum, na plenim olsem wanem Yuni inap winim GFC. Long lae wiken gem, i luk olsem beklaen bilong Yuni i gurta liklik. Na long dispela wiken, bai yumi oigeta i lukim sapos oi i ken banisim GFC o nogat.

MI no save pilal hoe tasol i luk olsem GFC bai win long tupela o tripela gol.



Tupela pilala bilong Guria i banisim bal gut tru long kas bilong Morobe Yunaitet. Trangu i pas long baksait tasol banis i strong.



De bilong Morobe basketbal resis i senis

MOROBE Kantri Basketbal tonamen bai i kamap long Lae long namba 25 na 27 de bilong mun Oktoba, 1991.

Dispela tonamen i save kamap long Kwins Betde wiken long oi yia bipo, tasol oi i srukim taim bilong tonamen i kam long mun Oktoba long dispela yia.

Basketbal kodineta, Michael Waimba i tok oi i srukim taim bilong tonamen bikos planti oi senta i no baim afiliesen fi bilong oi hariap.

Michael i tok tupela senta husat i baim pinis fi bilong oi em Sagan na Saruan Basketbal Asosiesen long Kaiapit Distrik. Oi arapela senta husat i no baim yet dispela fi em Wau, Bulolo, Buang, MSA Mutzing, Finsafen, Salamaua na Bukawa. Sampela liklik asosiesen insait long

oi distrik na sab distrik tu i no kamap ples klia yet.

Michael i tok afiliesen fi i stap olsem K110. Oigeta asosiesen i kamap long tonamen baim dispela.

Bai i gat wanpela kos bilong oi kosa long 14 na 16 de bilong mun Jun 1991. Meri opisa em Florence Bundu bilong Nesenel Spot Institut. Em wantaim Michael Waimba bilong Lae Spot Opis bai i go pas long dispela kos long Lae.

Olsem na husat kosa i laik kam long dispela kos i mas salim toksave i go long Michael Waimba long Lae Spot Opis. Oi i ken salim toksave i go tu long A. Foimae long Lae.

Fi bilong dispela kos em K5. Wanwan man i ken kamap long dispela kos.

MOSBI SOKA LATA

POT MOSBI SOKA ASOSIESEN POINS LATA WIK 14

Division	Played	Win	Draw	Loose	For	Against	Points
University	14	9	3	2	39	17	30
G.F.C.	14	8	6	-	26	10	30
Amalpak M.U	14	8	3	3	27	25	27
Guria	14	6	4	4	25	22	22
Rapatona	14	5	6	3	22	14	21
Sobou	14	5	4	5	30	26	19
Golo	14	4	3	7	25	25	15
Westpac	14	3	6	5	17	20	15
Kurti Andra	14	4	3	7	18	24	15
B/Kumuls	14	4	3	7	17	26	15
T. Defence	14	2	8	20	31	31	10
Verave	14	3	1	10	20	31	10

Primia Risev Lata 12/06/91

Division	Played	Win	Draw	Loose	For	Against	Points
Golo	14	9	4	1	28	15	31
Kurti Andra	14	7	5	2	20	18	26
Mobil Sobou	14	7	5	2	18	19	26
Mestpac	13	7	4	2	18	11	25
University	14	6	6	2	22	13	24
Guria	14	6	2	6	17	17	20
B/Kumuls	14	4	5	5	16	15	17
Rapatona	13	4	3	6	19	14	15
G.F.C.	14	4	5	5	21	26	15
Amalpak	13	3	5	6	12	15	14
Verave	13	1	3	9	10	18	6
T. Defence	14	1	2	11	13	32	5

Wimens Divisen Lata 12/06/91

Division	Played	Win	Draw	Loose	For	Against	Points
B.F.C.	14	10	2	2	26	11	32
Koupa	14	9	4	1	31	15	31
Bao Mitas	14	8	3	3	34	19	27
Air Niugini	14	7	4	3	24	17	25
Kula	14	5	4	5	23	22	19
Tarangau	14	4	4	6	18	23	17
Steamships	14	4	4	6	22	23	16
Nali	13	3	5	5	10	19	15
Milne Bay	13	4	1	3	18	27	13
Buresong	12	2	2	8	15	27	8
Wanzesi	14	1	3	11	17	33	6

Namba Wan Divisen Lata 12/06/91

Division	Played	Win	Draw	Loose	For	Against	Points
Korion	14	10	1	3	37	18	31
Losogu	14	9	4	1	20	7	31
Amazon Bay	14	9	3	2	42	22	30
Wanzesi	14	9	2	3	40	11	29
Mt. Obree	14	9	2	3	34	24	29
Bao Mitas	14	7	4	3	34	24	25
Maniota	14	8	4	4	23	22	22
Gala United	14	5	3	6	21	24	18
Elcom	14	3	6	5	16	21	15
Oruka	14	4	3	7	18	15	15
Mana	14	4	2	6	17	19	14
Cloudy Bay	13	3	3	7	20	25	12
Buresong	14	3	1	10	11	30	10
B.F.C.	12	4	2	6	13	20	7
Sulem	14	2	1	11	16	38	7
Tarangau	12	1	1	10	6	24	4

Anda 19 Divisen Lata 12/06/91

Division	Played	Win	Draw	Loose	For	Against	Points
Rapatona	14	9	4	1	49	14	31
Sobou	14	9	2	3	28	12	29
Kurti Andra	14	9	1	4	24	8	28
Bao Mitas	13	7	4	3	19	11	25
B. Kumuls	14	7	3	4	24	13	24
G.F.C.	13	7	2	4	24	13	23
Westpac	14	6	2	6	19	20	20
Guna	14	4	5	5	17	22	19
Verave	13	4	6	2	16	12	18
T. Defence	13	4	2	5	14	18	14
University	12	3	5	4	15	17	14
Buresong	14	3	3	3	16	24	12
Golo	13	2	3	9	13	44	8
Amalpak	12	1	1	10	13	30	4

Fainal tim wetim dokta

YAKAM KELO I raltim

PAPUA Niugini Futbol Asosiesen (PNGFA) bai tok aut long fainal soka tim bilong PNG bihain long dokta i sekim ol.

Seketeri bilong PNGFA Michael Vii i tok nem bilong fainal skwat i redi tasol ol i mas go insait long medikel sekap pastaim. PNGFA eksekutiv bai skelim ol ripot i kam long ol oge-naisa na grup long ol wanwan pilaia pastaim na bihain bai ol i kolim aut ol nem.

Mista Vii i tok bai nesenel tim i holim namba tri trening kem bilong em long Lae gen. Dispela las kem bai kamap long stat bilong mun Septemba inap long taim bilong pilai i stat.

Pilai bilong soka bai i stap long Lae long taim bilong Saut Pasifik Gem long mun Septemba olsem na namba tri kem bilong nesenel tim bai i stap long Lae inap em i bungim dis-


pela taim.

Namba bilong fainal tim bai 22 na ol bai bung gen long namba tri na fainal trening kem long Lae long 3 Septemba.

Wantok i askim PNGFA long amas mani dispela skwat bai yusim na amas em i yusim pinis. Tasol Mista Vii i tok PNGFA bai wet tasol long lukim ol rekot i kam long ol bisnis na grup we ol pilaia i yusim ol samting bilong ol long slip na raun long en. Long dispela bai em i ken kamapim namba bilong mani em i yusim long skwat.

Em i tok mani i save kam long Operesen Gold em Pogera i save givim long Gem Faundesen i skelim long ol spots. Soka i save kisim sponsa bilong em tu long Cokacola na B & H.

PNGFA i gat liklik mani i stap long lukautim las trening kem bilong ol nesenel tim long Lae long Septemba.



Nesenel tim i pulim planti sapota long Lae

YAKAM KELO I raltim

LAE Futbol Asosiesen (LFA) i pulim planti sapota bilong em i kam bek gen long soka graun. Dispela em long taim nesenel trening tim i bung long namba tu trening kem long Lae.

Seketeri bilong LFA, Philip Awak i tok trening kem bilong nesenel tim long Lae i kamapim bikpela senis tru long ol manmeri na yangpela pilaia bilong Lae. Ol manmeri i stat long pulap nau long LFA graun long las wik Mande i kam inap long kluins betde wiken. Dispela em long 4 klok i go inap long 6 klok apinun.

Philip i tok sapot bilong ol manmeri i antap tru long dispela skwat. Long Fonde 6 Jun, 1991 nesenel tim i pilai wantaim LFA Anda 23 tim. Anda 23 tim i gat ol pilaia bilong primia risev, na ol arapela liklik divisen.

Long Fraide 7 Jun, 1991 nesenel tim i bungim Lae Tim 2. Tim 2 bilong Lae i gat ol pilaia bilong lig risev na ol arapela divisen.

Long Sarere 8 Jun, 1991 nesenel tim i pilai egensim ol Anda 23 pilaia, husat i save pilai long primia divisen resis bilong LFA. Planti bilong ol dispela anda 23 pilaia i bin stap insait long Nesenel Anda 23 tim, husat i bin go daun kik long Australia long Me, 1991.

Long Sande 9 Jun, 1991 nesenel tim i pilai Hailans Rijinel tim. Dis-

pela tim ya em ol i makim bihain long Hailans Rijinel tonamen.

Long Mande 10 Jun, 1991 nesenel tim i pilaim las trening kem bilong em wantaim Sobou klap, na Tim 1 bilong Lae. Tim 1 bilong Lae i redi nau long Momase Rijinel sempionsip, em bai i kamap long Oktoba, 1991 long Wewak.

Philip i tok namba tu kem bilong nesenel trening tim long Lae i

givim gutpela gem tru egensim ol yangpela pilaia bilong Lae.

Ol nesenel pilaia i pilaim gutpela gem tru. Na i kirapim stret bel bilong ol yangpela blut long pilaim gutpela gem.

Em i tok sapot i bikpela, na olgeta manmeri i amamas tru long lukim pilai. LFA i amamas tru long lukautim dispela trening kem, bikos dispela i pulim planti sapota bilong em i kam bek gen.

Maset mas baim K1,250 sapos ...

MOSBI RIPOT

LEO WAFIWA i raltim

MASET soka klap bilong Mosbi Soka Asosiesen (PMSA) i mas baim K1,250 olgeta sapos em i laik kik gen stat long resis bilong neks ya.

Dispela K1,250 i karamapim K700 fain mani, K200 bon fi na K350 afiiiesen fi bilong 1992 soka sisen.

PMSA seketeri William Vui i tok K700 fain mani em klap i no bin baim. Dispela em bihain long Judiseri Komiti i sasim klap, bikos sampela pilaia i paitim referi long tripela wik i go pinis.

Vui i tok Judiseri Komiti i tambuim klap long noken pilai long dispela sisen. Na tu ol pilaia i no inap pilai wantaim narapela klap long Mosbi na narapela provins tu.

"Tasol sapos Maset i laik kik gen long 1992 sisen, em i mas baim dispela K700 fain mani yet,

wantaim K350 afiiiesen fi bilong 1992 sisen, na K200 bon fi," em i tok.

Dispela K200 bon fi bai i lukautim tasol wanem bikhet pasin sapos klap i mekim long 1992 sisen. Sapos em i no mekim wanpela trabel we i kam aninit long mama lo bilong asosiesen, bai em i kisim dispela K200 bon fi long pinis bilong sisen.

Antap long ol dispela mekimsave, Judiseri Komiti i tambuim tu wanpela pilaia bilong klap long noken pilai long 10-pela ya olgeta. Nem bilong dispela pilaia em Moses Sangomo.

Vui i bekim ol toktok bilong Wantok Kolumis, Gabriel Pise olsem Judiseri Komiti bilong PMSA i gat wanpela loya olsem PMSA asisten seketeri, Sawi Sitapai.

Kolum bilong Pise i tok olsem PMSA mas i gat wanpela loman long Judiseri Komiti. Bikos dispela bai i helpim Judiseri Komiti long skelim gut ol ripot, na givim stretpela mekimsave long wankain hevi sapos i kamap long bihain taim.



Vui i bekim olsem i nogat asua long mekimsave Judiseri Komiti i givim long Maset.



• Fulbek bilong Guria i kalap kwiktaim na rausim wanpela bal i kam antap long het bilong em i go aut long birua John Pips bilong Morobe Yunaltet.



• Em strongpela banis Guria i save putim long ol birua bilong em. Rueben Tama bilong Guria i pasim gut rot bilong Augustine na ol lain bilong em Morobe Yunaltet.



Rapatona mas lakaut long Sobou

"Maski stilim bal"



• Willie Enosi bilong Guria long beksalt i laik stilim bal long longpela kas nogut bilong Morobe Yunaitet, Hans. Dispela em long taim tupela i bung long primia divisen kik bilong Mosbi soka resis long las Sarere. Morobe i winim Guria 4-1. Poto Misako Elemlah.

YAKAM KELO I raitlm

SOBOU bai i autim Rapatona sapos banis bilong em i no strong bikos, stail bilong Sobou i wok long kirap nau long Mosbi soka.

Sobou bai i yusim ol smok balus bilong em olsem Francis Moyep, na Vincent David long fran lain long brukim banis bilong Rapatona. Sobou i stap daun long poin lata bilong Mosbi soka, tasol dispela i no save daunim tingting bilong em long win.

Rapatona bai i traim long yusim Aloise na Paniyu long beklain. Long midfil bai Jeffery Emang i wok strong long skelim na salim gut bal long ol fran lain pilaia olsem Wesley Waiwai na Danny Mota.

Tasol Aloise tupela Paniyu i mas strongim beklain bilong Rapatona. Bikos Francis em man bilong kisim ol longpela kik long gol mak. Vincent em longpela man na ol kona kik bal bai i kam pundaun stret long het bilong em, na i go insait stret long umben.

Verave i mas was gut long ol plisman bilong Blu Kumuls. Bikos ol plisman bai traim long winim dispela gem.

Verave i wok long kamapim planti yangpela na nupela manki long pilai insait long primia tim. Planti bilong ol i mas traim long pilai strong na pilim strong, bilong primia gem, bai ol i ken mekimsave tu long ol bikpela na strongpela tim.

Ol plisman bilong Blu Kumuls bai i traim long laitim paia long umben bilong Verave taim ol i kisim sans. Blu Kumuls i givim hat taim stret long planti tim pinis. Na em bai traim

long daunim ol tim husat i no bungim em.

Gem namel long Difens na Golo long Sande bai strongpela, bikos tupela tim wantaim bai i pilai strong wantaim long win. Dispela gem bai hap hap bikos strong na pawa i luk wankain. Sapos Difens i ken yusim gut Lawrence Merpi long wing, bai em i ken skoarim sampela gol.

Tasol Difens i mas lakaut long strai-ka bilong Golo, Gamini Geise. Bikos kik bilong em i gat pawa. Golo i nupela tim, tasol em i soim em yet olsem no gat tim bai i daunim em. Difens i ken skelim dispela na tingting strong long autim Golo.

Westpac bai i no inap long givim win i go isi long Guria. Bikos Guria i mas luksave long strong bilong Westpac nau. Westpac i holim strong Yunivesiti wantaim Morobe Yunaitet pinis. Olsem na Guria i no ken pilai long dispela gem.

Planti pilaia bilong Guria husat i stap long nesenel tim bai joinim ol gen long dispela wiken.

Ol pilaia olsem Martin Laviong, Charles Api na Simon Emmanuel. Paulus Sawo bai joinim gen ol manki bilong em long Westpac. Tasol em i mas wok strong nau long stapim pawa kik bilong Guria long mak bilong em.



★★★★★★★★

MOSBI SOKA ASOSIESEN DRO RAUN 2: WIK 4

Sarere 15 Jun, 1991.

Taim	Divisen	Graun	Pilal	
9.00	Res	B1	Rapatona	v Sobou
10.00	2nd	B1	Wanzesi	v Bao Mitas
12.30	1st	B1	B.F.C.	v Air Niugini
2.00	1st	B1	Nali	v Buresong
4.00	1st	B1	Wanzesi	v Bao Mitas
9.00	2nd	B2	Buresong	v Eicom
10.30	Women	B2	Wanzesi	v Sobou
12.30	2nd	B2	B.F.C.	v Mt Obree
2.00	Prem	B2	Verave	v B/Kumuls
4.00	Prem	B2	Rapatona	v Sobou
10.00	U/19	G.F.C.	University	v Golo
11.30	U/19	G.F.C.	Verave	v Kurti Andra
1.00	Women	G.F.C.	Kurti Andra	v Amalpak M.U.
2.30	2nd	G.F.C.	Mana	v Korion
4.00	2nd	G.F.C.	Cloudy Bay	v Gala United
12.00	U/19	Defence	Westpac	v T.Defence
1.30	Women	Defence	Milne Bay	v Kula
3.00	Res	Defence	Verave	v B/Kumuls
4.30	Res	Defence	University	v G.F.C.

Sande 16 Jun, 1991.

Taim	Divisen	Graun	Pilal	
9.00	Res	B1	Golo	v T.Defence
10.30	2nd	B1	Maniata	v Sulem
12.30	1st	B1	S.T.C.	v Koupa
2.00	Pre	B1	Golo	v T.Defence
4.00	Pre	B1	Guria	v Westpac
9.00	2nd	B2	Oruka	v Tarangau
10.30	Wom	B2	University	v Guria
12.35	1st	B2	Tarangau	v Milne Bay
2.00	Pre	B2	Kurti Andra	v Amalpak M.U.
4.00	Pre	B2	University	v G.F.C.
10.00	U/19	G.F.C.	Sobou	v Buresong
11.30	U/19	G.F.C.	Amalpak	v Bao Mitas
1.00	Wom	G.F.C.	T.Defence	v B/Kumuls
2.30	Res	G.F.C.	Guria	v Westpac
4.00	Res	G.F.C.	Kurti Andra	v Amalpak M.U.
10.00	U/19	Defence	Guria	v B/Kumuls
11.30	U/19	Defence	Rapatona	v G.F.C.
1.00	Women	Defence	G.F.C.	v Koupa
3.00	2nd	Defence	Losogu	v Amazon Bay



★★★★★★★★

INSAIT

SOFBAL RIPOT - PES 20

- Bomana sofbal dro, lata na ripot
- Nesenel Klap taitel poto

- Momase tonamen bai kisim K10,000 p21
- Provinsal dro, lata na skoa... p21
- Pombuai askim PNGFA p21

KIMBEK WANTAIM PISE - PES 22

Mosbi soka lata p22

- Maset i mas baim K1,250 p23
- Nesenel tim pulim planti sapota long Lae p23

B&H

BENSON and HEDGES

B&H

NO KEN SALIM



RUGBY

Namba 18

Fonde 13 Jun, 1991

NIUS



VIPERS SMIELIM
TAITEL - PES 2

LUKIM INSAIT: MOA INTA SITI KAP POTO

Winfield League '91

Vipers i hangre gen

LEO WAFIWA i raitim!

OLPELA sempion bilong SP Inta Siti Kap resis, Mosbi Vipers i soim bikipela bilip olsem em bai i winim gen dispela taitel long namba tu yia.

Dispela bikipela resis em South Pacific Brewery Kampani i sponsarim, na i bin stat long las yia. Na Mosbi Vipers i bin winim, bihain long em i autim Wamp-Nga Hagen Eagles, taim tupela i bung long gren fainal long Lloyd Robson oval long Mosbi Siti.

Long namba wan 4-pela gem, Vipers i winim pinis tripela na lusim wanpela. Wanpela gem tasol Vipers i lusim em long namba wan raun egensim namba wan birua, Hagen Eagles long Mosbi. Dispela strongpela gem em Hagen Eagles i winim 28-26 wantaim gutpela tim pilai.

Tripela senta Vipers i nekim pinis em LBC Lae Siti Bombers 26-14, Goroka Lahanis 22-20, na las wiken em i givim sampela mekimsave long Sika Kundiawa Warriors 22-14.

Kosa Sam Kaia i tokaut long Lae bihain long namba wan win egensim Lae Bombers olsem Hagen Eagles i "laki" na i winim Vipers long sans tasol. Em i makim olsem Vipers bai i go insait gen long gren fainal, long winim bek dispela SP Kap taitel.

Bihainim dispela toktok, Vipers i go antap long Goroka na autim strongpela Goroka Lahanis tim.

Olsem wanpela em PNG kosa, John Wagambie i raitim long Kolum bilong em long RLN bilong las wik, "Goroka Lahanis i bin winim ol arapela tim wantaim bikipela skoa. Tasol ol i no inap autim Vipers long pilai graun bilong ol yet long Goroka. Olsem na Vipers bai i kamap bikipela birua bilong dispela resis, long winim bek SP Kap taitel".

Wantaim ol gutpela pilaia bilong kantri olsem fulbek John Oeka, ausait senta Philip Boge, insait senta Richard Wagambie, winga Joshua Kouoru, tupela ki pilaia, faiv eit Stanley Haru na hap bek Tuksy Karu, na ol fowat pilaia olsem Kes Paglipari, Kera Ngaffin, Johannes Koala, huka Danny Moi na yangpela James Naipao, Vipers i ken mekim dispela driman i kamap tru.

Tasol olsem Wagambie i bin tok, "I gat longpela rot yet bilong go." Nau yet i gat 5-pela moa raun i stap yet.

Namba 5 raun bai i kamap long dispela wiken.

Long ol 6-pela senta husat i pilai insait long dispela resis, Vipers i no bungim wanpela yet. Dispela em liklik senta Mendi, husat i joinim resis long dispela yia tasol. Mendi Muruks i kisim ples bilong Rabaul Guria.

Dispela gem bai i kamap long Mendi. Na i gat bikipela bilip olsem Vipers bai i winim dispela gem wantaim helpim bilong ol gutpela pilaia bilong em.

Tasol Muruks i gat nem long pretim ol nem senta pinis olsem Kundiawa Warriors, Lae Bombers, na Hagen Eagles long las wiken.

Wantaim go pas bilong kepten Kore Seeto, Muruks bai i paia gen long dispela wiken. Las wiken em i skoarim olgeta poin long ol beklain pilaia olsem tupela senta, Francis Abba na Anton Mal, tupela winga Joe Raima na James Sikai, na fulbek Ruben Ruingi.

Long fowat lain em kepten Kore Seeto bai i bungim sapot bilong Mathias Kombra, Thomas Undipai, Meck Kepo, Kevin Kapipi na Wesley Pape.

Level 1 kosa kos kamap long Mosbi



• Ol lain husat i kamap long kosa kos long Lloyd Robson oval.

WANPELA level wan kosa kos i bin kamap long Loyd Robson Oval long Mosbi long las wik. Nesenel Kosling Dalrekta, Ivan Ravu i bin go pas long dispela kos bilong ol nupela kosa insait long Sauten na Niugini Allan riglin.

Moa long 18 pipel i bin kamap long Kavieng, Rabaul, Popondetta, Kerema, Klunga na

Mosbi. Kavieng, Popondetta na Klunga i gat wanpela man tasol i kamap.

Kerema i bin salim tupela man, Rabaul salim 4-pela man, na long Mosbi em ol arapela 9-pela i bin kamap.

Insait long grup ya, 4-pela pilala bilong Mosbi ragbi lig i kamap tu.

Rausim Souths o Brothers long Mosbi Maski paulim kosa Badi Dou resis?

Dia Edita,
Mi wanpela sapota na pilaia bilong Souths Ragbi Lig Klap long Mosbi Winfield Lig resis. Mi laik bekim pas bilong brata John Joseph.

Pas bilong em i tok strong long rausim Souths Ragbi Lig Klap long Mosbi Winfield Lig resis.

Mi laik bekim olsem mi no wan bel long wansait tingting bilong John Joseph.

Bikos sapos yu skelim gut, ol sapota bilong Souths i no bin bagarapim wanpela samting bilong PRL olsem ol sapota bilong Twisties Brothers Ragbi Lig Klap.

Mi kolim nem bilong Brothers bikos ol i gat nem long ol bagarap em i bin

kamap long 1989 A gret gren fainal egensim Air Niugini.

I tru olsem ol sapota bilong Souths bai i singaut long maus nambaut. Tasol ol bai i no inap bagarapim wanpela liklik samting "propeti" bilong PRL.

Olsem na mi laik tokim yu husat man laik tok beksait long Souths i mas tingting gut, na raitim kain pas olsem i go long niuspepa.

Mi laik tok klia olsem ol sapota i mekim na pilai i save kamap laip. Sapos ol sapota i no stap, pilai bai i go skin indai olgeta.

T. Nape Pongopage ERIMA

Dia Edita,

Mi laik mekim komplem bilong mi i go long Souths Ragbi Lig Klap bilong Mosbi Winfield Lig resis.

Souths i gat tripela A gret kosa. Ol kosa ya em Badi Dou, na tupela asisten bilong em, Ali na Cooper wantaim tren, Obert Keri.

Wanpela hevi nau em Anda 17 na Anda 19 tim tasol i nogat wanpela kosa. Kosa bilong risew gret tu i no wanpela gutpela kosa.

Mi ting Dou na Keri tasol inap makim A gret tim, tasol ol arapela kosa i save paulim tingting bilong tupela.

Mi laik tok klia olsem sapos yu no wanpela kosa, yu noken mekim wan-

1991 SP INTA SITI LATA - RAUN 4:

TIM	GP	W	D	L	PF	PA	PTS
Goroka	4	3	0	1	131	94	6
Mosbi	4	3	0	1	96	76	6
Hagen	4	2	1	1	86	86	5
Mendi	4	1	1	2	74	83	3
Lae	4	1	0	3	62	86	2
Kundiawa	4	1	0	3	44	82	2

NOTE:
Win = 2 poin
Dro = 1 poin
Lus = Nil

SP INTA SITI KAP DRO

(TIM HUSAT BAI I PILAI LONG SENTA BILONG EM YET EM NEM BILONG EM I KAMAP PAS LONG DRO)

WEEK 1 - SUNDAY 19TH MAY

Port Moresby Vipers vs Wamp-Nga Mt Hagen Eagles
Collins & Leahy Goroka Lahanis vs Curtain Star Mendi Muruks
Sika Kundiawa Warriors vs LBC Lae City Bombers

WEEK 2 - SUNDAY 26TH MAY

Curtain Star Mendi Muruks vs Sika Kundiawa Warriors
Wamp-Nga Mt Hagen Eagles vs Collins & Leahy Goroka Lahanis
LBC Lae City Bombers vs Port Moresby Vipers

WEEK 3 - SUNDAY 2ND JUNE

LBC Lae City Bombers vs Curtain Star Mendi Muruks
Collins & Leahy Goroka Lahanis vs Port Moresby Vipers
Sika Kundiawa Warriors vs Wamp-Nga Mt Hagen Eagles

WEEK 4 - SUNDAY 9TH JUNE

Wamp-Nga Mt Hagen Eagles vs Curtain Star Mendi Muruks
Port Moresby Vipers vs Sika Kundiawa Warriors
Collins & Leahy Goroka Lahanis vs LBC Lae City Bombers

WEEK 5 - SUNDAY 16TH JUNE

Curtain Star Mendi Muruks vs Port Moresby Vipers
Sika Kundiawa Warriors vs Collins & Leahy Goroka Lahanis
LBC Lae City Bombers vs Wamp-Nga Mt Hagen Eagles

WEEK 6 - SUNDAY 23RD JUNE

Wamp-Nga Mt Hagen Eagles vs Port Moresby Vipers
Curtain Star Mendi Muruks vs Collins & Leahy Goroka Lahanis
LBC Lae City Bombers vs Sika Kundiawa Warriors

WEEK 7 - SUNDAY 30TH JUNE

Sika Kundiawa Warriors vs Curtain Star Mendi Muruks
Collins & Leahy Goroka Lahanis vs Wamp-Nga Mt Hagen Eagles
Port Moresby Vipers vs LBC Lae City Bombers

(N. B. PNG

VS FRANCE)

WEEK 8 - SUNDAY 14TH JULY

Curtain Star Mendi Muruks vs LBC Lae City Bombers
Port Moresby Vipers vs Collins & Leahy Goroka Lahanis
Wamp-Nga Mt Hagen Eagles vs Sika Kundiawa Warriors

WEEK 9 - SUNDAY 21ST JULY

Curtain Star Mendi Muruks vs Wamp-Nga Mt Hagen Eagles
Sika Kundiawa Warriors vs Port Moresby Vipers
LBC Lae City Bombers vs Collins & Leahy Goroka Lahanis

WEEK 10 - SUNDAY 28TH JULY

Port Moresby Vipers vs Curtain Star Mendi Muruks
Collins & Leahy Goroka Lahanis vs Sika Kundiawa Warriors
Wamp-Nga Mt Hagen Eagles vs LBC Lae City Bombers

PRELIMINARY FINAL - 4 AUGUST - VENUE T.B.A.
FINAL - 11 AUGUST - PORT MORESBY

Ol plisman na soldia bai bung

KAUKE KAPO I raitim!

BIKPELA A gret resis bilong Lae Winfield Lig long dispela Sande bai i kamap namel long Difens na Royals.

Dispela bai i wanpela gutpela gem. Bikos Royals husat i go pas nau long poin lata bai i bungim olpela sempion tim, Difens. Difens i no pilai gut tumas na i ran aninit yet long lata.

Tasol em i pait strong yet long strongim dispela taitel em i bin winim long las yia.

Dispela bikipela gem bai istat long 3 klok apinun (3.00pm). Na bai i opim bikipela Inta Siti Kap resis namel long LBC Lae Siti Bombers na Wamp-Nga Hagen Eagles.

Dispela A gret gem bai i makim husat em i sempion bilong ol disi-

plin fos long Lae.

Royals em i wanpela top tim long nau yet. Na tu em i wanpela gutpela disiplin tim aninit long lukaut bilong kosa Paul Manama. Em i go pas nau long lata, bikos long gutpela tim pilai. Olsem na em i no lusim wanpela gem yet.

Difens bai i lusim sevis bilong kosa Maken Ramu husat i kosim nau Lae Bombers tim.

Difens i mas painim nau wanpela gutpela pilaia bilong kikim bal. Bikos em i bin lusim ol isi gem bikos long asua bilong kikim gol tasol.

Dispela wiken em i mas painim wanpela gutpela pilaia bilong kikim gol sapos em i laik autim tiket bilong Royals. Nogat bai Royals i autim tiket bilong ol soldia.

Nau yet ol soldia mas mekim sampela senis long fowat lain bilong ol. John Wai em ol i mas senis em i go long lok posisen, bikos em i wanpela gutpela pilaia.

Ibluwl Halme MOSBI

WAGAMBIE'S

WHIP



Ol plisman i asua

INTA Siti Kap resis namel long olupela sempion, Mosbi Vipers na Kundiawa Warriors i no pinis long gutpela pasin.

Olgeta trabel i stat taim ol sapota long noten sait bilong fil i tromoi ston na stik long lainsmen. Nogat gutpela as tru long ol sapota i mekim olsem.

Ol plisman i go insait hariap na sut long tia ges, na stapim trabel liklik long kamap bikpela.

Ol dispela trabel bai i no inap long kamap sapos ol plisman i sanap namel long ol sapota, na i no long fran bilong gren sten, em ol memba i save sindaun long en.

Bihain stret long ful taim mi lukim wanpela Kundiawa pilaia i spit i go insait long fil, na pulim yunifom bilong em. Dispela pilai ai bin go insait long senisim wanpela pilaia, klostu long pilai i laik pinis.

Mi wok long tingting wanem samting dispela pilaia i laik mekim. Em ran i go long hap ol Mosbi Vipers pilaia i sanap, na tromoi han pinis long pait.

Sampela wan pilaia bilong em i lukim na joinim. Dispela i ken kamapim bikpela trabel stret, sapos ol sapota i joinim.

Gutpela olsem sampela gutpela pilaia i stap olsem kepten bilong Kundiawa Warriors, Bal Numapo i go insait na stapim.

Mi bin toktok long Konze Kara bihain long gem arere long fil. Kara em kosa bilong Kundiawa Warriors. Dispela em long taim ol pilaia bilong em i sekanim ol Vipers pilaia, na wokabout i kam long rausim yunifom na senis.

Wanpela risev pilaia wokabout i kam na tokim Kara olsem, "Mi bai lukim yu taim mipela i go bek long Kundiawa. Bilong wanem na yu i no laik senisim sampela pilaia hariap."

Dispela kain pasin i soim olsem i nogat tru disiplin long ol pilaia.

Ol menesmen bilong tim i mas rausim stret dispela pilaia long Warriors tim.

Ol pilaia i mas save olsem long wanpela strongpela gem olsem, kosa i no inap long senisim ol namba wan 13 pilaia nating nating. Bikos nogat ol pilaia i bagarap long fil, na bai i nogat moa risev pilaia long kisim ples.

Tasol Kundiawa i gat sampela gutpela pilaia olsem Peter Davies long sait lain (winga). Em i kisim wanpela ius bal long 50 mita samting, na spit olsem smok balus i go skoarim namba wan trai bilong Warriors.

Bikpela prop bilong ol, John Unagi bai i mas mekim nem yet long bihain taim. Em i givim bikpela het pen stret long ol Vipers pilaia long takolim em.

John i save mekim ol gutpela strongpela ran na kisim planti gutpela graun. Tasol em i no kisim gutpela sapot long ol wan pilaia. Ating ol Vipers i mas save pinis olsem John i mas wanpela het pen stret long ol.

Sapos John i pilaim moa gutpela futbol, PNG bai lukim em planti taim long bihain taim.

Ol Vipers fowat pilaia olsem Joe Gispe, Johannes Kola, James Naipao na Kes Paglipari i pilaim strongpela gem long bungim birua wantaim bal na takol. Tasol ol i nogat wok bung long fowat lain. Olgeta taim bai ol i kisim bal, na ran wan wan i go long brukim banis bilong birua. I nogat gutpe a sapot p "bek ap".

Long beklain em insait senta, Philip Boge i ran i kam insait planti taim, na lusim ausait senta Richard Wagambie na tupela winga, Joshua Kouoru na Kini Tani.

Vipers i ken tenkim James Naipao long win bilong ol. Naipao i pusim tripela birua bilong Kundiawa arer long trai lain na skoa isi tasol arere long gol pos. Dispela i helpim Vipers i go pas long skoa 12-10. Sapos dispela trai i no kamap, ating win bai i stap long tupela sait wantaim.

Long resis bilong Mosbi Winfield Lig, ol top A gret tim i salim stret long ol tim husat i ran aninit long poin lata. Tasol i nogat bikpela skoa long ol dispela lus.

Paga i nekim Kone Tigers long ful taim stret wantaim wanpela fil gol, Souths i autim Air Niugini wantaim wanpela penelti kik, Brothers i daunim West, na Difens i dro wantaim Tarangau.

GOROKA BOSIM INTA SITI LATA

OL gutpela gem stret bilong lukim bai i kamap long namba 5 raun bilong 1991 SP Inta Siti Kap resis long dispela wiken.

Long Mendi em olupela sempion, Mosbi Vipers bai i bungim strongpela salens bilong Mendi Muruks. I gat bikpela bilip olsem Vipers bai i winim dispela gem.

Long Kundiawa em Sika Kundiawa Warriors bai i bungim Goroka Lahanis, na LBC Lae Bombers bai i bungim Wamp-Nga Hagen Eagles long Lae Siti.

Olgeta dispela gem bai i kamap strong tru. Kundiawa Warriors bai i bungim strongpela salens bilong Goroka Lahanis. Lukluk long stail bilong pilai ol Lahanis i pilaim, i gat bikpela bilip olsem Lahanis bai i winim dispela gem.

Kundiawa wantaim go pas bilong kepten Bal Numapo i mas wok strong long takolim ol Lahanis. Sapos nogat bai Lahanis i bagarapim sindaun bilong ol.

Las wiken ol i pilaim gutpela gem egensim Vipers long Lloyd Robson oval, Mosbi. Tasol Vipers i soim olsem em



James Naipao bilong Mosbi Vipers i givim gutwan stret long Kundiawa Warriors pilaia long Inta Siti Kap resis las wiken. Johannes Kola na Joe Gispe i ran arere na sambai long pinisim takol. Vipers i winim dispela gem 22-14. Poto Misako Elemiah.

i gat moa stail pilaia, na i winim dispela gutpela gem.

Kundiawa Warriors i gat gutpela beklain wantaim go pas bilong Numapo na Noa Kool. Kool em wanpela pilaia husat i save brukim gut banis long beklain.

Las wiken em i pilaim

gutpela gem long Lloyd Robson oval, tasol em i nogat gutpela sapos. Olsem na birua i ran i kam daun hariap na takolim em.

Goroka i bin winim gem bilong ol long gutpela skoa i kam inap nau. Olsem na em i feveret tim bilong winim

dispela gem.

Na gem namel long Lae Bombers na Hagen Eagles bai i hat liklik longmakim husat bai i winim dispela gem.

Hagen i winim tupela, lusim wanpela na dro long 4-pela namba wan gem. Lae Bombers i winim wanpela tasol long lusim tripela.

Sapos ol kas bilong Wopa Kantri i stat mekim sampela gutpela senis long laip ap bilong dispela wiken, ating ol bai i gat sans long autim Hagen Eagles. Tasol lukluk long stail bilong pilai long taim resisi stat i kam inap na, Hagen Eagles bai i winim dispela gem.

Eagles wantaim go pas bilong tupela

Ongugo brata, hap bek Gigmai na faiv eit Dinbi bai i givim het pen stret long Bombers.

Tupela bai bungim pilai bilong ol fowat na beklain pilaia. Long fowat lain em Michael Angra, Max Tiri, Akil Olikm, na Joseph Paraka bai i lukautim.

Na long beklain em ol kas olsem winga Christ Itam, tupela senta, Gabriel Pepna na Elias Kamiak bai i lukautim.

Las wiken ol i no pilaim gutpela gem tumas egensim Mendi Muruks na i dro 16-16. Olsem na kosa Joe Tepp i mas stretim ol dispela asua, bipo ol i bungim Bombers.

Olsem tok i stap, "Lukaut long bom bilong Lae Bombers".

Tarakum smelim Kiunga taitel

KIUNGA ragbi lig kompetisen lida, Tarakum i bin kisim gutpela sapot stret long resis na winim 1991 Klunga primiasip taitel.

Las wiken tasol em i kisim K2,500 sponsasip long wanpela lokol bisnis kampani. Nem bilong dispela kampani em Tawap Kamen Invesmen.

Long 11-pela gem bilong sisen propa resis, Tarakum i bin lusim wanpela tasol.

Na wantaim dispela nupela sponsasip, Tarakum bai i tingting long winim olgeta gem i go insait nau long gren fainal bilong Klunga Lig. Tarakum em wanpela klap husat i gat planti plisman, ol CIS opisa na ol woka bilong Klunga na Ok Tedl main i save pilai insait long en.

Nau yet em i wanpela klap tasol long Klunga Lig husat i kisim sponsasip long wanpela praiwet kampani.



Kepten bilong Warrlors, Bal Numapo i laik kik long painim lain.



Kumul tim bai kam aut long neks wik

LONG stat bilong neks wik bal ol nesenele selekta i tokaut long Kumul tim bilong pilaim Frans long Goroka long 7 Julai, 1991.

Ol nesenele selekta i bin putim al long olgeta Inta Siti Kap resis, na makim pinis sampela pilaia long stap insalt long Kumul tim.

Las wiken ol selekta i kamap long Kalnantu, na putim al long Noten Son trail.

Dispela wiken ol bal i go long Rabaul long lukim Allan Son trail.

Bihain long ol opisal i tokaut long nem bilong ol Kumul pilala, olgeta dispela pilala i mas kamap long kem long NSI, Goroka. Dispela em long Sarere 29 Jun, 1991.

Insalt long dispela kem bal olgeta pilla i trening long wanpela wik, na i redl long dispela bikpela Tes Gem.

Na seleksen bilong tupela Tes Gem egensim Australia em ol opisal bal i mekim bihain long Nesenele Son sempionsip long Goroka long Independens Wiken.

Winfield League Results

WINFIELD LEAGUE RESULTS

PORT MORESBY - ROUND 17

ROYALS 34, 8 tries, 1 goal, defeated HAWKS 24, 5 tries, 2 goals. Man of the match: SIMON GIGIL

D.C.A. 22, 4 tries, 3 goals defeated WALIYA 14, 3 tries, 1 goal. Man of the match: AIZON SIMON

BROTHERS 34, 7 tries, 2 goals, 1 penalty goal defeated WESTS 20, 4 tries, 2 goals. Man of the match: M. GENE

SOUTHS 17, 3 tries, 2 penalty goals, 1 field goal defeated ANG 16, 3 tries, 1 goal, 1 penalty goal. Man of the match: W. MOARE

PAGA 27, 6 tries, 1 goal, 1 field goal defeated KONE 26, 6 tries, 1 goal. Man of the match: D.B. MOIDE

DEFENCE 20, 5 tries, drew TARANGAU 20, 3 tries, 3 goals, 1 penalty goal. MAN OF THE MATCH: E. PAIYO

WINFIELD LEAGUE LADDER Round 15

CLUB	GP	W	D	L	PF	PA	Total points
Tarangau	15	11	1	3	468	273	23
West	15	11	0	4	508	353	22
Paga	16	10	1	5	444	384	21
DCA	15	8	2	5	334	340	18
Kone	16	9	0	7	380	411	18
Brothers	16	9	0	7	344	368	18
Air Niugini	15	7	1	7	399	319	17
Defence	16	7	3	6	514	335	17
Souths	14	7	1	6	278	300	15
Royals	15	5	1	9	318	394	11
Magani	14	3	1	10	268	396	7
Waliya	14	3	1	10	290	495	7
Hawks	15	2	0	13	298	455	4

WINFIELD LEAGUE DRAW

DATE	TIME	CLUB	CLUB	
15/6/91	3.30 pm	Brothers	vs	Waliya
16/6/91	9.30 am	D.C.A.	vs	Magani
16/6/91	11.00 am	ANG	vs	Royals
16/6/91	12.30 pm	Kone	vs	West
16/6/91	2.00 pm	Paga	vs	Tarangau

BYE: Hawks

Match of the Round:

16/06/91 3.30 * Defence vs Souths

WINFIELD LEAGUE RESULTS

WAHGI - ROUND 2

TARANGAU 24, 5 tries, 2 goals defeated HAWKS 12, 3 tries. Man of the match: ANDREW KUSI

BROTHERS 36, 6 tries, 2 goals defeated MAGANI 8, 1 try, 1 p/goal. Man of the match: JOHN WAL

UNITED 22, 4 tries, 2 goals, 1 p/goal defeated WEST 12, 3 tries. Man of the match: JIM PENA

TIGERS 17, 3 tries, 2 goals, 1 p/goal defeated MONDO 16, 3 tries, 1 goal, 1 p/goal. Man of the match: JOHANES ER

WINFIELD LEAGUE LADDER ROUND 2

CLUB	GP	W	D	L	PF	PA	Total points
Tigers	13	10	nil	9	241	204	20
United	12	9	1	2	204	128	19
Brothers	12	8	nil	2	264	135	16
Tarangau	13	6	1	5	232	166	13
West	12	5	nil	7	202	218	10
Hawks	11	3	nil	9	170	283	6
Mondo	12	3	nil	9	145	809	6
Magani	12	1	nil	11	126	226	2

WINFIELD LEAGUE DRAW

WAGHI - ROUND 2

DATE	TIME	CLUB	CLUB	
13.6.91	2.40 pm	Hawks	vs	Brothers
13.6.91	4.10 pm	Mondo	vs	Magani
14.6.91	2.40 pm	West	vs	Tarangau
14.6.91	4.10 pm	United	vs	Tigers

Match of the round: 14/6/91 4.10 pm United vs Tigers

WINFIELD LEAGUE RESULTS

GOROKA - ROUND 10

TARANGAU 26, 5 tries, 3 goals defeated SIANE 22, 4 tries, 3 goals. Man of the match: GOMANE LOUAWA (Tarangau)

HAWKS 14, 3 tries, 1 goal defeated BROTHERS 13, 2 tries, 2 goals, 1 field goal. Man of the match: ANDY ANDREWS (Hawks)

COUNTRY 18, 3 tries, 2 goals, 1 penalty goal defeated TIGERS 12, 2 tries, 1 goal, 1 penalty goal. Man of the match: AMAKORE MIKAIVE (Country)

UNITED 36 7 tries, 4 goals defeated ROYALS 28, 4 tries, 3 goals. Man of the Match: MARTIN ABORE (United)

WINFIELD LEAGUE LADDER Round 9

CLUB	GP	W	D	L	PF	PA	Ttl points
Hawks	9	7	-	2	217	171	14
Tarangau	9	6	1	2	228	133	13
Country	9	6	1	2	199	151	13
Tigers	9	5	-	4	193	163	10
Brothers	9	5	-	4	185	174	10
Royals	9	4	-	5	188	213	8
United	9	3	-	6	182	219	6
Siane	9	1	1	7	144	253	3
Darno	9	-	1	8	96	153	1

WINFIELD LEAGUE DRAW

GOROKA - ROUND 10

DATE	TIME	CLUB	CLUB	
16/6/91	11.30 am	Royals	vs	Brothers
16/6/91	1.00 pm	United	vs	Country
16/6/91	2.30 pm	Stane	vs	Darno
16/6/91	4.00 pm	Hawks	vs	Tarangau

BYE: Tigers
Match of the round: 16.6.91 3.25 Tigers vs Tarangau

WINFIELD LEAGUE RESULTS

MT. HAGEN - ROUND 9

TIGERS 28, 5 tries, 4 goals defeated COUNTRY 12, 3 tries. Man of the match: JOHN HARRIS

ROYALS 12, 2 tries, 1 goal, 1 penalty goal defeated TARANGAU 8, 2 tries. Man of the match: STEVEN TAU

BROTHERS 18, 3 tries, 2 goals 1 penalty goal defeated HAWKS 8, 1 try, 1 goal, 1 penalty goal. Man of the match: BILLY NOU JR

WINFIELD LEAGUE LADDER Round 8

CLUB	GP	W	D	L	PF	PA	Total pts
Tigers	7	6	-	1	210	94	12
Tarangau	7	4	-	3	114	114	8
Hawks	7	4	-	3	126	114	8
Newtown	6	3	1	3	74	70	7
Brothers	7	3	1	3	106	138	7
Royals	7	2	-	5	110	162	4
Country	7	1	-	6	120	168	2

WINFIELD LEAGUE DRAW

MT. HAGEN - ROUND 9

DATE	TIME	CLUB	CLUB	
23/6/91	12.30	Country	vs	Tarangau
23/6/91	2.45	Tigers	vs	Brothers
23/6/91	4.00	Royals	vs	Newtown

BYE: Hawks
Match of the round: 23/6/91 4.00 Royals vs Newtown

WINFIELD LEAGUE RESULTS

KUNDIAWA - ROUND 2

HAWKS 14, 3 tries, 1 goal defeated BROTHERS 8, 2 tries. Man of the match: STEVEN BOMAI (Hawks)

TIGERS 14, 3 tries, 1 goal defeated PANTHERS 4, 1 try. Man of the match: DUCK PAUL (Tigers)

SOUTHS 12, 2 tries, 1 goal, 1 penalty goal defeated TARANGAU 8, 2 tries. Man of the match: JOE DEGEMBA (South)

WINFIELD LEAGUE LADDER Round 9

CLUB	GP	W	D	L	PF	PA	Total points
Hawks	9	6	1	2	122	74	13
Souths	8	5	1	2	93	80	11
United	8	5	-	3	82	70	10
Tigers	9	4	1	4	86	56	9

Tarangau	9	3	2	4	70	86	8
Brothers	9	3	1	5	90	118	7
Panthers	9	3	1	5	56	93	7

WINFIELD LEAGUE DRAW

KUNDIAWA - ROUND 10

DATE	TIME	CLUB	CLUB	
16/6/91	12.30 pm	Tigers	vs	Souths
16/6/91	2.15 pm	Hawks	vs	United
16/6/91	4.00 pm	Brothers	vs	Panthers

BYE: Tarangau

Match of the round:

16/6/91 Brothers vs Panthers

WINFIELD LEAGUE RESULTS

MENDI - ROUND 3

BROTHERS 12, 2 tries, 2 penalty goals drew MAGANI 12, 1 try, 1 goal, 3 penalty goals. Man of the match: PAUL TIA

BULLDOGS 22, 4 tries, 3 goals defeated TARANGAU 20, 4 tries, 2 goals. Man of the match: BRUCE PAKI

HAWKS 26, 4 tries, 3 goals, 2 penalty goal defeated ROYALS 24, 4 tries, 4 goals. Man of the match: JOHN BITO (No. 6) Hawks

WINFIELD LEAGUE LADDER Round 3

CLUB	GP	W	D	L	PF	PA	Total points
Bulldogs	9	6	-	3	125	150	12
Royals	9	5	-	3	170	124	10
Tarangau	9	5	-	4	142	122	10
Hawks	9	4	1	4	168	158	9
Magani	9	3	1	5	120	171	7
Brothers	9	2	2	5	160	146	6

No Winfield League Matches

WINFIELD LEAGUE DRAW

MENDI - ROUND 4

DATE	TIME	CLUB	CLUB	
15/6/91	3.10 pm	Brothers	vs	Tarangau
16/6/91	1.50 pm	Magani	vs	Royals
16/6/91	3.10 pm	Bulldogs	vs	Hawks

Panthers i smelim Mosbi taitel

SOUTHS i strongim sans bilong em long winim namba 5 ples long Mosbi Winfield Lig resis bihain long em i autim Air Niugini 17-16.

Souths i laki long winim dispela gem wanpela gutpela fil gol bilong fulbek John Harry. Harry i kikim dispela fil gol klostu long pilai i laik pinis. Mosbi So i bin kamap tasol Lloyd Robson oval i bin pulap stret long ol sapota.

Planti manmeri i lukim Souths i mekim ol Air Niugini pilai i luk olsem nau tasol ol i pilai ragbi long ful namba tu hap bilong pilai.

Ol pilai bilong Souths i liklik, tasol ol givim ol gutpela strongpela i takol stret long ol bikpela pilai bilong Air Niugini olsem Bob Tolick, Johnson Tia, na Luke Andrew. Dispela i mekim ol Air Niugini pilai i paul na mekim planti asua insait long dispela gem.

Bikpela winga bilong Air Niugini, Bob Tolick em ol i makim em gut tru. Olsem na em i nogat sans tru long skoarim trai.

Olpela Kumul pilai na hap bek bilong Air Niugini, Tony Kila i bin pilai strong tru. Dispela gem em Tarangau inap long winim isi tru bihain long em i lukautim long namba wan hap. Tasol long namba tu hap, asua bilong ful bek Mafu Kerekere tasol i mekim na Difens winga, Arnold Krewanty i skoarim tupela trai.

Mafu i sapos long ran i kam antap long stapim Krewanty. Tasol em i ran long sait i go na wetim long takolim Krewanty. Dispela taim em Krewanty i kamap klostu pinis long trai lain, na pundaun i go long sait tasol long skoa.

Fairdeal Wes i sot long wanpela poin tasol na i ran bihain long Tarangau long namba tu ples. Dispela em bihain long emi lus long Twisties Brothers 32-20.

Dispela win i helpim Brothers long karim 18 poin nau wankain olsem Kone Tigers. Kone Tigers i go daun long strong bilong Paga Panthers 27-26.

Paga Panthers i muv i go nau long 19 poin bihain long Wes. Panthers bai i premim nau tupela kompetisen lida, Tarangau na Wes. Bikos em i sindaun nau long namba tri ples, bihain stret long tupela.

Panthers i autim tiket bilong Magani 32-14 long tupela wik i go pinis. Bihain ol i rausim nem bilong Wes long mid wik gem, na bagarapim sindaun bilong DCA long wankain skoa egensim Magani 32-14 long las wik tru.

Na las wiken em i autim Kone Tigers long wanpela poin tasol, 27-26.

John Ben Moide bilong Panthers i save nau olsem fil gol em bikpela samting. John i kikim gut wanepla fil gol na Panthers i winim dispela strongpela gem. Em i kikim dispela fil gol sampela seken bipo long ful taim.



Panthers i winim 5-pela gem long lain i kam inap nau, bihain long nupela kosa Clive Clarke i kisim ples bilong olpela kosa, John Harangu. Nau yet Panthers i gat ol stretpela pilai long winim gem.

Clarke i bin winim primiasip wantaim Paga Panthers long bipo. Wantaim kam bek bilong em nau, Panthers bai i lukluk gen long winim primiasip taitel gen ya.

Panthers i no bin pilaim gutpela gem tumas long stat bilong sisen. Tasol i luk olsem olgeta plen i bihainim stretpela rot nau. Daroo Ben Moide husat i winim "Man-of-the-Match" prais long gem bilong las wiken i go pas long Panthers dispela sisen wantaim gutpela sapot bilong bikpela brata, John.

Beklain bilong ol i gat moa spit wantaim ol pilai olsem senta Christ Mitaharo na smok balus winga Thomas Toivita. I luk olsem Toivita na Mitaharo i bungim gut stail bilong tupela wantaim long las wiken.

Dispela em bihain long wanpela trai we Mitaharo i givim long Toivita. Toivita i givim sisti olsem smok balus i go daun long sait lain na skoarim aninit long gol pos stret.

Luke Waldiat long faiv eit i pilaim gutpela gem nau. Em i save bungim gut stail wantaim hap bek.

Las wiken tupela ki pilai, faiv eit na hap bek i pilaim gutpela gem stret egensim Kone Tigers. Olsem na Panthers i smelim fainal nau.

WINFIELD LEAGUE RESULTS

MADANG - ROUND 9

BROTHERS 16, 3 tries, 2 goals defeated AIR NIUGINI 14, 3 tries, 1 penalty goal. Man of the match: PETER WATIN-GA (Brothers)

TARAKUM 36, 7 tries, 4 goals defeated TIGERS 28, 5 tries, 4 goals. Man of the match: REX APUKA (Tarakum)

HAWKS 38, 7 tries, 5 goals defeated PANTHERS 14, 3 tries, 1 p/goal. Man of the match: ADU TIMBIN (Hawks)

Ladder and next week draws to be updated by Madang League pending outcome of Judiciary meeting.

MADANG - ROUND 10

DATE	TIME	CLUB	CLUB	
15/6/91	4.00pm	Hawks	vs	Tigers
15/6/91	2.30pm	A/Niugini	vs	Panthers
16/6/91	4.00pm	Tarakum	vs	Brothers

Match of the Round: 16/6/91 4.00pm Tarakum vs Brothers

WINFIELD LEAGUE RESULTS

KAINANTU - ROUND 9

PANTHERS 28, 5 tries, 4 goals defeated MAGANI 16, 3 tries, 2 goals. Man of the match: THOMAS YALING (Panthers)

No other games were played

LADDER AFTER COMPLETION OF ROUND 9

WINFIELD LEAGUE LADDER Round 9

CLUB	GP	W	D	L	PF	PA	Total points
Panthers	9	6	3	-	137	92	15
Tarangau	9	6	-	3	174	134	12
United	9	4	1	4	121	104	9
Brothers	9	4	1	4	89	92	9
Tigers	9	4	1	4			




• Oi Bombers i laik apim na planim dispela Lahanis pilala, bipo em i laik pilaim bal. Lahanis i winim dispela Inta Siti gem 30-28 long Goroka. Poto Sape Metta.

• Goroka Lahanis pilaim i kisim taim long takol bilong tupela Lae Bombers pilala long Inta Siti Kap resis las wiken long Goroka. Goroka i winim Lae 30-28. Poto Sape Metta.



• Lae Bombers fowat i bungim strongpela takol bilong Lahanis pilala. Poto Sape Metta.

• Faiv eit bilong Goroka Lahanis, Opae Soga i stretim su blong em las wiken long bikpela SP Inta Siti Kap resis gem egensim LBC Lae Siti Bombers long Goroka. Oi Lahanis i strong na winim dispela gem 30-28. Poto Sape Metta.



• Strongpela winga bilong Fairstar Tarangau A gret tim, Michael Jim i brukim banis bilong Difens long bikpela gem bilong Mosbi Winfield Lig resis las wiken. Poto Sape Metta.

• Goroka Lahanis tim husat i bosim nau poin lata bilong SP Inta Siti Kap resis wantaim 6-pela poin. Bihaun long Lahanis em olpela sempion, Mosbi Vipers wantaim 6-pela poin tu, tasol em i ran bihaun long gol averes. Dispela wiken ol bal i bungim Kundlawa Warriors long Kundlawa. Poto Sape Metta.

Saea joinim Warriors

PETER MIVA I raitim

OLPELA Kumul pilaia, Kepi Saea i tingim ol tambu na pilai nau wantaim Kundiawa Warriors long SP Inta Siti Kap resis. Las wiken em i pilai long faiv eit posisen na lukautim pilai bilong Kundiawa Warriors egensim Mosbi Vipers long Lloyd Robson oval, Mosbi.

Saea i pilaim planti gem pinis wantaim Air Niugini A gret tim bilong Mosbi Winfield Lig. Tasol nau em i kamap long Simbu na pilai wantaim Kundiawa Warriors.

Plantil sapota i amamas long lukim Saea i ran i go insait long Lloyd Robson oval long blu na repela kala yunifom bilong Kundiawa Warriors.

Saea i bilong Galp provins. Tasol taim i putim red na blu yunifom, em i luk wankain olsem ol manki Kundiawa yet. Plantil wan pilaia bilong em long Mosbi Air Niugini i save kolim em olsem "Kela".

Taim em i holim bal, moa long tri o 4-pela pilaia bilong Vipers bai i kalap long em. Bikos ol i save gut long pilai bilong em pinis. Dispela i stapim Saea long kamapim sampela gutpela stall o strongim banis bilong Warriors.

Bikpela sapot long gren sten i kam long ol wan pilala bilong em long Air Niugini olsem David Mune, Johnson Tla, Daniel Kunjip, na ol arapela pilala husat i bin stap na lukim Saea i pilla egensim Vipers. Saea i bin pilai faiv eit posisen. Dispela posisen i no nupela long em. Bikos plantil taim em i bin pilai long dispela posisen taim em i stap wantaim Air Niugini na Twisties Brothers klap long Mosbi.

Kundiawa Warriors i bin lusim dispela gem long Mosbi Vipers 28-14. Tasol ol kain pilala olsem Kepi Saea na Bal Numapo i putim kamap strongpela banis tru, na takolim ol pilaia bilong Vipers strong tru.

Narapela wan pilala bilong Saea bilong Mosbi air Niugini, John Oeka i bin pilai olsem fulbek bilong Vipers. Em i skoarim tupela trail bihain long sampela gutpela "fut wok".

Namba wan trail bilong Oeka i kamap aninit long gol pos. I no gat pilaia i stap long stapim em. Narapela gutpela Vipers pilala tu em Johannes Kola husat i winim "Man-of-the-Match".



• Roy Loitive bilong Difens i laik abrusim takol bilong wangepela Tarangau pilala long A gret tim resis bilong Mosbi Winfield Lig resis. Tupela tim i dro 20-20. Poto Misako Elemlah.

Mosbi pablik sevan lig painim hevi nau

BIHAIN taim bilong Nesenel Kepitel Distrik Pablik Sevan Ragbi Lig (NCDPSRL) i no gutpela tumas.

I gat bilip olsem i nogat fil bilong lukautim resis bilong dispela yia. Sans i hangamap tasol nau long han bilong ol papa bilong fil insait long siti. Sapos ol i tok orait long fil bilong ol, bai resis i go het gen long dispela yia.

Ating i luk olsem lig bai i yusim wangepela fil ausait long Mosbi Siti. Tasol dispela bai givim bikpela mekimsave stret long ol klap na tim bilong resis.

Ragbi resis bilong ol pablik sevan long Mosbi i bin stat long 1976. Long dispela taim i kam inap nau, resis ya i bin yusim 5-pela oval pinis.

Nem bilong ol dispela oval em Lloyd Robson Oval, Gerehu Haiskul Oval, Sir Hubert Murray Stadium, na Murray Barks Oval.

Tasol pasin bilong pait

namel long ol pilaia na sapota i bagarapim sans bilong lig long yusim ol dispela fil gen.

Papa bilong ol dispela fil i no laik givim moa fil bilong ol i go long NCDPSRL long yusim.

Wangepela man tasol em lig i hangamap nau long han bilong em long kam aut long dispela hevi em vais presiden bilong Lig, Gabriel Segeyaro.

Tasol Segeyaro i tok em bai i hat tru nau long painim wangepela fil bilong dispela sisen resis. Bikos long ol hevi bilong bipo.

Em i no tokaut long plen bilong em long lig, tasol i gat bilip olsem plantil wok i mekim, na em i lusim wok bilong lig.

Ol arapela opisal husat i kisim ples bilong em i gat dispela bikpela hevi nau long stretim.

Tasol sampela klap

olsem Ela Ragbi Lig Klap i go het yet long wok bilong bungim mani, na i redi long 1992 sisen long stat.

Skul bois resis amamasim Kiunga

KIUNGA Skul bois ragbi lig i bin amamasim ol pipel bilong Kiunga wantaim gutpela stall bilong ragbi lig long Kwins Betde long Mande 10, Jun 1991.

Moa long 12-pela junla tim i bin kamap long amamasim Kwins Betde.

Tri-pela divisen bilong Anda 50, 60 na Anda 70 kilogrem i bin kamap long putim kamap stall bilong ol.

Anda 50 kilogrem tim bilong Fly Rivers Sharks i bin putim kamap sampela gutpela stall bilong ragbi lig na pinisim wantaim gutpela skoa. Ol i bin bagarapim sindaun bilong Huala Raiders 16-0 long namba wan gem bilong resis ya. Winga bilong Sharks Zemegani Nambal yet i bin putim tupela trail hap bek. Clifford Kambaki (hap bek) na Ondake Betukpe (prop) i bin skoarim wan wan trail long bringim skoa i goap 16-0 bilong long ful taim.

Wankain pilai Lamara Bulldogs i bin putim kamap na daunim Maunt Fublian Diggers 24-4.

Audiwa Garin bilong Bulldogs yet i bin skoarim tupela trail aninit long gol pos. Plantil pilala bilong Bulldogs i pilai gut tru long dispela taim.

Gem i kamap gut na faiv eit Boro Peter, wantaim na Felix Lewis i bin skoarim wangepela trail bilong ol yet long bringim skoa i goap 24-4.

Long ol arapela gem bilong Anda 50 kilogrem, Laura Bulldogs na Sharks i bin putim kamap gutpela gem long strongim skoa 4-4 ful taim.

Long Anda 60 kilogrem Bulldogs i bagarapim sindaun bilong Sharks 8-6.

Bulldogs Anda 60 tim i bin putim kamap plantil stall winim dispela gem. Long apinun Sharks na Raiders Anda 60 tim i dro 4-4.

Difens i smelimen Mosbi taitel

PETER MIVA I raitim

NAU yet Defence klap i putim kamap wankain pilai olsem ol i bin putim kamap long 1990 long holim taitel bilong Mosbi. Las wik ol i bin putim kamap strongpela pilai egensim kompetisen lida Tarangau.

Tarangau i go pas long 12-10 long hap taim. Na 16-10 long namel bilong namba tu hap. Bihain long dispela taim Defence i putim kamap strongpela gem na stapim Tarangau long putim moa trail.

Winga Arnold Krewanty yet i bin putim tupela trail long bringim skoa i goap 20-16. Tarangau i bin putim laspela trail long levolim skoa 20-20.

Senta pilaia Elias Paiyo i bagarapim konvesen na skoa i stap wankain long ful taim. James Miviri, Jack Uradok, Joe Garap na winga Arnold Krewanty bilong Defence i putim strongpela gem egensim ol beklain pilaia bilong Tarangau.

Bikpela win i kamap long Boroko Maket sait insait long namba tu hap bilong gem na dispela i givim bikpela het pen long ol soldia boi. Huka Alex Togola i no kikim tupela konvesen i go insait. Dispela tupela kik i stapim Defence long winim gem ya egensim Tarangau.

Tasol tupela pilaia bilong Tarangau Timothy Sakete (5,8) na Don Rore (hapbek) i bin yusim win ya long kikim olgeta konvesen i go namel long tupela pos. Ol bikpela fowad bilong Tarangau olsem Kaibel Kanaka, Tara Korae, Francis Kakarya na Terry Longbut i bin mekim plantil gutpela ran i go insait long mak bilong Defence tasol dispela i no stapim ol fowad bilong Defence mekim ol strongpela takol.

Matu Kerekere (fulbek) i bin kisim bikpela helpim long Micheal Jim (winga). Tasol bikpela hetpen tupela i kisim bikos tupela pilaia bilong Defence Miviri na Krewanty kamapim wankain pilai tu long stapim tupela.

Tarangau winga, Micheal Jim i bin pilai gut tru long sait bilong em na dispela i kamapim bikpela het pen long ol beklain pilaia bilong Defence. Micheal i bin pretim plantil pilaia husat em i pilai egensim pinis long kain takol na ran bilong em.

Long las wik tupela tim wantaim i bin putim kamap gutpela stall bilong ragbi lig long ol sapota bilong tupela long Mosbi.

Long ol arapela A gret gem, Brothers i bagarapim sindaun bilong West 32-20. Dispela win i putim Brothers long namba 3 ples long poin lata. Brothers i bin lusim tupela gem bilong em tasol nau ol i putim olgeta strong na tingting wantaim long daunim strong bilong West.

Nau yet West i no bin putim kamap gutpela gem long ai bilong ol sapota bilong em.

Kimbe bai makim NGL long Anda 17 sempionsip

ANDA 17 bilong Kimbe Ragbi Lig bai klsim nem bilong Niugini Allan long bikpela sempionsip bilong Anda 17 long Lae long Tunde 30 Jun, 1991.

Kimbe Ragbi Lig Seketeri Joe Tepp i tokim Ragbi Lig Nius (RLN) olsem i no gat anda 17 resis long ol arapela Niugini Allan senta olsem Rabaul na Kavieng.

Tepp i tok ol opisal bilong Kimbe Lig bai i makim 20 pilala long Anda 17 tim long statim trening. Na bihain long dispela trening ol bai makim fainal skwat long makim Niugini Allan long pilai Anda 17 sempionsip long Lae.

Ol wankain pilala bai i kamap gen long pilai egensim anda 17 skul bol tim bilong Australia wangepela taim long dispela yia.

Tepp i tok pilai egensim wangepela tim long Australia em i wangepela bikpela selens ol bol bilong Kimbe bai tingting long bungim. Na tu em i gutpela taim long ol yangpela pilala i ken klsim moa save long pilai egensim ol pilala bilong arapela hap ausait long Papua Niugini.

Tepp i tok Kimbe em i wangepela senta tasol insait long kantri we ol i holim pasim anda 17 resis.

Em i tok moa long ol dispela pilala i no bin kamap long wangepela nesenel o intanesenel gem long bipo. Tepp i tok dispela gem egensim Australia Anda 17 bai tim i olsem wangepela bikpela na nupela samting long laip bilong ol long ragbi lig resis.

Tepp i tok em i gat bikpela bilip olsem ol yangpela pilala ya bai i putim kamap strongpela gem egensim ol arapela tim husat bai i kamap long sempionsip long Lae.

Wau Bulolo pretim ol nem senta long Noten Son resis

MALUM NALU I raitim

LIKLIK senta, Wau Bulolo i pretim stret ol nem senta long Noten Son trlals em i bin kamap long Kainantu long Kwins Betde wiken.

Eitpela tim bilong Noten son riijn i bin kamap long dispela resis. Na Wau Bulolo em planti manmeri i no save harlim nem blong ol long ragbi lig i pretim stret ol nem senta olsem Lae, Kainantu na Madang. Wau Bulolo i winim olgeta gem bilong em long dispela resis.

Ol opisal i makim pinis tim bilong Noten Son. I gat bikpela blip olsem samting olsem 5-pela pilala bilong Wau Bulolo bal i stap insalt long Noten Son tim.

Planti pilala insalt long Wau Bulolo tim em ol yangpela studen bilong Wau Bulolo Forestri Koles, husat i kam long kain kain hap bilong kantri, na ol Pasifik Allan Kantri olsem Tonga.

Ol pilala i bin kamap long Sarere 8 Jun, Sande 9 Jun, na Mande 10 Jun, 1991.

Long Sarere ol yangpela Wau Bulolo manki i autim tiket bilong Kainantu Wan 22-18, Lae i nekim Kainantu Tu 31-6, Madang i bagarapim sindaun bilong ol "Gawi" long Wewak 32-12, na Morobe kantri i winim Ramu 36-8.

Long Sande Kainantu Tu i nekim Morobe Kantri 20-16, Lae i bagarapim sindaun bilong Ramu 34-12, Wau Bulolo i givim sampela skul long nem senta, Madang 20-14, na Kainantu Wan i winim Wewak 34-10.

Long las de bilong

trials long Mande, Wau Bulolo i winim Morobe Kantri 38-36, Wewak i winim Ramu 28-20, Madang i autim tiket bilong Kainantu Tu 38-36, na Kainantu Wan i winim Lae 10-9.

Vanimo i bin kamap long resis ya. Olsem na Kainantu i putim tupela tim long resis, Kainantu Wan na Kainantu Tu. Dispela em long mekim namba bilong ol tim i go inap long 8-pela, bal mekim isi long dro i ran gut.

Ol opisal bilong Wau Bulolo Lig i tokim RLN olsem ol lamamas tru olsem ol i solm pinis ol nem senta.



• Wanpela pilala bilong Wewak i klsim bal na givim sistl long brukim strong banis bilong Kainantu Wan. Tasol Kainantu i strong na winim dispela gem 34-10. Poto Sape Metta.



• Fowat pilala bilong Lae (Namba 9) i laik planim wanpela pilala bilong Kainantu Tu. Lae i winim dispela gem 31-6.



• Ol Gawi bilong Wewak i solm pes gen long Noten Son sempionsip. Ol i winim wanpela gem tasol egensim Ramu long dispela resis. Poto Sape Metta.



• Wanpela pilala bilong Wewak i givim spia takol stret long trangu pilala bilong Madang. Tasol Madang i soim olsem em i gat moa pawa na i winim dispela gem 32-12. Poto Sape Metta.



• Kainantu Tim Wan i sindaun arere long bas bilong ol. Tasol strong bilong ol i no tumas long winim olgeta gem olsem ol yangpela bilong Wau Bulolo.

Winfield League '91

MAIK I BELHAT LONG HENRI NA HATIM EM...

HEY, SAN! YU KAM INSAIT LONG HAUS OLSEM WANEM? MI BIN LOKIM DUA LONG MONING, YA!

KAMON, PAPS! MI AMI MAN YA... MI SAVE LONG OL KAIN KAIN TRIK... ER... LONG OPIM DUA... YU SAVE...

MAMA KUKIM LIKLIK RAIS INAP LONG HENRI NA EM KAIKAI...

EH MAMA... OL LAIN BILONG MI WE?... JUNIA WANTAIM MAMA BILONG EM!

... YU NOKEN TOK PIKINIAI BILONG MI... OL LAIN TAMBU BILONG YU I KAM NA KARIM OLI GO LONG PLES BILONG OL!.. MI NO BEL ISI..

HENRI I BELHAT NOGIT TRU LONG OL TAMBU BILONG EM...

YU WET, MAMA!! TUMORA BAI MI GO NA PAIARIM OL STRET! @*?!? OL I TING MI WANPELA PIPA MAN, A?

LONG MONING HENRI YUSIM KA BILONG PAPA NA GO SPAK... APININ NAI EM SUT I GO LONG PLES BILONG OL TAMBU.

... (CHIC!) HEIII!!! @* YUPELA OL TAMBU KAMALIT!! @*?!?

!!!

EM AUTIM OLGETA WARI BILONG EM....

SANI BOI BILONG MI WE? JUNIA WE, A? MI KAM LONG KISIM EM.. MI PAPA BILONG EM!!

PAPA!!

TASOL JUNIA HARIM NEK BILONG PAPA BILONG EM NA EM RON I KAMALIT NA KALAP ANTAP LONG EM...

PAPA!! PAPA!! YU KAM PINIS!!

BOOHOOO!! JUNIA MAI SAN! HAMAS YIA MI NO LUKIM YU.. BOOHOOO!! YENA!!

JUNIA KAM BEK!

... KROS BILONG HENRI I PINIS TAIM EM LUKIM JUNIA... EM KRAI TASOL...

PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim emi tru!



TUPELA MASTA NA MISIS LUKIM EM NA GO HELPIM EM...

HEY! YU LONG LONG OZ EM HAP PLES WE OL SAK SAVE RAUN!

HARIAP! KALAP LONG BOT!

AIYO! TENKIU TRU!!

NAU REBO KALAP NA OL / SEL / GO...

LUKAIT! NOGUT YU..ER WEL...

OOPS

HA HA HA ISI LIKLIK YA! NOGUT YUMI KAPSAIT..

REBO / LAIKIM TRU... SEL-BOT / PUL OLSEM SPIT BOT STRET...

WEEAAAAA!! MI PILIM NAIS TRU YA!!

HA HA HA! YU STAP ISI TASOL!

OL I KAMAP KLOSTU LONG NAMBIS NA REBO TOK TENKIU LONG OL NA KALAP / GO DAUN...

LUKIM! PAPA I KAM NAU!

OKE! FRI RAID BILONG YU I PINIS LONG HA! LUKIM YU!

TENKIU TRU, TUPELA!

EM GO KAMAP LONG KA NA AUDA TOK PILAI LONG EM...

EH, PAPS YU SAVE WANEM..? TISA I WARI TRU LONG YU, YA!

HE-HE-HE! TRU, A? MAN, MAN! EM I TING BAI MI DAI LONG SOL-WARA... TCH TCH!


AUDA, MASKI LONG GIAMAN! KAMON YUMI GO!

NAU OL I TEK-OFF... AUDA I LES TRU NA EM SILIP INSAIT LONG KA...


YAWN! AAH... AI SILIP YA...

OL SAVE MAN BILONG BISNIS YUSIM OL!


Lister




LT1 5 K.V.A.
 ● TOTALLY PORTABLE ENERGY SOURCE
 ● IDEAL UNIT FOR VILLAGE LOCATIONS



TS2 8.5 K.V.A.
 ● 3 PHASE OR SINGLE PHASE POWER
 ● COMPACT AND EFFICIENT



HR3 26.25 K.V.A.
 ● IDEAL COMMERCIAL BACKUP SYSTEM



CS6 58 K.V.A.
 ● INDUSTRIAL CAPACITY
 ● WILL HANDLE MAXIMUM DEMAND FOR POWER ANYTIME

Brian Bell Stores

- BORO — 25 5411
- LAE — 42 3377
- GOROKA — 72 1098
- MT. HAGEN — 52 1999
- RABAU — 92 1966



Flash Gordon



MICKEY MOVIE



WINNIM



Long Mande 20 Me, 1991, Agriculture Supplies and Equipment bilong Rabaul bai stat salim ol kaikai bilong pik em ol i wokim yet long PNG. Dispela kaikai bilong pik bai ol mekim long Kurakakaul Piggery. Insait long dispela kai bai i gat 20 pesen gutpela marasin kaikai em ol i kisim long Australia na 80 pesen bilong kaikai em mit bilong kokonas em ol i kisim long Rabaul. Bai i gat tu rais em ol i kisim long Rice Pollard and Mill Run fekotori long Lae na Flour Mill long Mosbi.

Bikos planti long ol dispela kaikai em ol i wokim long PNG, ASE bai salim 40 kilogrem bek long KI2 tasol. Ol wokman i painim ol dispela kain kain bilong pik na putim wantaim long Kurakakaul Piggery. Hevi bilong dispela nupela kaikai bilong pik i wankain olsem kaikai bilong pik em ol i save kisim i kam long narapela kantri. Nau pe bilong kaikai bilong pik i go daun bai givim sans long kampani i wokim i mekim bikpela win mani. Na i gat bilip olsem klostu nau bai ol i salim tu kaikai bilong kakaruk.

Olgeta kastoma husat i baim samting em pe bilong ol i winim KI5 long Agricultural Supplies And Equipment bai stap insait long dro bilong winim wanpela fri pik. Namba wan dro bilong winim fri pik bai kamap long mun Ogas, narapela long mun Novemba na tupela long mun Disemba. Husat i laki na win bai tokaut sapos em i laikim pik i dai pinis o man pik em i no dai yet bilong lukautim. Olgeta pik i kam long Kurakakaul Piggery na i nambawan kwaliti.

Olsem na noken abrusim dispela sans nau. Kam hariap long Agricultural Supplies na Equipment long Malaguna Rot, Rabaul. Yu ken toktok wantaim mipela tu long telepon 92 1422 o 92 1470. Na yu ken salim pas i kam tu long dispela adres: P.O. Box 1121, Rabaul.

MIPELA I SAVE SALIM OL:-

- | | |
|---------------------------------|-------------------------------------|
| - <i>Agricultural Chemicals</i> | - <i>Dong Feng Walking Tractors</i> |
| - <i>Onga Pumps</i> | - <i>Stock Feed</i> |
| - <i>Stanley Equipment</i> | - <i>Fothergill Seeds</i> |
| - <i>Shibaura Tractors</i> | - <i>Work Boots</i> |

Dispela em ol nambawan kwaliti pik bilong Kurakakaul Pik Fam na mipela bai givim wanpela fri long mun Ogas, wanpela long mun Novemba na tupela long Desemba. Sapos wanpela fama i win, em bai kisim wanpela man pik long helpim banis pik bilong em yet. Na sapos wanpela man o meri long taun i win, no ken wari bikos bai i gat pik bilong yu long kaikai i redi i stap.

Agricultural Supplies And Equipment

P O Box 1121 RABAUL ENBP Phone: 92 1422 or 92 1470

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.